



De Coena Domini, aduersus Iodoci Harchii Montensis dogmata.

<https://hdl.handle.net/1874/454599>

cc 3
DE
COENA DOMINI,
ADVERSVS IODOCI
HARCHII MONTENSIS
DOG MATA.

THEODORI BEZAE
Responſio.



GENEVÆ,
APVD EVSTATHIVM VIGNON.
M. D. LXXX.

CONTRA DOMINI
ADVERSUS IODOCI
MUCCHI VIDENTIS
OPERA
TOMVS I
1580



CONTRA
ADVERSUS IODOCI
MUCCHI VIDENTIS
OPERA
TOMVS I
1580



3

DE COENA DOMINI,
ADVERSVS IODOCI
HARCHII MONTENSIS
DOG M A T A.

Theodori Bezæ Responsio.

Constituta Sacramenti definitio-
ne, & in suas partes, id est, in
signa & res significatae, parti-
tione, mihi quidem videntur
omnes de Cœna Domini con-
trouersia, quibus & nostra &
Patrum memoria, tantopere agitatâ Ecclesiam vi-
demus, ad has questiones commodissimè reuocari.

- ¹ Quæ sint signa.
- ² Quæ res significatae.
- ³ Quæ sit signorum & rerum significatarum analogia.
- ⁴ Quæ signorum & rerum significatarum copulatio.
- ⁵ Quomodo percipiuntur signa.
- ⁶ Quomodo percipiuntur res significatae.
- ⁷ Quæ sint Sacramentorum usus effecta.

A.iij.

Nulla est autem istarum questionum, quam non
deprauarit Satan infinitis modis, ut Sacra menta,
vel in contemptum adduceret, ea extenuando, vel
ea supra modum efferendo, in Idola transforma-
re: quò magis omnes Pastores, in quibus & ipse
nomen meum profiteor, laborare de afferenda ve-
ritate in tanti momenti controuersia decet. De his
igitur omnibus, & cū Papistis, & cū Anabaptistis,
magna quanuis non unius generis nobis, editam
in Heluetia Confessionem ut veram amplexis,
contentio est. Cum iis vero qui Lutherani dici, &
haberi volunt, duabus tantum de rebus, nepe tum
de signorum & rerum significatarum copulatione,
tum de rerum significatarum perceptione contro-
uersia supereft: quibus de rebus alias à nobis ple-
nissime, Deo fauente, disputabitur. Nec vero cum
Iodoco Harchio quodam Montensi nobis negotium
est, cuius librum VVormatiae, si vera est inscriptio,
ante septem annos editum quum perlegisse, pro-
baui quidem hominis voluntatem, qui hæc à se
scripta sedandis istis controuersiis testaretur: sed
illum ad tantam causam agendam credidi multo
plus iudicij, confidentie vero multo minus afferre
debuisse. Tacui tamen, & licet urgentibus non-
nullis ut falsissimo sane ipsius dogmati, utpote quo-
nou & potius controuersiae excitarentur, quam vete-
res tollerentur, refutationem opponerem, silentio
potius eiusmodi scripta esse obruenda respondi.
Nullum enim fore arbitrabar, qui tam absurdis
sententiis

sententiis assentiretur: quæ spes quam me se felicit, cogor amicorum precibus, quam hæc vana sint demonstrare, id est, penè cum ratione insanire. Adscribam autem primo loco ipsius Iodoci verba ex variis eius libri paginis optima fide descripta, ut quæ sparsim, & prorsus perturbatè scripsit, adeò deniq; apud dōmōnūs & obscure, ut de industria texisse potius quam aperte suum dogma spectandum proposuisse videatur, melius appareant: & ne quim ceteram, homini præstertim, ut audio, iam mortuo, iniuriam in ipsius erratis annotandis, & refutandis, fecisse me quisquam suspicetur.

Ex pagina 12.

Quæ precor est illa gratia quam Dominus addidit pani & vino? Respōdet Augustinus vt suprà, Spiritus & vita, hoc est verbum viuificum & Spiritus sanctus. Non igitur amice lector, dat nobis Christus corpus illud suum viuificum, crucifixū olim, ore in Sacramento manducādum, sed spiritualē suam carnem & diuinam, impalpabilem in visibili hoc sūc carnis nutrimento dat nobis mente potissimum degustādam, sūc nimirum diuinitatis substantiā: quæ vt vbiique est per generalem præsentiam, ita non nisi per verbum & in nobis est per specialem habitationis gratiā, & potissimum in hoc Sacramento: cui certè carni, vt ait Augustinus, vtr obique debemus quoque specialem latrīcē.

cultum, externis verò illis rebus, in quibus sic
habitat, sanctis scilicet hominibus & Sacramé-
tis (ne quis in posterum putet, ea sic contemni
debere, ut hactenus factū est, proh dolor!) spe-
” cialem venerationem. Substantiam ergo diui-
” nitatis accipimus in Sacramento, & cum hac
” licet similem, non tamen eandem numero (&
” nota) corporis sui visibilis substantiam.

Pagina 13.

” In Sacramento solam suam dat tibi diui-
” nitatem, non animatam humanitatem, sive
carnem.

Pagina 14.

” Spirituale & impalpabile est corpus quod
” nobis dat Christus in alimoniam spiritualem,
” in visibili licet suæ carnis Sacramento contem-
” tam. Impalpabile igitur dico esse, quod nobis
” vel extra Sacramentum, vel cum Sacramento,
” sed fide erutum, & propter certum Dei ver-
” bum in panem illapsum, datur manducandum,
& intro in animam recipiendum realiter &
verè.

Pagina 15.

Corpus Christi naturale non suscipitur ore
à fidelibus in Sacramento, sed spirituale illud
” & diuinum: de quo in Threnis capite quarto
” dicitur, Spiritus ante faciem nostram Cristus
Dominus. Id exponens Ambrosius de Sacr.
Corpus, inquit, Christi, corpus diuini est spiri-
tus.

tus, proinde verbum illud æternum, quod ca-
ro factū est, & Spiritus sanctus, in Sacramento
nobis proponuntur, & à fidelibus, in animam
fidei ore admittuntur: quæ tamen mirabiliter
vnita pani & vino, panem & vinum suo modo
carnem & sanguinē Christi efficiunt: ex qui-
bus etiam alitur caro Christiani.

Pagina 16.

Quódnam corpus, precor, Christo vnitum
est vt homini, nonne corpus diuini spiritus,
nónne Verbum Dei æternū, nónne ipsa Chri-
sti deitas, quæ suo modo dicitur corpus?

Pagina 19.

Magna cum laude asseruerunt hactenus ali-
quot Euangelici, D. Zuinglius, Oecolampa-
dius, Caluinus, Beza, Dathenus noster, Petrus
Martyr, Christum, in quantum homo est, non
nisi fide & spiritualiter, aut (si mauis) spiritua-
li contemplatione passionis eius manducari.
Vnum illis videtur deesse, quòd modum man-
ducandi non adeò studiosè explicarūt. At nos
pro modulo facultatis nobis à Deo concessæ,
adeò firmiter rationem manducandæ natura-
lis carnis Christi sola fide & spiritualiter tan-
tum fieri asseremus, & eius rei modum ita luci-
dè exponemus, vt amplius non sit futurus (ni
fallor) cōtradictioni locus. Quòd si igitur quis,
mei consilij ignarus, quærat, cur alienis vesti-
giis insistens actum agam, Respondeo, frustra

A.iiiij.

equidem & id attentaturum fuisse, nisi simus id
,, quod Neotericiis illis Euangelicis defuerat,
subsidio veterum Patrum & doctorum resarcire
pro spe reconciliationis admiterer. Nam si-
cuti nemo non multis efferat encomiis illorum
& diligentiam, & industria, qua aliquot Pon-
tificiorum (non enim omnes ita senserunt) im-
pium dogma subuerterunt: ita nemo est, qui no
dolere debeat, illis tam paruæ curæ fuisse, ut
quemadmodum spiritualis, etiam Sacramen-
talis manducationis & dignitatem pateface-
rent, & rei veritatem digna veneratione cele-
brarent. Quum enim nonnulli ex iis videan-
tur Sacraenta pro nudis signis habere, nec
,, ullam rem spiritualem, vim aut energiam cum
signo realiter coniungere simul & ineffabiliter,
& sic diuinam institutionem minuere: veren-
dum est (si animo hoc peruerso & ambitioso
fiat) ne parem condemnationem subeant cum
illis, qui verbo Domini addunt: & tam rei sint,
qui ullam Domini carnem, aut (ut melius) ul-
lam carnis eius substantiam in Sacramento man-
ducari aut negant, aut dissimulant, quam qui
simpliciter ipsam, quæ in cælo est, dentibus al-
teri defendunt. Est quidem posterior hæc op-
nio nefandissima, fateor, & intoleranda: prior
tamen non est dissimulada, nisi Dominum no-
strum Iesum Christum, qui se ad infantiam no-
stram accommodat, contemnere velimus, qui in-
sensibi-

sensibilibus dignatur nobis dare insensibia &
inuisibilia, quia sumus corporei: vnde etiam fa-
ctum est, vt inter Mart. Lutherum & Philip-
pum Melanchthonem, nunquam satis lauda-
tæ & pietatis & eruditionis viros, tum inter i-
psum D. Zuinglium & Oecolampodium, Cal-
uinumque nulla potuerit haetenus inueniri
saciendæ cōcordiæ ratiō. Lutherus enim exa-
minata veterum Patrum doctrina facile colle-
git aliquid reale esse cum pane post consecra-
tionem quam vocant, aliquid inquam carnis
dominicæ quo aleretur caro Christiani, vt in-
terim anima de Deo satiaretur, Verū quo-
niam eam carnem ipissimum corpus esse vo-
luit, aut voluisse creditus est, quod Christus ha-
bet in cælo cum Pontificiis, & (vt paucis dīcā)
Christum ipsum realiter esse cū pane & man-
ducari ore: non mirum est si ei restiterunt &
fortiter & laudabiliter tū Zuinglius tum Oe-
colampadius. Contrà: quum ipse Zuinglius
videretur Luthero & suis omnia trahere ad
spiritualem manducationem, nihilque reliqui
facere in Sacramento quo reuera aleretur pre-
ter communem usum caro Christiani, factum
est vt pari obstinatio nec minus laudabili cum
conatu illis contradixerit. Interim haec dissen-
sione adhuc in hodiernum diem perdurante,
& religio penè abiit pessum (ptoh dōlot) & re-
uerentia circa Sacraenta penitus intercidit,

& eorundem suscipiendorum feruens & quotidianum desideriū penè est collapsum. Proinde ut concordiæ aliquam viam inueniamus, neque tamen aut ad sinistram, aut ad dextram veræ doctrinæ viā declinemus, spiritu Dei nos per gratiam adiuuante, dicimus ipsum Zuングium simul & Oecolāpadium, aliósque Christi manducationem spiritualem bene afferuisse, & magna cum laude cū Athanasio pronuntiasse, corpus Christi nos spiritualiter nutrire ē celo, quoties vera fide erexit in cœlū Iesum Christū & fatemur & aspicimus pro peccatis nostris (quibus tamē mori statuimus) quondam natū, mortuū tādē & crucifixū: Cuius resurrectionis beneficio tū omniū bonorū eius sumus participes, tū spiritualis carnis & sanguinis ipsius occulta & potenti opera S. sancti cōsortes. Et hæc est pulcherrima illa dispensatio carnis Christi, & sanguinis potatio spiritualis, quam si fuissent edocti Capernaitæ, non ita temerè ad Domini verba exhorruissent. Eam quoque si & nos hodie recipieremus, nihil horrendi, nihil impij aut doceremus, aut committeremus manducādo, tātū sub assueta recordatione passionis Christi, spiritualiter totus Christus manducaretur, & illius caro veluti in partes comminuta, aut distracta in viscera cordis traiiceretur. Vnde exurgeret in anima mirus charitatis sapor, mirabile amoris delectamentum.

Pagina 23.

Sacramentum vocatur corpus Christi , id est que non sine ratione. Nam licet naturale corpus Christi ibi non sit localiter aut corporaliter cum sua anima , sed nomine tantum , virtute & imagine (ut postea dicemus) ab ea tamen veluti à typo ad veritatem scilicet , ad corporis quod in cœlo est contemplationem inducimur (si cœlestium aliquod nobis superest desiderium) ut postmodum in eius quod est in Sacramento possessionem inducamur .

Pagina 26.

Intelligis igitur & percipis , amice lector , quomodo in pane lateat gratia corporis Christi , lateat eius natura , dotes & virtutes , & quomodo illa erui possint , hoc est manducari , extenta scilicet fide & amore cordis sum ad signata , priusquam manu visibili & carnali ad signa . Verum si nec tibi satis est coniungi Christo in virtutibus , in natura aut dotibus , sed vis quoque substantiam corporis ipsius tibi impartiri , & eam habes in Sacramento visibili , habes & eam in teipso .

Pagina 27.

Duæ sunt carnes Christi , non numero , sed natura & specie eadem , & sibi similes (ut dicimus) quarum altera quæ est illi naturalis , & è Maria virginie sumpta , in cœlū glorioſa ascensit , altera quæ est in Sacramento virtute &

„potentia, facta ex pane & vino, in alimoniam
 „corporis Christi mystici, hoc est omnium fide-
 „lium quotidie sumpta trāsit, à qua fideles cor-
 „pus Christi dicuntur. Si igitur vis carnis Chri-
 „sti verum experiri gustum, & tibi non sufficit
 Sacramentū, tuum atripe & deuora brachium.
 „Nam non aliter differt caro Sacramenti à
 „tua carne (modo verè fidelis sis) quam quod
 „tua est in actu, illa in potentia, utraque per
 „gratiām.

Pagina 28.

„In pane est caro potentia similis illi specie,
 „quam ipse gestas in corpore: ergo sumens pa-
 „nem, sumis tuā carnem. Iam quum in panem
 „se infuderit Verbum viuificum, & Spiritus
 „sanctus, Sacramentum autem hoc sit appara-
 „tum iis qui Spiritum sanctum habent, & fideles
 „sunt, denique & per Baptismum regenerati se-
 „quitur quod fideles, qui in charitate, unitate,
 „veritate perseverant, hinc accipiūt nutrimentum
 „pietatis, veritatis, charitatis, unitatis, quæ
 „sunt (teste Augustino) ipsum corpus Christi
 „spirituale. Ista igitur sunt quæ videntur omi-
 „nissimæ Neoterici aliquot Euāgelici D.Zuinglius,
 „Caluinus, & alij. Omiserunt inquam docere
 „populum (quod seueriter vult fieri Cyprianus)
 „quomodo panis fiat caro Christi, ex qua alitur
 „caro Christiani. Nam in eius rei cognitione
 totum pendet mysterium & dignitas Sacra-
 menti.

menti. At D. Zuinglium facile excusabit, o-
pinor, diuus Cyrillus, qui in Ioan.scribens, lib. 2.
cap.47. sic ait, Attendamus, obsecro, nos qui
descendi potestatem accepimus, melius esse ut
simpliciter fidem, quam profundiori ratione
diligentius expositam Neophytis tradamus.
Nam & lacte Paulus nutrit, &c. Ex hoc colligis
lector, nō apud omnes fidei mysteria esse pro-
mulganda. Proinde satisfecit D. Zuinglius
rudi suo tempori, & populo, iam dudum in ido
lolatria submerso, docendo quod Eucharistia
non esset Christus, nisi forsitan, eo modo quo
petra erat Christus, de qua dicit Augustinus,
Petrica erat Iudæis Christus, nobis Christus
quod super altare ponitur. Iam autem quum
populus Christianus magnos fecerit in fidei
cognitione progressus, aliqua opera succeden-
tium Euangelicorum, sine periculo docere, &
possimus, & debemus, quomodo Eucharistia
sit caro Christi.

Pagina 310

Scias Sacraenta non esse nuda signa, aut
illis diuinitatem adesse vulgari modo, sed inef-
fabi. Quocirca et si certū est fidem omnem
ali verbo viuifico, & proinde spirituali carne
Christi etiam extra cōmunionem, quotien-
cumque fideli oratione sibi tale alimento à
Patre Deo propter Christum depositum: Ut ta-
men Deus imbecillitati fidei nostræ se se ac-

commodaret, & conuentus fidelium stabiliret,
 haberemusque visibile nostræ resurrectionis
 symbolum in visibili suæ carnis nutrimento
 stabilitum, denique ut certo sui contactu nos
 foris & intus sanctificaret, voluit quoque, & in
 Sacrametalem panem ineffabili modo infundi,
 ut tibi corporeo in corporalibus quoque sese
 misericorditer insinuaret. Proinde quicunque
 hanc ineffabilem diuinæ maiestatis præsentiam,
 (nam aliâs etiam suo modo vbique est) in Sa-
 cramento non docet, & annunciant, qua fit ut
 panis, qui potentia caro est, in carnis Christi
 virtutem & naturam transeat, minuit Sacra-
 menti dignitatem, inde & circa Sacra-
 deuotionem: & per consequens resistere vide-
 tur Christo præcipienti & dicenti, Accipite &
 manducate. Ipsa est ergo diuinitas siue ver-
 bum viuificum quod se infundit in panem, ma-
 nente in cœlo Christo, sic tamen ut illa diui-
 nitatis præsentia cum pane, panem efficiat car-
 nem Christi in potentia, ex qua alitur caro
 Christiani.

Pagina 32.

Carne Christi (quæ est in Eucharistia) cat-
 nes nostræ vera nutritione aluntur. Somniant
 ergo (ne quid durius dicam) qui in Cœna Do-
 mini solam alimoniam spiritualem affectant,
 & sacramentalē siue carnalem vel ignorat vel
 respuunt. Qui cōtra Cyrilli doctrinā Euangelio
 conso-

consonam nos vniri tantum Christo per Spiritum, & non per carnem affirmant.

Pagina 32.

Panis & vinum altaris transeunt in virtutem carnis & sanguinis Christi, virtute ineffabilis praesentiae diuinæ, aut (quod idem est) ratione mysticæ benedictionis, ut vult Nyssenus, & Nysseno consentiens ipse Cyrillus.

Pagina 36.

Nota bene amice lector, ut scias quæ fuerit fides de Eucharistia per vniuersum orbem, huius sanctissimi viri tempore. Credebant enim Eucharistiam esse corpus, siue carnem Christi potentia, & habere eius imaginem, non tamen Christo per omnia similem aut æqualem, sed per gratiam siue ad mensuram.

Pagina 37.

Ergo conclude lector, Eucharistia non est Deus: Nam licet Deus infuderit & coniunxit se pani ineffabiliter, non tamen assumpsit eum sibi in unitatem personæ, vnde vere Christus dici possit: substantia tamen est carnis Christi viuifica & creatura nobilissima (facta) ut ait Ambrosius lib. 4. de Sac. creatura licet solennis. Vnde etiam patet, quod non per vulgarem gratiam adeat Deus Sacramento, sed per misabilem & ineffabilem.

Pagina 38.

Panis & vinum altaris per verbum Dei à

„ legitimè ordinato ministro pronuntiatū, fuit
 „ mox etiam antè maductionem, caro verbi, &
 „ sanguis verbi, non sanguis carnis. fit igitur vi-
 num sanguis Christi non formaliter, sed virtu-
 te, sanguis inquam Christi non idem numero,
 sed specie idem cum sanguine quem Christus
 habet in cœlo, vel (vt mox dicemus cum Cy-
 rillo) idē sanguis per affinitatem: aut cum Epi-
 phanio, idem per gratiam. Est igitur sanguis
 „ potentia non actu, sanguis verbi non carnis.
 Nam vt fiat actu sanguis, aut caro, debet man-
 ducari non circungestari, & nutritionis ordi-
 ne in veram carnem conuerti, & nostræ carni
 assimilari.

Pagina 39.

„ Si panis quem Christus comedebat non e-
 rat caro actu ante manductionem, sed poten-
 tia, ita neque nunc est in altari. Erat quidem
 & fiebat diuinus in Christo propter diuinata-
 tem in Christo habitantem. Sic & nunc est &
 fit diuinus in altari, propter infusam illi diui-
 natatem per Verbum. Vnde caro quæ ex pane
 illo in nobis per concoctionē efflorescit, quum
 sit caro diuina, efficit vt magis simus diuini:
 quum sit sancta, efficit nos sanctiores. Quod si
 dicas mihi, cur Dominus igitur vocat sanguis
 nem, si nō est verus sanguis, cur carnem, si non
 est vera caro, & in forma, vt dicunt? Non re-
 spondebo tibi vt faciunt Pontificij, qui dicūt,
 id fa-

id factum à Domino ut horror carnis evitetur, quoniā horrendum est comedere crudam carnem, propterea voluisse eam Dominū tegi accidentibus. Nam obsecro, nōne æquè horrendum esset si quis diceret, Accipe, comedē, hæc est caro Patris tui tecta saccharo, æquè, inquam, horrendum, acsi non esset tecta? Audi igitur August. de Genes. contra Manich. affirmantem phrasim esse Scripturæ passim visita tam, ut aliquid dicatur esse quod non est, sed quod vel mox erit, vel esse potest. Informis, inquit illa materia quam Deus de nihilo fecit appellata est primò cœlum & terra, non quia iam hoc erat, sed quia esse poterat. Nā & cœlum dicitur postea factum. Quemadmodum si semen arboris postea considerantes, dicamus esse radices, & robur & ramos, & fructus & folia, non quia iā sunt, sed quia inde futura sunt. Innumerabiles tales loquutiones in Scripturis diuinis reperies. hæc Augustinus. Ex quo dis scis lector nihil esse absurdum quod dicimus, panem Eucharistiae nō esse carnem actu, et si sic appelletur, sed quia manducatus ab homine fideli, & eo qui est corpus Christi, transit demū in carnem actualem, ut sic dicam, licet antea virtutem, energiā carnis Christi habuerit.

Pagina 42.

Duo genera sunt eorum qui manducant corpus Christi, vnum infidelium & hæretico.

B.j.

„rum, qui totum quidem Sacramentum man-
 „ducant & proinde corpus Christi, sed nomi-
 „ne & Sacramento tenus: alterum eorū qui in
 „vnitate fidei in Ecclesia perseuerant, & hi rem
 „accipiunt Sacramēti (vnitatis fidei donum sci-
 „licet:) quæ quoque (vt alibi August.) nonnullis
 „cedit ad vitam, aliis ad mortē. Tertium restat,
 „& est eorum qui & Sacramento & rem, &
 „fructum Sacramenti (qui est Spiritus sancti &
 „caro Christi spiritualis) percipiunt.

Pagina 45.

„Corpus quod dat Dominus vel contem-
 „plationis fideique ore suscipiendum, citra pa-
 „nem visibilem extra cœnam nobis orantibus,
 „vel quod in Ecclesia dat cum vel in pane, est
 „corpus Verbi æterni, quod tamen in panem il-
 „lapsum mirabili & ineffabili modo, panem fa-
 „ctit transire in substantiam illius carnis, quam
 „sursum euexit in cœlum, estq; cum ea eiusdem
 „generis caro, ex qua verè alitur carnis nostræ
 „substantia. Manet ergo substantia vini, licet
 „spirituali mutatione transeat in naturam san-
 „guinis Christi. Sic stabilitur pulcherrima & mi-
 „nime horrenda māducatio carnis Christi, eius,
 „inquam, carnis quæ fit ex pane & vino, & est in
 „Sacramento.

Pagina 45.

Si igitur qui Augustanæ sunt confessionis de
 tali substantia carnis Christi intelligunt, quum
 docent

docent in suis Catechismis, Christum verè, scilicet secundum diuinitatem, & substantialiter per substantiam carnis, quæ fit ex pane & vino, per gratiam adesse Sacramento, nihil absurdum aut à Scriptura, aut à Patribus alienum hactenus docuerunt.

Pagina 47.

Panis Eucharistiae est caro Christi potesta-”
te & virtute, non actu, per gratiam, nō per na-”
turam, denique caro quæ facta est ex pane &”
vino, nō quæ ex purissimo Mariæ virginis san-”
guine, nisi speciem accipias pro individuo, aut”
partem pro toto, qua ratione dicebat Augu-”
stin. Accipe in pane quod pepedit in cruce, &”
bibe de calice quod effusum est de latere. Nam”
reuera diuinitas & æternum Dei verbum su-”
mitur cum pane, quod aliquando pependit (lo-”
quendi quodam modo) in cruce.

Pagina 48.

Quocirca certum nunc est eos errare qui”
nihil agnoscunt in pane aut carnis dominicæ,”
aut maiestatis diuinæ. Deinde & eos grauiter”
falli, qui eandem numero substantiam carnis”
Christi ponunt in Sacramento cum illa quæ
est in cælo. Proinde fœde, & forsan damna-
biliter nonnulli, qui Augustinæ sunt confes-
sionis, in tali sententia perliterent. Licet enim
(ut bene dicit Cyrillus in Ioānem) Christus &
spiritualiter & carnaliter sit vitis, nos palmites,

B.ij.

vnde Christus nostri generis carnē habet, &
 nos quoque eiusdē substantiæ carnē cum ipso
 habeamus, proinde vnū simus vnitate in Chri-
 sto, sicuti palmites eiusdem substatiæ sunt cum
 trunko & vite, palmes tamen truncus non est,
 nec Petrus Christus est: quare etiā & hoc infe-
 ro, quod etsi substantia panis mirabili infusione
 diuinitatis facta sit substatiæ carnis Christi, pro-
 pterea tamen panis Christus non est, nisi no-
 mine & per gratiam, nec eius caro, nisi natura
 & specie.

Pagina 49.

Quod ad me attinet, & credo, & ad mortem
 usque credam in re Sacramenti, & aliis fidei
 mysteriis (Deo iuuante) Cypriano, Iren. Neo-
 cæsariensi, Aug. Orig. Athan. & eiusmodi tum
 sibi consentientibus in hac re, tum Scripturæ.
 Præterea concordi voce docētibus, quod Sacr.
 corporis Christi aliquo modo corpus Christi
 est, quem modum ex Nysseno explicauimus.
 Ex quo didicimus ratione mysticæ benedictio-
 nis, quam accipimus in pane & vino, nos uni-
 ri Christo per carnem, ut homini, & per S.S. vt
 Deo. Et licet quoque id quotidie fiat spiritua-
 liter citra Sacra. fit tamen per Sacr. ad imbecil-
 lis fidei nostræ robur magis efficaciter. Quum
 enim per peccatum contra conscientiam siue
 mortale quis Spiritum sanctum contristauit, &
 à se expulit, ut non nisi prævia pœnitentia ea-
 que

que seria propter Iesum Christum fide reuocatur, ita si reuocatum & quasi redeūtem percipere certo argumento volumus, multo melius id ex Sacramēto, cui sc̄e infudit cum Verbo ineffabiliter, quām ex secreto illapsu cognoscemus. Adeunda igitur est Ecclesia, & panis ille ἀπόστολος à Domino de sacerdotis manu petendus & suscipiendus, tū ad redeuntis gratiæ sanctique Spiritus certitudinem, tum ad augmentum nostræ fidei, quinimò ad spirituālis potissimum alimoniacæ incrementum.

Pagina 53.

Quanto melius omnes Patres, qui consti-
tuunt panis substantiam, qui, quum sit potesta-
te caro, accessione Verbi viuifici transit in car-
nem diuinam, & proinde in Sacramētum car-
nis Christi. Sic iuxta id quod habet materiale
Eucharistia transit in nos, iuxta id quod habet
spirituale, transimus in illud & sumus spiritua-
les, quia hac ratione pascimur carne Christi
spirituali, spiritualiter tamen.

Pagina 53.

Est Christus in nobis propter affinitatē car-
nis qua illi coniungimur. Audis affinitatē car-
nis, vt scias substantiam carnis quę est in Sacra-
mento, & qua alitur caro Christiani, non esse
eandem identitate numerali cum Christi car-
ne, sed eiusdē generis & naturæ, siue similem,
similem dico, non ipsam eandem.

Pagina 54.

Duæ proinde Christi carnes siue duo illius corpora māducari debent, si vera & animē corporique salutaris communio celebrari debet. Vna est Christi caro quæ in cælo est glorioſa, quæ ſola fide & contemplatione deſiderioque „virtutum manducatur, & è qua myſtica bene-„dictio ſiue spiritualis caro & in panē & in nos „tempore Cœnæ präfertim, defluit. Altera eſt „caro Sacramenti viſibilis & tangibilis, quæ & „ore & fide (nam habet aliiquid quod per iſtud „os intrare debet) manducatur ad corporis, & „animæ potiſſimum, nutritionem.

Pagina 55.

„ Viſitatus cibus Christi erat panis, qui ſicuti „propter habitantem in Christo diuinitatē fie-„bat diuinus quum māducaretur, ita noster pa-„nis propter verbum illi additum per verbum, „Hoc eſt corpus meum, trāſit in naturam Ver-„bi, & quum ſit caro potentia, ſit caro Christi „qui eſt verbum Dei: proinde caro diuina, pro-„pter habitantem in ea diuinitatem. Dicet hīc aliquis, Si diuinitatis präſentia in pane aut vi-„no facit panem eſſe Sacramētum carnis Chri-„ſti, ergo omnis panis etiam communis, eſt Sa-„cramentum corporis Christi. Nam ſi diuinitas omnia implet & vbiique p̄ſens eſt, ergo etiam in omni pane & omni vino: quid igitur opus pane altaris? Audi amice lector, quid respōdet

Augu-

Augustinus epistola ad Dardanū. Vbiq; quidē inquit, & totus est Deus per diuinitatis præsentia: sed nō vbiq; per habitationis gratiā: deinde etiā in quib⁹ habitat nō æqualiter habitat: nam vnde alij aliis essent sanctiores, nisi abundātius habendo in se habitatorem Deum? hęc ille. Est ” proinde (fateor) Deus in pane tuo vulgari per ” diuinitatis præsentia, sed non per habitationis ” gratiā : proinde nec corporis & sanguinis Do- ” mini proprium Sacramentum. Pag. 56.

In altari tria proponuntur, aut potius quatuor, vt lucidioris doctrinæ gratia omnia explicemus. Primò vides panem, quem qui solo ore sumunt, si animalia fuerint irrationalia, sumūt solūm ad beneficiū præsentis vitæ, si fuerit rationalia sumūt illū etiā & ad eū finē, sed quæ ” si in infidelitate perstiterint, quū etiā sumāt cū ” pane Deū per generalem præsentia diuinitatis, ” iudicē accipiunt nō Saluatorē. causam si requiri, respōdeo cū Paulo, O altitudo diuitiarum sciētiæ & sapiētiæ Dei. & venio nūc ad fideles. ” Ex his igitur sunt qui accipiunt panē, cui vñita ” est diuinitas per habitationis gratiam: sed quia ” talis non adest nisi operante Spiritu sancto, tria in altari proponūtur, panis ex cuius simili sub- ” stantia auēta est substantia corporis Christi, di- ” uinitas fauorabilis, tertium Spr. sanctus. Fidelis ” ergo credens ēternū Dei filium incarnatum, ” si fuerit extra peccatum mortale, suscipit ore ”

B.iiij.

substantiam carnis , cui adest diuinitas Christi
fauorabilis siue per habitationis gratiā : proin-
de Patrem habet in se habitantem & Filiū per
fidem. Iā cùm Spiritus sanctus efficiat & opere-
tur, vt hoc pacto adsit Deus pani Sacramenta-
li , si dilexerit Christum , accipiet etiam simul
in se operantem Spiritum sanctum. quòd si di-
liget Christum , diligit quoque domum habi-
tationis Christi : ac cum Christum credat ex
mortuis rediuiuum iam relicta terra in cēlos
ascendisse , debebit quoque relictis terrenis
ad spiritualia contendere , hoc est transire à
vitiis ad virtutes , quarum summa est Charitas:
ergo charitate & dilectione retinetur & totus
possidetur Deus. Quum igitur sint qui plus,
alij minus diligāt, fit (teste Augustino prēdicta
Epistola ad Darda.) vt alij aliis sint sanctiores,
abundantius habendo in se habitatorem Deū:
„ vnde fit (forte) vt quum panis abundantissi-
„ mè habeat in se Deum , meritò Sanctum san-
„ ctorum dicatur. Qui igitur nihil diligunt (sunt
autem illi omnes qui in peccatis mortalibus
perseuerant & fide historiali tantū credunt
in Christum) hi præsentiae diuinitatis Christi
beneficio indigni ad iudicium æternæ mortis
accipiunt Sacramentum. Verūm de his toto
hoc libro non loquimur , vt pote ad quos non
pertinet cœleste hoc de quo loquimur nutri-
mentum.

Pagina 62.

Si rectè communicamus, ad Christum sursum mentem dirigere debemus, quia nimis etiam realiter esse in pane non credimus, non quod nihil sit in pane verbi viuifici & spiritualis almoniae, sed quia quicquid inest quod inest, & in nos & in panem à sancta Christi carne defluere debeat, veluti lumen à Sole.

Pagina 63.

A Christo veluti maternis mamillis defluit in nos panis Angelorum, & sic Verbum in nobis fit caro per habitationis gratiam non per illam unionem admirabilem & hypostaticam quæ facta est in Christo in Mariæ virginis veteri benedicto. Quoniam ergo hoc verbū viuificum quod in solo Christo filio Dei corporaliter habitat, à sancta carne Christi, quæ totam viuificandi vim hausit, & in Sacramenta, & in nos defluere debet: non mirum si appositi dixit Raban. & Augustin. quod si recte communicamus, ad Christum, qui in cœlo est, mētem dirigere debemus, ut ex ipsius sinu æternum Verbum exugamus. Proinde sicuti hæc diuinitas est quæ in Christo corporaliter habitans, & hypostaticè ineffabiliterque illi unita Christum facit Deum absolute, semper salua hominis proprietate & natura: ita illa eadem mirabil modo de plenitudine sanctæ carnis Christi aut in nos aut in panem Cœnæ dominicæ infusa,

„ propter fidem & verbum Dei , facit panem &
 „ nos diuinos quidem , sed non simpliciter deos,
 „ quia per gratiam & per mensuram , item &
 Christos , at nec id simpliciter , sed panem per
 potentiam & virtutem , nos verò aetu tales , de
 quib. dicitur , Nolite tangere Christos meos.
 Hinc etiā sequitur , quòd sicuti nec nostra , ita
 nec caro Sacramenti est naturalis caro Christi ,
 licet specie & natura sit illi similis.

Pagina 65.

Fatendum est igitur quòd latet aliqua caro
 sub accidentibus panis , & sanguis sub acciden-
 tibus vini . Sed antea probauimus , quòd illa
 caro non sit actu , sed potentia , deinde quòd
 non sit ipsissima numero caro D. Iesu Christi ,
 sed species illiusque imago , non visibilis , sed
 intelligibilis .

Pagina 66.

Vides lector Eucharistiam esse Christū qui-
 dem , sed in imagine intelligibili , nō omnimo-
 da veritate ? Accipe familiare exēplum vt me-
 lius intelligas (vulgò enim loquor , non doctis
 „ ipse indoctus .) Accipiat sacerdos infantē iam
 „ iam baptizatum & nudum , efferatque eum ad
 „ altare supra humeros & caput , & dicat Deo Pa-
 „ tri , Suscipe sancte Pater corpus hoc filij tui .
 „ Certè non mentietur . Est enim infans ille ve-
 rum corpus Iesu Christi , & quem dicere possis
 iure adoptionis esse Christū . At obsecro nón-
 ne me-

ne meritò conspuendus esset sacerdos ille, qui cum puerum & proponeret & contenderet adorandum? Nemo negat, opinor, sed quare? (petit aliquis) Respondet prudentior, Quia etsi sit Christus, gratia est Christus, nō natura, etsi sit vera caro Christi in imagine, tamen non veritate: etsi sit Deus, participatione tamen, non essentia.

Pagina 67.

Qui panem videt, quodammodo videt corpus humanum, qui panis in corpore existēs fit caro & transit in corpus. Est igitur panis image, intelligibilis scilicet, non lineamentis membrorum insignis: est inquam imago signum siue character naturalis carnis Christi, interim non nuda imago, sed impleta Spiritu sancto & caro diuina.

Pagina 68.

Caro Christi animata, coniuncta est in cælo hypostaticēque vñita diuinitati: at caro Sacramenti etsi haber diuinitatem coniunctam per habitationis ineffabilem gratiam, animata tamen non est, actionibusque animalibus perficiendis idonea, ne in impiam illam & sceleratam de manducando homine opinionem incidat.

Pagina 70.

Quocirca ut paucis totum de Sacramento conciliemus negotium, diligenter animaduer-

tendum, quod aliud sit sumere carnem Christi
quæ fit ex pane & vino, aliud carnem Christi
manducare, quæ est in cælo. Siquidē hæc man-
ducatur sola fide ut ostendimus, ad recordatio-
nem mortis quam Christus passus est in ea car-
ne, ad xmulationem virtutum quas in Christo
contemplamur, denique ad immolationē spi-
ritualem pro impetranda nostri apud Patrem
reconciliatione. At caro Sacramēti, quæ etiam
carne spirituali Christi perfusa est, & quæ à
palpabili carne Christi in panem defluxit, &
ore & fide suscipitur, licet non tam ad corpo-
ris quam animæ nutritionem, & potius ad fi-
dei & charitatis quam ad ossium incremētum.
Præterea caro siue corpus Christi quod in cæ-
lo est, animatum est, nec descendit in panem
tempore Cœnæ, deinde veris membrorum li-
neamentis distinctum est, & potens proprios
motus exercere. At caro quæ quotidie ex pa-
ne & vino creatur, & de altari à fidelibus sumi-
tur, natura quidem est similis carni illi, quam
habet Christus in cælo, viuifica nimirum ra-
tione viuificantis diuinitatis, quæ sese in pa-
nem infudit & commiscuit ineffabili modo:
interea potentia tantum homo est non actu,
virtute caro non formaliter, & denique diuina
quidem caro, sed non Deus. Ex quibus omni-
bus iam sufficienter probatis poterit forsitan
redargui D. Zwingli de Sacramento doctrina,
quæ

quæ non tantum illi tribuit quantum debet. Poterit reprehēdi quoq; & Augustana , quam vocant confessio , quæ ita substantiam carnis Christi in Sacramento stabilit, vt inde inferat quòd cum pane adsit Christus verus Deus & homo. Verūm hic illorum error hinc (opinor) ortus est , quòd initio scipios maluerint sequi quām Patres, à quibus facile didicissent, quòd ratione Verbi viuifici mirabiliter vnit̄ cum pane , panis substantia transit in naturam carnis Christi : quæ substantia non est illa eadem numero & dignitate par cum ea quam habet Christus in cœlo , sed specie eadem. Quod si hac similitudine vti licet pro stabiiliendis Partium dictis , Nōnne ouum est imago quædam gallinæ ? & qui videt ouū intellectu videt gallinam. Nemo tamen dicat ouum esse gallinam ipsam, quæ ouum posuit. Deinde etsi gallina sit in ouo substātialiter & virtute, non tamen actu & formaliter. Præterea nec substantia gallinæ eadem est numero cum substantia oui, licet specie non differat.

Pagina 71.

Eucharistia est corpus Christi symbolicum & typicum , quod & boni & mali comedunt, sed ratione & vtilitate dispari . Qui enim mali habent quandam fidem, comedunt Sacramentum ad aliquod bonum vitæ temporis: sed quia non diligunt Christum imitan-

do, quem credunt incarnatum, quondam mortuum, & nūc in cælo gliosum, quia inquam non ea fide quæ diligit, sic eum comedūt, propterea nihil illis prodest Sacramenti comedio ad vitā æternam. Inde nec mali, multò minus infideles, dicuntur comedere corpus Christi.

Pagina 73.

Si quis est igitur qui sic eum intuens credit in eum, & pertæsus suæ sceleratæ vitæ dolet de sua inobediētia, ob quam fecit filium Dei pati, si quis est qui carnis suæ impudicitiam detestatur & fœditatem, appetitque similem carnem illi quam in Christo contemplatur, pœnitet quod omiserit præsentia diuinæ solatium & gratiam, vellet quoque sibi restituiri Spiritum sanctum, admoueat manum ad Sacramentum, & illud manducet ore & corde. Sic enim & in carnem corpùsque excrescit illi simile, quale Christi est, particepsque erit diuinitatis, & Spiritus sancti corporis, siue carnis & sanguinis Domini. Sic sicuti non nuda symbola carnis & sanguinis Christi accipiet, ita non ipsissimam carnem & sanguinem Christi, quam fide intuetur & contemplatione in stomachum detrudet. Valeant proinde qui hoc horrendum dogma adferūt in Ecclesiam, valent & qui Sacraenta tam parui æstimant, ut in ea nec mirabiliter præsentem diuinitatem agnoscant, nec operantem Spiritum sanctum

Etum suscipiant. Scio doctissimum OEcclam-
padium in ea non fuisse opinione: cuius verba
sanè pia & catholica postea apponam. Scio &
Petrum Martyrem in suis scriptis latentem in
Eucharistia diuinam virtutem agnouisse, & in
eo præsertim libello quem de Eucharistia edi-
dit ad Archiepiscopum Cantuarensem, cuius
hæc sunt verba. Non mihi magnopere placet,
inquit, quod nostri tam paruam faciunt men-
tionem mutationis panis & vini, ad quem Pa-
tres diligenter respiciunt, nec eam dedignan-
tur Scripturæ, cum Paulus vocet Sacra menta,
non simpliciter panem, sed panem Domini.
Est enim in eis virtus quædam latens, quam „
non habent ex sese, sed ex institutione Domi- „
ni, tum ex virtute Spiritus sancti, tum & ex „
verborum prolatorum efficacia. hæc ille. Nec „
potuisset Augustinus multo plura aut augu-
stiora de Sacramento dixisse. Iam scio quoque
& his posteriorem licet, eruditione non impa-
tem (si recte iudico) Theodorum Bezan idem
forte sentire, cuius hæc sunt verba aduersus
Vestphalum virum quendam doctum. Augu-
stinus satis indicat absentiam vere carnis Christi
à Sacramento, licet spiritu præsens sit in verbo
(inquit.) En & diuinitatem & Spiritum san-
ctum facetur cum pane. Restaret tantum (cum
venia dico) ut consentiant ad pacem Ecclesiæ
cum antiquitate, & ad reuerentiam religionis

circa Sacra menta, ut in Catechismis doceant,
» quomodo ipsa diuina maiestas ineffabili mo-
» do sese infundat Sacramentis, quomodo ibi
» reuerà adfit nō per generalem diuinitatis præ-
» sentiam tantum, sed (operante id Spiritu san-
» tho) per specialem & admirabilem habitatio-
» nis gratiam. Cuius ratione, panis altaris poten-
» tia alioqui caro, transit in naturā carnis Chri-
» sti, non tam corporali quàm spirituali transi-
» tione, vnde panis fit substantia corporis, siue
» carnis Christi. Hæc omnia concinnè breui-
» terque, sed paulò intricatus afferuisse videtur
» confessio Augustana, quæ dicit, quod Cœna
» Domini est communicatio corporis & sanguini-
» sis Christi, in qua Christus verè & substantia-
» liter adest, & (vt Melanchthon in Apologia
» explicat) non solùm efficacia, sed etiam sub-
» stantia. Verè nánque adest, vt ego (pace illorū)
» explico, ipse Christus per verbum viuificum
» & per diuinitatis substantiam, à qua non abest
» Spiritus eius. Huius diuinitatis mirabiliter
» præsentis ratione, fit vt panis ipse altaris, qui
» ante verba Domini indeterminatæ speciei cor-
» pus siue caro erat, fiat substantia corporis
» seu carnis Christi, mirabili quadam, quia spiri-
» tuali mutatione. Vnde etiam Christus adest
» substantialiter, hoc est per eiusdem non nu-
» meri, sed speciei substātiā, si carnem speces,
» alioqui reuerà per eandem substātiā diuini-
» tatis

nitatis & Spiritus , cuius respectu Ecclesia verum corpus Christi est , & Christus ipsum caput . Sic (si illorū mentem assequor) non ipsum Christum (qui in cœlo tantum est , saltem in uno loco cœli ut homo) ponunt localiter in Sacramēto , sed tacitè cum Epiphanio gratiam corporis Christi in Eucharistia annuntiant , quam nomine tantum , si corpus naturale spectes , & re si corpus Christi mysticum intuearis , appellant carnem Christi , quæ potentia interim caro eius est non actu , gratia non natura , ex pane & vino futura in nobis , non realiter immediate , & simpliciter ex virginis Mariæ benedicto sanguine .

Pagina 79.

Fis proinde naturalis carnis Christi particeps per hoc Sacramentum , non carnem eius naturalem , aut tangendo , aut in stomachum admittendo , sed fide ante omnia eliciendo in panem & vinum delapsam à glorioso , quod sursum est , Christi corpore viuifici verbi virtutem .

Pagina 80.

Non ergo descendit caro Christi in panem , sed verbum de Deo verbo , & virtus illa nos vivificans à sancta carne Christi , & in nos , & in panem tempore communionis à supernis defluit . Sed nota bene , in hoc differimus , & nos à pane , & panis à nobis , quod panis fiat vere

C.j.

caro Christi, nos vera caro, uterque alioqui per gratiam, licet forte propter fidei defectum inæqualem, & ut uno verbo absoluam, Panis est potentia & virtute caro Christi, nos actu tales sumus, etiam extra Sacramentum.

Pagina 82.

Quæ diligenter nota, ut partim scias non ita contemnendum panem Sacramentalem, ut hactenus horrendè fecerunt nonnulli, qui eum *Jean le blanc* vocarunt, quem Chrysostomus dicit Spiritu sancto vnde circumuestitum: partim ut credas, certissimè aliquam esse mutationem in ipso pane Sacramentali, non quidem ex dignitate sacerdotis verba Christi pronunciantis succedentem, sed certis Christi verbis, & institutione firmatam. Errat proinde nonnulli in hoc parum Euāgelici quidam, qui Eucharistiæ panem in eo tantum differre à pane communī asserunt, quia in aliud & sanctum usum transfertur. Non enim propter id solum, sed (ut disertis verbis omnes patres dicunt) quia mirabiliter, potenter, ineffabiliter panis fit caro Christi, mutata quidem natura, sed seruata forma, & substantia in diuinam abeunte naturam (ait Gelas.) non tamen pereunte.

Pagina 86.

„ Carnaliter & aliquo modo vnimur Christo „ per carnem, quia panis est eiusdem naturæ caro

caro cum carne Christi , quandiu mirabilis „
lem hanc habet in se præsentiam diuinitatis „
& Spiritus sancti. Igitur coniunctio hæc „
mirabilis diuinitatis cum pane , mutat panis „
substantiam in substantiam carnis Christi. Est „
proinde panis & tamē alias, quia diuinus, quia „
viuificus , & (quòd mireris) quia panis simul „
& caro est, panis forma, caro virtute.

Pagina 87.

Accipis quidem elementum cui' accessit verbum & proinde Sacramentum, sed non (vt rem) fortè ita virtutē accipis Sacramenti. Nam panem quidem sanctificatum virtutē mysticæ benedictionis intromittis, sed Spiritum Dei sanctificantem non admittis.

Pagina 88.

Sicuti certus est & infandus aliquot Pontificiorū de trāsubstātiatione error, ita nonnullorum quoque Euāgelicorum præposterus zelus(si modò zelus est) reprehendendus est , qui putant nullam esse mutationem in pane, nullam ad eum accessionem diuinitatis fieri mirabilem. Denique non nisi in actione panē sanctificationis gratiam retinere.

Pagina 89.

Viuifica gratia perpetuo manet etiam in reliquiis communionis. Nec valet quorundam argumentum qui dicūt , quòd sicuti Baptismus tantum valet in vsu , ita nec Eucharistia, quo-

niam generatio est actio transiens, at alimen-
tum res manens. Proinde ut bene monet Oe-
colampadius contra Melanchthonem, quan-
diu, benedictus panis seruire potest esui,
tamdiu ad sanctimoniam est utilis, à quo nun-
quā separatur Spiritus & viuifica gratia. Qua-
propter(adiicit) hesternis reliquiis sacerdificari e-
gros non negamus, tametsi in Ecclesia id fieri
hortamur, ut verior sit Cœna dominica. Ha-
ctenus Oecolāpadius & sanè & catholicè sen-
tit de hac re, vti certè (opinor) de omnibus aliis
religionis articulis, docens viuificam gratiam
& Spiritum sanctum non abesse unquam à Sa-
cramentis, quandiu illa terrena elementa ma-
nent incorrupta. Et certè quid alioqui (precor)
deferebant Diaconi ad absentes, teste Iustino
in Apologia? Quid petiit Serapion sibi trans-
mitti per presbyterum, narrāte Eusebio? Quid
seruabat vxor Tertulliani domi suæ? Quid
portabat frater Ambroſij transfretatus ma-
re? Quid in eremo solitariam vitam agentes à
ſeipſis accipiebant communicantes vbi aberat
ſacerdos? teste Basilio in epistola ad Cæſar.
Quid accipiebant Diaconi in Ecclesia, præci-
piente concilio Nicæno, & dicente, Proferant
ipſi, si presbyter non adſit qui eis porrigat, & e-
dant? Vidēſne, lector, quòd & tunc seruabatur
Eucharistia, & quòd hodie etiam non malè fer-
uatur in templo Christianorum? Si Sacramen-
tum

tum est verbum visibile, quid loquitur intuen-tibus, nōnne Hoc est corpus meum, licet per gratiam & virtutē, vt ait Epiphanius? Aderit ne igitur gratia & veritas corporis Christi ipsi signo & Spiritus Sacramento? aderit certē (vt ex Cyrillo didicimus) aderit inquā , modo ad-sit obedientia, hoc est si sumatur, aut ad mādu-cationis finem asseruetur. Aliās adest quidem aliis, sed tibi non adest : recessit, qui tamen est vbiq; mortem ibi reliquit qui omnia vivificat, & diabolo locum dedit qui omnem alioqui lo-cum implet. Denique semper illi adest spiritus & vita, sed tibi aut nō credenti, aut mysterium non iutelligenti, solus est panis, solū est vinum, ait August. in Ioān. tract. 26. Quòd ergo olim pij Christiani in Ecclesia priūs sumptæ Eucha-ristiæ portionem domum aliquando defere-bant, quòd ad ægros quoque eam deportabāt, quoniam ad manducationis finem & reconcili-ationis cum Ecclesia signū tendebat, non aut superstitionis aut adorationis, indulgentia fuit charitatis (opinor) non inobediētiæ peccatum. Vnde hoc intuitu suaserim ab iis idem fieri, qui nondum in fide ad plenum sunt confirmati.

Pagina 90.

Vnde fit vt non possim non approbare illa-rum Ecclesiarum morem in Germania refor-manda & pium, & fedulum, qui vt ftequentis-simè Cœnam Domini celebrant, ita etiam po-

C.ijj.

scentibus Eucharistiam infirmis benignè illis
eam impartiuntur.

Pagina 92.

” Diuinitas siue verbum Dei æternum, ineffa-
” bili modo in panem illapsum, per mirabilem
” gratiam nimirum (alioqui etiam ubique est per
” potentiam & prouidentiam) panem mutat in
” virtutem carnis Christi, cuius energiæ ratione,
” non immerito vocatur caro Christi, & corpus
” eius. Cæterum hæc mystica benedictio siue hic
” Spiritus sancti afflatus, à sacra carne Christi è
” supernis in nos & Sacmenta defluit.

Pagina 93.

” Caro Christi non descendit ad nos, tantum
” abest ut eam ore & dentibus premamus, sed ab
” ea veluti lumen à sole in nos & in Sacmenta
” illabitur Verbum de Deo Verbo, ut vocat O-
rigenes.

Pagina 94.

Cuperes tibi simile corpus, exposceres simi-
le alimétum quod simul tibi esset medicamen-
tum, vt tandem in simile corpus excrescas? Ad-
moue manum ad Sacmentum, & quale desi-
deras, tum' ore tum corde suscipe nutrimétum.
” Siquidem hic panis quem tāgis, virtute & po-
tentia caro est, similis illi, quam cum tanta ad-
miratione sursum contemplaris: & vinum hoc
sanguis est virtute, illi sanguini cognatus & af-
finis, quem è Christi latere diffundi prospicis,
plenus

plenus vita & Spritu sancto. Est proinde hoc „
 Sacramentum quod dēte premis , & cuius vim „
 corde fugis, vera imago , sed intelligibilis illius „
 corporis Christi quod sursum fide intueris, & „
 ad vitæ tuæ simulationem manducas. „

Pagina 95.

Conclude igitur vel meo periculo , lector,
 quòd caro illa quam in pane cōtemplaris (po-
 tentia tamen & virtute non actu , nam debet
 manducari ut fiat vera caro) nō sit illa natura-
 lis caro Christi & numero ipsissima quā in cēlo
 contemplaris : sed caro illi germana , caro illi „
 affinis, aut denique caro vicina & natura simi- „
 lis carni Christi, plena tamen vita & Spiritu „
 sancto, ne typus & similitudo omni veritatē „
 destituatur : interim non est tota veritas, ne „
 non sit typus.

Pagina 95.

Multi quos nouimus Euangelici facilè ad „
 mittunt quod sit signum, figura siue imago, sed „
 (quod dolendum) aut dissimulant aut ignorāt, „
 quòd sit imago & figura non nuda aut inanis, „
 sed viuifico verbo plena & Spiritu sancto. „

Pagina 98.

Per hanc igitur vim vitæ siue virtutem, quæ „
 à carne Christi profluit in panē, dicimus, quòd „
 in Eucharistia est vis siue veritas carnis Chri- „
 sti, vnde differt à pane cōmuni. Hic enim cor- „

„ pustantūm nutrit, ille autem & corpus & ani-
 „ mam, quia & substantiam habet terrenam &
 „ cœlestem. Propterea eget & ore carnis & fidei,
 „ ut & fidei & carni nostræ præbeat alimentum.

Pagina 98.

Accipio in Euchar. fidei donum siue virtu-
 „ tem quādam à Christi carne illapsam, quæ mē
 „ coniungit Christo carnaliter, hoc est, facit mēa
 „ carnem Christi, carni congenitam.

Pagina 99.

Sicut cognitio Patris & Filij vim vitæ & my-
 „ sticæ benedictionis virtutem immittit, hoc est
 „ fidem quæ nos coniungit Christo ut homini:
 „ ita cognitio & cōfessio Spiritus sancti qui à Pa-
 „ tre & Filio procedit, vim quandam infundit,
 „ quæ charitas vocatur.

Pagina. 100.

Cūm dicit vel Irenæus vel Cyriill. nos natu-
 „ rali participatione vniri Christo per carnem,
 „ intellige id fieri potissimum quando manduca-
 „ tur panis Eucharistiae, qui ob inexplicabilem
 „ vniōnem (quæ tamen hypostatica non est) ver-
 „ bi viuifici cum pane transit in naturam carnis
 „ Christi: proinde per illū panē, qui verè nos nu-
 „ trit, naturæ tā carnis Christi quām diuinitatis
 „ sumus participes, modò accesserimus ad come-
 „ dendum & fidei & charitatis consortes.

Pagina 103.

Audeo (inquam) & fide qua possum, & dile-
 „ ctionem

etione quam à te accepi admittere in animam „
meam corpus , hoc est , substantiam Verbi tui „
viuifici & Spiritus sancti , qui secreta & præpo- „
tenti virtute panis huius & vini substantias a- „
lendæ carni meæ idoneas , in naturam sanctissi- „
mæ carnis & sanguinis dilecti Filij tui Domini „
nostrí leſu Christi per misticā benedictionem „
immutat.

Ex 2. lib.

In cælo totus Christus est , in sacramēto verò
ipius quædam imago siue , vt ita dicā , portio.

Pagina 114.

Frustra in manducando , hoc est occidendo
vetere Adamo tuo , frustra in obſeruāda Lege
desudas , niſi noui Testamēti beneficium quod
in effuso Christi sanguine nobis oblatum est ,
& fide ſuſcipias , & aliis hoc dilectionis chari-
tatisque donum propines . Bibite (inquit Do-
minus) hūc meæ charitatis sanguinem omnes ,
qui effunditur in remiſſionem peccatorum : & „
Facite , hoc est (ait Orig.) pariter in alios effun- „
dite . Quare ergo omnes ? quia ſalutis symbo- „
lum & remiſſionis qua omnes egemus pecca- „
torum ſignaculū . Iam quum in remiſſione pec- „
catorum potius conſtet noſtra iuſtitia (teste
August.) quām perfectione virtutum , ei potius
oblatione fidei , & amoris placetur Deus ,
quām ſacrificio iuſtitia operum noſtrorum ,
potius etiam in bibendo ſanguinem , hoc est

fidei charitate iustificamur, quām in legis multila nostra obseruantia.

Pagina 116.

Sed hīc insurget Christianæ militiæ ignauus aliquis tyrunculus, & dicet, Si non magnoperè prodest ad salutem obseruātia Legis siue obedientia, quam tu escam Christi appellas, vnde & totius Ecclesiæ, verūm iusti simus in bibendo sanguine Christi, hoc est credendo quod effuderit sanguinem pro peccatoribus, aut si deliter diligendo Deum, quod appellas bibere nouum Testamentum. Ergo cōtra vetus Pontificum institutum bibamus de Calice, & non comedamus de pane. Rectē quidem infers, si tempore excluderis. Quum enim manducatio longius exquirat tempus quām potatio, si in animæ deliquium incideris, nōnne in os potius iniicies vinum quām carnes, quoniam illud citius repente delapsas instaurat vires? Et tamen quis successu temporis panem negligat, qui vim diligit?

Pagina 132.

Populus cūm sit sacerdos sacrificare etiam tenetur sub pœna æternę damnationis, ne quis putet in posterum in Cœna Domini nullum esse sacrificium, quod ab Euangelicis aliquot (doleo) nimis impudenter aut negatum aut omissum, neque in Catechismis explicatum. Scio quod solus Christus sit sacrificium propitiato-

D O M I N I .

4,

pitiatorium, solus interpellás Patrem pro peccatoribus cum indubitata efficacia.

Pagina 132.

Nemo interim negabit & populo & ministris nouæ legis præter laudis, precum, elemosynæ, specialia duo alia esse & commissa, & præcepta sacrificia, quorum vnum est oblatio corporum suorum, iuxta illud Pauli, Offerte corpora vestra Deo hostiam viuentem. Alterum passio Iesu Christi, & beneficiorum eius in nos cōmemoratio, iuxta illud Christi, Hoc facite in mei memoriam.

Pagina 136.

Panis duplicum habet analogiam. Vnam „
qua respicit & denotat Christum caput Ecclæ : altera analogia est qua respicit Ecclesiam & singula eius membra, fideles scilicet „
omnes. „

Pagina 142.

Audacter panem & vinum offeramus, hoc est, corpus & animam nostram æterno Abraham, & Patri nostro Deo.

Pagina 143.

Offeramus panem obedientiæ scilicet, offeramus vinum fidei & charitatis nostræ, & suo tempore effundamus ea in proximum.

Pagina 145.

Proinde, mi Lindane, si intelligeretis canōnem vestrum, cùm dicitis, Suscipe sancte Pater

hanc oblationem, &c. deinde, ubi eam perferris sursum per manus sancti Angeli tui: tantum est ac sic diceretis, Suscipe Pater me & populū hunc, qui sumus corpus Filij tui facti in Baptismo per gratiam tui passionis ipsius: suscipe nos, inquam, qui in oblato hoc pane representamur. Hæc igitur fuit cæcitas Ecclesiæ Romanæ, quæ si oculos aperire vellet, & ad verum redire sacrificij Christiani intellectum, idque peragere cum populo (ut fit in reformatis Ecclesijs hodie) vulgari & intelligibili lingua (ut bene meo iudicio instituerat Bonnensis reformatio sub pio illo Archiepiscopo Coloniensi, adiuuantibus & suā operam eirē nauantibus Bucero & Melanchthonē) non vi-
 " deo cur tam abominabilis reputari debeat Ca-
 " non ille Pontificiorum, quām clamant non-
 " nulli magno boatu, & què ignari antiquitatis &
 " veritatis, ac Pontificij. Id quod bene intellexisse videtur hodie nunquam satis laudata Ecclesia Anglicana, quæ ferè totum Canonem retinet, & in celebranda Cœna Domini ipsam vetustatem quām proximè æmulatur, præsertim in consecratione panis & vini: quæ et si nihil faciunt ad consecrationem, explicant tamen consecrationis Christi vim, & quædam sunt veluti paraphrasis, cuius hæc sunt uerba, Concede misericors Pater, ut hæc creaturæ panis & vini per sanctum Spiritum & verbum sanctifi-
cata

cata fiant nobis corpus & sanguis dilecti Filij
tui, qui pridie quam pateretur, &c.

Pagina 148.

Augustinus panem & vinum in altari con-
secrata signa esse dicit bonæ nostræ voluntatis
& puritatis cordis, quæ Deo offeruntur: neque
dicit signa esse præsentis carnis Filij Dei siue
integri corporis eius & animati.

Pagina 149.

Quum Christus seipsum, hoc est corpus &
animam obtulisset Deo Patri in Spiritu, pane
& vino repræsentatus, & iussisset vos potissi-
mum (alioqui pertinet ad omnes) facere in
cōmemorationem sui hoc est memores, quod
ipse prior hoc fecisset, vos contrà, non vos-
plos, sed ipsum rursus offerre vultis?

Pagina 162.

Si non potest offerri nisi per sacerdotem iu-
stum, & Bernardus dicit, quod sacrilega cru-
delitate surripitur pauperibus, quicquid facer-
dotes præter viatum & vestitum accipiunt, &
certum est illos retinere ingentes diuitias, do-
minia & terras, esurientibus egregiè pauperi-
bus: ergo omnes abbates, episcopi, diaconi, ar-
chidiaconi, cardinales, canonici sunt sacrilegi,
aut mentitur diuus Bernardus & Augustinus,
& vtinam officiosè mentiantur (Deus ita me
amet vel vnius mei brachij iactura.) Si igitur
sunt sacrilegi, sunt infames, proinde non tan-

tum non possunt offerre, sed peccato contaminant etiam eos (vt diximus ex Cypriano) qui cunque illorum oblationi assistunt, etiam si nihil esset amplius, quod in illis reprehendas.

Pagina 164.

Offertur primū corpus & caro singulorum Christianorum, hoc est Ecclesia militans Deo in precibus communicantium commendatur, quod etiam bene obseruant Euangelici, & in pane id quadam analogia fieri non negant.

Pagina 168.

At cur non audis Cyprianum, qui monet lib. de Vnctione, vt inquiramus quomodo panis ille dicatur corpus Christi? Tunc respondebit tibi Tertullianus, quòd sit figura corporis licet non inanis. Clemens Alexandr. quòd sit Temperatura vini & verbi. Origenes, quòd sit verbum d e Deo verbo. Theodo. quòd ideo dicitur Corpus, quia pani addiderit suā gratiā Dominus. Idem Epiphanius, idem August. Videbitis, inquit, quòd gratia eius non consumitur morsib. Audies à Neocæsariensi, quòd sit imago carnis Christi impleta Spiritu sancto. A Chrysostomo, quòd sit aliquid intelligibile, inuisibile & inpalpabile. A Theophylacto, quòd sit virtus carnis Christi. Gelasio quòd sit panis diuinus. A Nysseno, quòd sit panis cui vnum sit verbum. A Damasceno, quòd illi coniuncta sit diuinitas. A Cyrillo in Catech. quòd sit

sit panis quidem, sed non nudus aut simplex, sed cum eo diuinitas. Ab eodem ad Calosyr. quod Deus infuderit in eum vim vite. A Cypriano, quia in illo infusa est diuinitas mirabili modo. Ab Ambrosio, quia est similitudo carnis, aut quia est cum eo diuinus Spiritus. Ab Emisseno, quia est panis cuius substantia propter presentiam maiestatis diuinæ sit mutata in melius. A Rabano, quoniam est character siue figura carnis. A Nazianzeno, quia est figura figuræ, & magni figuramentum Dei. Ab Ambrosio, quia creatura solennis. Denique ab omnibus, quia sub figura panis occultet (tamen habebis ex me) figuram siue Sacramentum carnis Christi, ut diximus ex Beda. Demum quod in pane adsit veritas carnis Christi, non tamen vera caro & formata, vis illius non caro ipsissima, & substantia etiam eadem natura cum carne Christi, non eadem numero.

Pagina 171.

Dixit Christus, Accipite, manducate, & postea, Facite. Nota lector, ordinem, quem nescio an bono zelo inuerterit antiquitas, quæ facit panem, hoc est (ut ipsi accipiunt) offert prius quam comedant. At si ordinem verborum sequaris, prius comedendum esset Sacramētum, deinde offerendum, sic foris nullum esset visibile sacrificium, sed totum in nobis, iuxta Paulum, Offerte corpora vestra Deo hostiam san-

Etiam. Sic Petrus iubet nos offerre spirituales hostias. De panis & vini hostia nusquam leges in Scripturis , imò neque in Patribus , nisi curatione offeramus panem , & eiusmodi visibilia quæ Irenæus vocat creaturas , vt non appareamus in conspectu Dei aut vacui, aut ingratii. Hæc quum oblata cedat in alimoniam pauperum, & admoneant populum sui officij suique mentalis sacrificij, pulchrum esset, & moribus antiquorum consonum , vt ab Euangelicis reuocaretur in usum. Id quod fit (vt appareret) quando post aut ante concionem colligitur eleemosyna , à singulis pro suo arbitratu & facultatibus oblata.

Pagina 176.

Est quidem panis altaris corpus & caro Christi virtute & per gratiam , & proinde intelligibilis admirabilisque Christi imago. At »tu, quisquis es , qui panem dignè sumis , sis »corpus Christi visibile , sensu & ratione praeditum.

Hactenus Harchius.

EThac quidē Harchius nō minūs obscurè quām
perturbatē, vt qui ab una quēstione ad alterā
desiliat, & plurimis ambiguis vocibus ac formulis
vtatur, adeo ut mihi sepīssimē hæc omnia relegēda,
considerāda, perscrutāda fuerint, priusquām quid
homo iste sibi vellet intelligere, & in suos locos di-
stincte singula referre potuerim. Itaq; ne huius mei
scripti lectoribus idē eueniat, distinctis, ut est à me
initio dictum, quēstionibus, primū omnium ex-
ponam quid de singulis in Helueticæ confessionis
Ecclēsiis doceatur, cui omnes quoque Rheticæ, Sa-
baudicæ, Gallicæ, Anglicanæ, Scoticæ, Belgicæ, &
Polonicarum, Morauiensium, Bohemicarum, Hun-
garicarum denique plurimæ Ecclesiæ subscripserūt:
ac deinceps quid Harchius de ijsdem rebus sense-
rit ostendam, vt proinde in quibus consentiamus
vel dissentiamus, cuncti perspicue cognoscant.

De signis in Cœna Domini.

De signis, siue Symbolis, siue Sacramentis (quum
ista vox angustiore notatione sumitur) hæc doce-
mus. Primum hæc signa à rebus communib; quæ
signa non sunt, eo differre, quod in his substantiæ
ipsæ ad naturalem illarum vsum adhibeantur, illa
verò aliud quippiam quām quod ipsa sunt, animis
representent, ac proinde ad alium quām naturalem
vsum accommodentur: ut exempli gratia, commu-
nis panis idcirco profertur & sumitur ut corporibus.

D.j.

nostris naturale nutrimentum prebeat ex sui ipsius substātia: panis autē Sacramentū, sic ad naturalem usum adhibetur ore comeſtus & in ſcenario concoctus, ut tamen neque in ipsius ſubſtantia, neque in naturali ipsius uſu ſubſtatur, ſed ad ſpiritualē cum Chriſto coalitionem animus aſſurgat. Docemus præterea Sacramentorum ſignificationem diuinatus iſtitutam, neque nudam eſſe, qualis eſt pictarum imaginum & aliorum huiusmodi vulgarium ſignorum, ſed cum ipſa rerum ſignificatarum præbitione coniunctam: neque in rebus humanis & caudis, ſed in rebus celeſtibus & eternis versari. Sic exempli cauſa, in carnalis coniugij obligatione, annuli traditio nudum ſignum non eſt, ſed quo ipſa coniugij obligatio ſancitetur: Panis autem Sacramenti in ſpirituali cum Chriſto coniugio ſanciendo adhibitus, ſpiritualis ac perpetua cum illo noſtræ coniunctionis, & omnium ex ea deſtuentium in nobis honorum certiſſimum eſt pignus. Denique pro ſignis & Sacramentis in Cœna Domini primo loco ceneſimus ipſam Domini iſtitutionem, qua nobis totum illud mysterium ſignificatur. Deinde pro ſignis non tantum panem & vinum, ſed etiam ſubſtantiales ſacrae illius actionis ritus habemus, de quibus ſeorsim à nobis diſſeretur.

Nos igitur hac de re ſic ex Dei verbo ſentire dicimus, nempe tum ex ijs que de veteribus Sacramentis aduersus plurimos in re ſacrametaria errores à Prophetis & in epiftola ad Hebraeos docentur:

tum

tum ex ijs quæ & de Baptismo Mat. 11.3, & Act. 11.
 16, & 1. Pet. 3.21, & de Cœna Domini, 1. Cor. 10.4,
 & 16, referuntur: quæ nunc attigisse satis est. Quid
 autem Harchius? Agnoscit panis & vīni signis co-
 gitationē nostrā admoneri carnis Christi pro nobis
 crucifixæ, & nunc nō in terris sed in cælis collocatae,
 ex qua cuncta in nos Dei vera dona, ipsaq; in pri-
 mis vita æterna veluti ex capite in subiecta mēbra
 deriuētur. Et hactenus quidē recte sentit, realem
 corporis Christi in terris præsentia, firmissimis plu-
 rimis argumētis, nobiscū refutās. Sed nimium pro-
 fecto parcè ac iejunè de isto signorum genere loqui-
 tur, quum ea μνηστικά tātūm vocat, quod etiam
 pīctis imaginibus conuenit. Quamuis enim postea
 plus etiam illis quām nos tribuere videatur, nedum
 ut illa extenuet: si quis tamen rem totam propius in-
 spiciat, comperiet omnem signorū rationem ab ipso
 aboleri: ut qui panem illum & vinum illud, non
 corporis illius pro nobis traditi & sanguinis illius
 pro nobis effusi signa, sed ipsius essentialis æter-
 ni Filii Dei conceptacula esse contendat: ut sicut
 Christicarо propter inhabitantem in ea Τοῦ λόγου
 hypostasis facta est re ipsa Diuina, sic propter eius-
 dem essentialēm in illo pane & illo vino inhabita-
 tionem atque adeo cum illis unitiōnem, panis ille
 & vinum illud sint res diuinissime: adeo ut ex il-
 lius sententia hæc Τοῦ λόγου in pane & vino inha-
 bitatio, ab illa hypostatica nō toto genere, sed secun-
 dū plus & minus differat. Hactenus videlicet quod

D.y.

hac cum ipsa carne Christi sit penitior & arctior,
ad eo ut homo ille sit ipse met Deus, ista vero cum
illo pane & vino non sit usque ad eo intima, ut ille
panis & illud vinum sint ipse met aeterni Dei Filius:
quem teterimum & planè cum manifesta impie-
tate coniuctum errorem tunc demum refutabimus,
quum eiusdem de rebus significatis, & signorum
cum rebus ipsis analogia, & utrorumque inter se
copulatione, itemque perceptione, & effectis senten-
tiam exposuerimus, ne sapientis idem inculcare co-
gamur.

De rebus Sacramentaliter in Coena Do-
mini significatis.

Edoceti Verbo Domini, prout sonant & signi-
cant institutionis verba, per panem illum, corpus il-
lud Christi pro nobis crucifixum: per vinum illud,
sanguinem illum pro nobis effusum: per panis illius
fractionem & illius vini effusionem, diros illos ine-
narrabiles Christi pro nobis tum in corpore tum in
anima toleratos cruciatus: per exteriorem eorum
dem symbolorum traditionem, interiorem ac spiri-
tualem Christi prebitionem: per eorundem deni-
que sumptionem, spiritualem eiusdem per fidem re-
ceptionem, sacramentaliter ex ipsis Christi ordi-
natione significari docemus. Harchius vero tripli-
cem nobis Christi carnem statuit, unam naturalem,
alteram sacramentalem, tertiam mysticam. Natu-
ralem carnem definit eam, quam oꝝ λόγος sibi hypo-
staticè

Statim eniit nunc in celis positam, & cuius munera sunt panis ille & vinum illud, sicut paulo ante diximus: ita videlicet ut illa caro in hac sacra actione non aliter (quamvis in diuersum finem) sensibus nostris externis proponatur, quam imago, ut rei pietate admoneamur. Sacramentalem carnem autem vocat ipsum illum panem & illud vinum, in qua illa divinitas essentialis τε λόγος, eisque unita, faciat ut panis ille & vinum illud sint caro Christi, non quidem eadem namero atque naturalis illa, sed natura, id est ratione viuiscentis Divinitatis, ei carni similis. Tertiam denique mysticam nosipso appellat, qui pane illo virtute viuifica praedito ritè utentes, ipsum Christi corpus euadimus.

De signorum & rei significatæ analogia.

Rectissimè scribit Augustinus, nisi conuenientia & similitudo quadam esset inter signa & res significatas, ne signa quidem fore. Nam visa equi vel bouis imagine, cui tandem homo veniat in metem? Quam autem analogiam inter illa signa & res illas significatas statuamus, facile vel nobis tacetibus, ex iis quæ paulo ante diximus intelligi potest. Apparet enim mox similitudo aptissima inter panem & vinum, id est corporalem alimoniam nostram, & Christum, ex quo æterna vita succum haurimus: itidemque inter panis fractionem, & diros eius cru-

catus intervini in poculum infusionem & sanguinis ipsius effusionem: ac denique inter corporalem & spiritualem, tum præbitionem tum receptionem. Harchius autem omnibus istis neglectis, duplum analogiam nō intersigna & res significatas, sed inter rem essentialiter in pane & vino contentam, & intimè ac ineffabiliter illis permixtam, & panem istum ac vinum istud comminiscitur. Vnam vide-
licet, quod sicut caro Christi naturalis per hypostaticam inhabitacionis gratiam euasit caro essentialiter Diuina, utpote Filij Dei caro: sic panis iste & vinum istud eadem Diuinitate ipsis essentialiter unita fiant caro Christi vera, & illi carni naturali, quod ad viuificam illam virtutem attinet, similis: alteram autem in eo quod sicut panis quo vescebatur Christus, & vinum quod bibebat, in terris agēs, calore naturali concocta, & ut loquuntur medici, (fuit autem professione medicus Harchius, cui propterera similitudines istae fortassis in mentem ve-
nerunt) carni illi pro nobis assumptæ, & Diuinitati Tōū λόγου unitæ assimilata euadebant ipsa Christi caro naturalis: ita etiam quisquis illa Sacra-
menta (quibus eadem illa Diuinitas quamvis non hypo-
staticè, tamen essentialiter & abundantissimè uni-
ta est ac permixta) ritè, id est cum ore tum viua fide-
sumit, fiat verum Christi corpus, & quodammodo
ipse Christus.

De

De signorum & rerum significatarum Sacra-
mentalium in cœna Domini coniun-
ctione seu copulatione.

Quum Sacraenta sint signorum species, faten-
dum est necessariò significativa relatione res per ea
significatas cum ijs quodammodo coniungi. Quo-
niam autem non quidquid seu verbis nudis, seu
adiectis præterea Symbolis ac visibilibus signis
promittitur, re ipsa præstatur: idcirco non tantum si-
gnificatione, sed etiam ipsarum rerum significata-
rum vera præstatione Sacramentalem coniun-
ctionem sive copulationem definimus. Et hæc est
Sacramentalis rerum communium transmutatio,
qua sit nimirum, ut ex rebus cōmuniib⁹ fiat vera
& nisi per nos steterit, efficacissima, nostræ cū Chri-
sto sanciendæ concorporationis spiritualis instru-
mēta. Istam autē transmutationem in solo usu, non
in substance ipsius panis & vini positam, uni Dei
nobiscum pacientis voluntati tribuimus: ex quo
efficitur, quum Sacramentalis hæc mutatio in solo
usu posita sit, illa Sacramentorum rationem extrā
usum, eumq; legitimè obseruatū, nullam habe-
re. In hac autem doctrina qui non acquiescant,
(transsubstantiatores nimirum & consubstantiatato-
res) hoc præterea requirunt, ut res significata re
ipsa non tantum dari (quod nos minimè negamus)
sed etiam in terris una cum ipsis signis adesse di-
cantur: quod quatenus concedamus, & quatenus

D.iiij.

negemus, suo loco dicetur. Ceterum Harchius noster in eodem prorsus atque illi errore versatur, in eo tamen diuersum sentiens, quod illi quidem corpus ipsum, & sanguinem Christi re ipsa adesse volunt, transsubstantiatores quidem sine pane & vi-
no, consubstantiatores autem in sub, vel cum pane & vino: Harchius autem non ipsum corpus, neque ipsum sanguinem, sed Divinitatem ipsam essentia-
lem Icū λόγον, & carnem illam potentiam cum pane & vino, atque adeo nobiscum cōsubstantiat,
ideoque extra usum quoque panem & vinum ha-
bere sacramentorum rationem existimat.

De signorum & rerum significatarum in Cœna Domini perceptione.

Quū Sacramēta (Hoc vocabulo latiore notatione accepto) duabus reb. cōstent, una videlicet terrena, altera cælesti: docemus rē terrenam, id est panem & vinum, terrenis instrumentis, manu videlicet & ore percipi, & similiter ritus Sacramentales, fra-
ctionem videlicet, præbitionem & receptionem, corporeis itidem instrumentis peragi: rem autem cælestem, id est quidquid per illa sacramentaliter significatur, sicuti menti obiciuntur, sic sola mente per fidem apprehendi. Rursum vero Transsubstan-
tiatores & Consubstantiatores, propterea quod rem cælestem tam presentem esse volūt in terris quam rem

rem ipsam terrenam, idcirco corporis instrumentis
utranque simul percipi contendunt: nec aliter sen-
tit Harchius, eo quod modo diximus excepto.

De Cœnæ Domini effectis.

Cœnam Domini non propter panem & vinum,
sed propter homines institutam esse dicimus, &
quidem ad illorū salutem. Sed quoniā ali⁹ quidem
digne (id est cum pœnitentia & fide) ali⁹ vero in-
digne (id est vel quid hoc rei sit ignorantes, vel
increduli, vel impœnitentes) ad eam accedunt, id-
circo contraria duo effecta illi tribuimus: unum
saluisticum, quod ipsius Cœna propriū est, alterum
vero nō ad ovulēm, ad condemnationem, non
ab ipsa Cœna, sed ab indigno ipsius usu emanantē.
Verum igitur illius in solis pœnitentibus & creden-
tibus effectum est, confirmatio consociationis ipsorum
cum Christo spiritualis: qua sit ut spiritualiter cum
ipso Christo connexi, & sic ipsius meritorū omnium
participes facti, hoc etiam consequantur, ut, sicut
in corpore naturali animato membra cum capite
cohærentia sensum & motum inde percipiunt: ita
spiritualiter ipsi Christo copulati, dona omnia spi-
ritualia regeneratorum propria, ac tandem etiam
vitam ipsam aeternam, à carne Christi, seu capite,
in cohærentia membra emanantem, magis ac ma-
gis adipiscantur: cuius etiam propterea sigillatim
quidem membra, coiunctim vero mysticum corpus

appellantur. Et quoniam separata alia ab aliis
membra neque unum corpus efficere, neque unius
eiusdemque capitis corpus unum esse possunt, id-
circo inter Cœna Domini effecta in primis nume-
ramus charitatis incrementum, quo alijs cum alijs
sub eodem capite arctius coniungātur, sicut eun-
dem Christum iisdem Sacramentis omnes parti-
cipant. In hoc porrò mysterio concurrentes cau-
sas sic distinguimus, ut sicut uni diuinæ ordinatio-
ni sacramentalem, de qua diximus, transmatatio-
nem tribuimus, ita uni Spiritus sancti infinite &
ineffabili potentie acceptam ferimus in solidum il-
lam nostri, qui in terris sumus, cum Christo, per
eius carnem quæ nunc in cœlu est, & nusquam a-
libi, consociationem, quam Paulus Ephes. 5. 32.
Mysterium magnum vocat. Quod autem
sic facti spiritualiter ipsius Christi participes, fi-
dei incrementum, aliisque cœlestia dona, ac in
primis nostræ regenerationis ob-signationem, ac
tandem etiam eternam tum corporis tum animæ
vitam adipiscamur, totum illud ab uno Christo
Deo & homine, per eius carnem pro nobis assum-
ptam, crucifixam, & tandem supra res omnes crea-
tas euectam, in nos emanare credimus. Instrumen-
tales denique causas in his mysteriis agnoscimus,
partim ipsius Dei respectu, exteriores illas, quibus
in externos sensus incurrentibus, mentes nostra ad
rerum significatarum considerationem commouen-
tur: nempe pastorem ipsum, verba institutionis,

Symbolo

Symbola, & Sacramentales ritus: partim nostri
 respectu, interiorem & in nobis ex Dei dono hæ-
 rentem unicam, nempe Fidem. Et rursum inter
 hæc instrumenta hoc discrimen statuimus, quod
 externis illis sic utatur Deus, ut tamen ipsis nul-
 lam vim intrinsecam efficientem insinuet, sed
 duntaxat quid ipse unus intus agat, nobis per ea
 testificetur: interius autem illud quo nos ipsi uti-
 mur, nempe Fidem, agnoscimus hac vi præditâ esse,
 idque ex Dei ordinatione, ut Christum verè nobis
 spiritualiter applicet. Denique novicias siue Con-
 sociationis voce ex Apostolo desumpta, nullâ ipsis
 corporis Christi cum nostris σωματίν, nullum rea-
 lem contactum, neque corporali, neque spirituali
 modo statuimus. (Quorsum enim hæc monstrosa,
 Cyclopicâ, cum corporis Christi veritate & eiusdem
 in calis collocatione ex diometro pugnantia, & ab
 hoc cœlesti mysterio prorsus aliena?) Sed ita signifi-
 cari docemus, quemadmodum, ut cibo naturali in
 hac vita nutriamur, non satis est apparatas esse &
 appositâs dapes, sed illas præterea re ipsa sumere, &
 concoquere nos oportet, minime alioqui succum ali-
 mentarium inde hausturos: sic, ut meritis Christi,
 & iis quæ ipsi insunt fruamur, ac in primis ut e-
 ternae vitae succum seu vim spiritualem ex eo hau-
 riamus, non satis esse quod assumpta ab ipso caro,
 tum accepta spiritus plenitudine, tum in ara crucis
 sit nobis iustificandis, sanctificandis, & tandem gla-
 rificandis, perfectissimè aptata: sed præterea oportere

ut ipse met Christus verè ac re ipsa nōster fiat, qua
coalitione mystica & spirituali, ipse in nobis, & nos
in illo vivamus. Hæc autem arctissima credentium
cum ipso Christo connexio, non ad ullum corporum
contactum, aut animarum realem cohærentiam, sed
ad intimam in nobis ipsius efficacitatem relata,
translatitiis omnibus illis vocabulis, Comedendi,
Bibendi, Concorporationis, Insitionis, Cōiugij, Vni-
tionis denique, in sacris literis significatur, quibus
videlicet arctissimæ connexiones naturales in
communi hominum vita declarantur. Postremò
docemus neque ipsius Christi virtutem siue ἐνέργειαν
posse à nobis participari, quin ipse met nōster fiat
& nos illius: neque vicissim ipsum fieri nostrum
posse, quin ipsius energiam participemus, quod caro
cum virtute, ac virtus cū ipsius carne sic cohæreat,
ut neutra ab altera diuelli unquam posset. Ex quo
consequitur tum in verbo nudo tum in verbo cum
Sacramētis coniunctio, unum & eundem Christum
totum cum ipsius Spiritu seu virtute saluifica nobis
spiritualiter apprehendendum proponi, quamuis
accidentibus ad verbum Sacramentis, fidem vehe-
mentius in nobis commoneri, ac proinde efficacius
agere oporteat. Deinde & illud efficitur Christum
ipsum siue in nudo verbo, siue in Sacramentis, non
nisi à credentibus, ac proinde ad vitam percipi.

*Quid autem Harchius? Ita varius est ac multi-
plex, ut vix, quid liquido sentiat, intelligere potue-
rim.*

rim. In summa verò vult virtute benedictionis
 mysticæ, (ut loquitur Pagina 32.) id est, per verbū
 Dei à legitimè ordinato ministro pronunciatiū, (ut
 scribit Pagina 38.) diuinitatis Christi substātiām,
 quæ ubique est per præsentiam generalem (pagina
 12.) Deum : (pagina 32.) Verbum illud aeternum,
 quod caro factum est : (pagina 15.) ipsam Christi
 Deitatem: (pagina 16.) Verbum viuiscum, & Spi-
 ritum sanctum : (pagina 28.) ipsam diuinitatem:
 (pagina 31.) Verbum aeternum, & essentiam diui-
 nam: (pagina 45.) diuinitatem, quæ in Christo cor-
 poraliter habitat : (pagina 63.) carnem Christi in-
 visibilem, id est, aeternum Verbum & Spiritum san-
 ctum: (pagina 77.) viuisci verbi virtutem: (pagi-
 na 79.) verbum de Deo verbo: (pagina 80.) virtu-
 tem & vim quandam à Christi carne: (pagina 97.)
 substātiā verbi viuisci & Spiritus sancti: (pagina
 103.) quandam Christi portionem: (pagina 106.)
 esse potissimum in hoc Sacramento: (pagina 13.)
 solam dari in Sacramento: (eadem pagina) In Sa-
 cramento contineri: (pagina 14.) ore suscipi à fide-
 libus: (pagina 15.) alere carnem Christiani: (pagina
 16, & 21, & 28, & 32, & 53, & 55, & 102.) in pane
 latere: (pagina 26.) infundere sese in panem, inef-
 fabili modo: (pagina 28, & alibi sape.) immutare
 panem in corpus verbi: (pagina 30.) impertire sese
 per carnem non illam, quæ in cœlis est, sed eam quæ
 ex pane & vino constituitur, fideliumque corpori
 coniungitur: (eadem pagina.) facere ut panis in

carnis Christi virtutem & naturam transeat: (pagina 31.) facere panem corpus Christi actuale, quando manducatus & concoctus est ab homine fidei, hominem faciens actu corpus ipsius Christi: (pagina 40.) sumi à quibusuis, sed euangelere in ipsis quicarent calore charitatis: (pagina 41.) illabi in panem ineffabili modo: (pag. 45.) facere ut panis transeat in substantiam carnis Christi in cælum euectæ: (eadem pagina) perfundere panem: (pag. 46) mutare panem in substantiam Christi infusione diuinitatis secreto illapsu: (pag. 49.) uniri panis mirabiliter, & per habitationis gratiam: (pag. 55, & 56, & 74, & 80, & 81.) facere ut panis abundantissime habeat in se Deum: (pag. 57.) miro modo de plenitudine sanctæ carnis Christi in nos & in panem infusa facere panem Christum per potentiam & virtutem: fideles vero actu tales, de quibus dicitur: Nolite tagere Christos meos: (pag. 63.) quotidie ex pane & vino creatâ, & de altari à fidelibus sumptâ natura similē esse illi carni, quam habet Christus in cælo, viuifica nimirum ratione viuificantis diuinitatis, quæ sese in panē infudit, & commiscuit ineffabili modo: (pag. 70.) illapsam in panem eidem uniri, ut cera liquefacta alterice ræ liquefactæ: (pag. 79.) facere mirabiliter, potenter, ineffabiliter ut panis seruata forma & substantia, in diuinam habeat naturam: (pag. 82.) Distinguiens autem idem Harchius inter eos, qui ad Cænam accedunt, vult, si animalia fuerint irrationalia,

lia, solo ore panem illum sumere, sed duntaxat ad
 beneficium praesentis vita: si vero fuerint rationa-
 lia sumere etiam illum, sed non pari exitu. nam
 infideles quidem & hereticos sumere etiam il-
 lum ad eundem finem, sed qui si in infidelitate
 persistent, cum etiam sumant cum pane Deum
 per generalem presentiam diuinitatis, accipere iu-
 dicem non Seruatorem: (pag. 56.) & totum quidem
 Sacramentū manducare, ac proinde corpus Christi,
 sed nomine & sacramento tenus: (pag. 42.) malos
 vero habentes quandam fidem comedere Sacra-
 mentum ad aliquod bonum vitæ temporalis, sed
 quia non diligunt ea fide quæ diligit, nihil illis
 prodeesse Sacramenti comedionem ad vitam eter-
 nam: (pag. 71.) Tertium genus restare eorum, qui
 ore & fide & Sacramentum & rem & fructum Sa-
 cramenti percipiunt: (pag. 42.) & tamen mali (in-
 quirit pag. 72.) multo minus infideles dicuntur Chri-
 sti corpus comedere. Idem Harchius interdum
 Baptismum Cœna Domini exequat, ut pagina 32.
 aliquando mere spiritualem vim extra carnem
 Christi ei tribuit, ut pag. 61, non minus (inquit)
 est Christus in Baptismo, quam in Eucharistia, ve-
 rum per diuinitatem, non humanitatem. Præterea
 quamvis Papistas meritò reprehendat in eo, quod
 poculum in ihs quos Laicos vocant sustulerint,
 & illam Deitatem non minus in vinum quam in
 panem velit infundi: (pag. 44.) videtur tamen vi-
 ni & sanguinis illius vinifici potum magis etiam,

quam panis e sum urgere, quoniam (inquit) ex Origena, (pag. 115.) non dixit Dominus, Hic est panis noui Testamenti: sicut dixit, Hic est calix noui Testamenti: a deo ut si quis spacio temporis prematatur, id est, (ut loquitur pag. 116.) tempore excludatur, malit præteriri panis usum, quam calicis. Quu" enim (inquit) manducatio longius exquirat temporis, quam potatio, si in anima deliquium incideris, nonne in os potius iniicies vinum, quam carnes, quoniam illud citius repente delapsas instaurat vires? Præterea male defendens panem & uinum Cœna Domini habere Sacramentorum rationem etiam extra usum, id tamen non vult in Baptismo valere. (pag. 89.) Cœnam autem quatenus vocet sacrificium, & hic rursum quot allegorius sacra mysteria contaminet Harchius, suo loco, id est, in refutatione dicemus.

De Cœna Domini administrandæ modo ac ratione.

Cœna Domini administrationem, sicuti par est, ad institutionis diuinæ normam & amissim exigimus. Itaque à Domini invocatione exorsi, habita concione & repetitis precibus, ipsam Domini institutionem magna cum attentione recitatam populo soleni formula explicamus, ac deinceps, edita fidei Christianæ publicæ per Apostolici symboli recitationem professione, quod iusit facere Dominus,

Dominus facimus. Panē enim fractum, & vinum
 poculo infusum tradunt quidem ministri, acci-
 piunt vero, comedunt, & bibunt singuli: quibus,
 peractis, & rursum gratijs Deo actis, populoque
 diligenter de conferenda eleemosyna, ceterisque cha-
 ritatis præstanda officijs commonefacto, (quibus
 unis rationibus, quatenus videlicet Deo gratias
 agimus, solenni nostritū corporis, tum animi, con-
 secratione Christianæ charitatis officiisque te-
 stificata, hanc actionem docemus εὐχαριστίᾳ sa-
 crificium vocari) minister populum cum solemnī
 benedictione dimittit. Et quoniam sacra est in
 primis hæc actio, quasi in cælis potius quam in ter-
 ris celebranda: curamus, ut hæc omnia non tan-
 tum honestè & decenter, (sicut reliqua omnia
 in domo dominifieri decet) sed etiam reuerenter &
 venerabili cum grauitate administrentur. Omnia
 autem illa quorum quædā ad impietatem, quædam
 ad superstitionem conuersa sunt, quædam denique
 ridicula sunt, & histricicæ saltationi quam usq;
 adeò sacris mysterijs conuenientiora, e domo Domi-
 nitani quā sordes, eieciimus: relicta in ijs, quæ adia-
 phora sunt, singulis Ecclesiis libertate. Harchius au-
 tem, quanvis panem & vinum diuinae ipsius es-
 sentialis Τοῦ Λόγου virtute, ipsis abundantissimè, ut
 ipse loquitur, unita repleuerit: nihilominus tamen
 adorationem interiorem ad illa directam tollit, ut
 exteriorem, quam venerationem appellat, substi-
 tuat: oblationē & οὐδὲν nō simpliciter damnat:

E.j.

linteā denique sacerdotis vestē nō improbat: impia
tamen & superstitiona quædā merito reprehēdens.

Et hactenus quidem Harchij sententiam de
singulis huius controvērsiæ questionibus cum no-
stra comparauimus. Itaque superesse hoc vide-
tur, ut nostris confirmatis, dogmata illius ex
Dei verbo refutemus, ac demum ipsi, que pro se
profert, respondeamus. Erit autem hoc nobis eō fa-
cilius, quod ne speciem quidem ullam ullius argu-
menti Harchius ex Dei verbo profert, præter uni-
cum prorsus elumbe, quod suo loco explicabimus.
Primum, quod panem & vinum dicamus signa ef-
fici cum ipsa rerum significatarum prestatione con-
iuncta, probatione non eget, nisi apud Transsub-
stantiatores, qui pro mutatione rerum communium
in Sacramenta statuunt earum annihilationem. Sed
cum Harchio sentire non possumus intra ipsa signa
re ipsa contineri res significatas, quemque tan-
dem illæ sint. Hoc enim neque ipsa rerum, id est,
Sacramentorum aut rerum significatarum natura
patitur: neque in sacris literis illa vocula inue-
nietur, qua constitui tale quicquam possit: ut plane
videatur hac quidē in parte minus absurdā eorum
sententia, qui Christi corpus realiter adesse volunt,
quām eorū qui in, sub, vel cū pane re ipsa illud ad-
esse cōtendunt. Sed Harchius magis etiā ineptā sen-
tentiam tuetur, qui, ut corporis naturalis localem
presentiam excludat, deitatem ipsius verbi, ex car-
ne assumpta in panē illapsam, velit intra ipsum pa-
nem

panem habitare, adeoque ipsi re ipsa uniri & permisceri. De quo dogmate mox dicemus.

Iam vero quod ad res significatas attinet, verum illud ipsum corpus naturale, & verum illum naturalem sanguinem Sacramentis illius panis & illius vini significari, dicimus constare ex additis vocibus. QVOD TRADITVR, & QVI EFFUNDITVR: item ex disertis Pauli verbis, I. Cor. 10.16, ubi panem quidem corporis Christi, poculum autem, (id est vinum poculo contentum) sanguinis Christi communionem esse testatur. Nec enim dubium esse potest, quin id ipsum quod communicatur, sit illud ipsum, quod in Cœna Domini significatur & praestatur. Itaque nihil absurdius fangi potuit isto Harchij commento, qui nomine corporis quod traditum fuit pro nobis, & sanguinis qui fuit effusus, Deitatem ipsam Christi siue verbum ipsum eternum Patris, & Spir. sanctum intelligit. Diversa est autem questio. Quid in Cœna Domini significetur & praefetur, ab ea qua queritur, quo sensu corpus illud naturale de pane illo, & sanguis ille naturalis de vino illo dicatur. Ad hanc enim respondendum est, Sacramentale hoc esse dicendi genus, quo, ut ipse Harchius agnoscere cogitur, rei significatae nomen ipsi signo tribuitur. Ac proinde agnoscimus Corporis nomine interdum non ipsum naturale corpus sed eius Sacramentū significare: quod nonnulli ex veteribus patribus corpus Sacramentale vocarunt, id est, Sacramentaliter intellectū, velut

ti quum dicūt. Corpus Domini videri, tangi, dentes in illud infigi, in terram cadere, creari, fieri, consumi: sed nullam propterea Diuinitatis Christi siue *Tou λογον in ipsis Sacramentis realem inhabitacionem ponimus.* Præterea & hoc agnoscimus, Ecclesiastam quoque corpus Christi vocari, sed mysticum siue spiritualiter, mysterio magno, ut loquitur *Apostolus Ephes. 5. 32.* inter se sub uno & eodem capite, Christo connexum, & eiusdem spiritu viuificatum, *Eph. 4. 16.* neque id quoque mysterium inficiamur signis panis & vini, & eo quod omnes ex eodem illo pane sumimus, & ex eodem illo poculo illum Spiritum bibimus, *I. Cor. 10. 16.* adumbrari atque etiam sanciri: sed hoc nunquam probabit Harcius, neque aliis quisquam his verbis institutio-*nis cœnae Domini:* CORPVS MEVM *QVOD PRO VO BIS TRADITVR,* Ecclesia siue ipsa Ecclesia & membra, id est, corpus Christi mysticū intelli-*gi.* Pari. n. ratione per HOC EST SANGVIS *QVI EFFUNDITVR* idem corpus mysticum rursum intelligeretur, quod adhuc nemini venit in mentem, ut diceret. Et certè si corpus illud esset mysticum corpus, singuli fideles Ecclesiam comedere viderentur. Apage igitur plusquam aniles istiusmodi nugas, & vertiginosis solis ista deliria relinquantur.

Tertio, analogia interducam hanc alimoniam & vitam, & cœlestem illam naturalis Christi carnis virtutem, eternamque inde in nos, non in pa-

nem

nem aut vinū emanātem vitam, quum in sacris literis millies inculcetur & ipsi consubstatiatores id ipsum in sexto Ioannis capite agnoscant, probatione non eget. Totum autem illud Harchij commentum de pane communī, quo Christus vescebatur, qui ante diuīmū carō Christi, ab eodem postea comesus & calore naturali concoctus euaserit ἐν περὶ τῷ καρῷ Christi, & quidem diuina, propter unionem τοῦ λόγου hypostaticam, quasi propterea panis cœnae Domini corpus ipsius dicatur, quid aliud est quam ebryū delirantis somnium? Nam etiam si istud tam absurdum commentum illi concederem, oportuisset sane Christū prius hunc ipsum panem, quem corpus suum appellat comedisse, cōcoxisse & (sit honor auribus) reieciisse, ac sic tandem factum corpus suum discipulis præbuisse. Et nunc quoque ubique & quoties Domini Cœna administratur, Christum oportuerit corporaliter præsentem hæc eadem agere, aut inuisibiliter in cælum subducere, ne nundū panem sumeremus. Verum ne sic quidem panis ille fuerit Dominicā caro, quum cibi excrementa non fiant ipsius sumentis caro, sed is demum cibi succus, qui carni sumētis assimilatur. Sed his omnibus putat se pulchre occurrisse, quum Christum dicit carnem illam suam sic ex pane creatā in cælo habere, sed ex illa carne suam Deitatē infundere in panem (pag. 76.) qui proinde diuinus effectus, sit quoque nostri respectu, caro Christi diuīmū, & demum etiam credentes, ore & fide comesus, faciat i-

tidem diuinos & ἐπεργία ipsius Christi carnem, illi
in celis manenti naturali natura & specie, ut lo-
quitur, similis, atque adeò, ut loquitur, pag. 77,
caro Christi caro inuisibilis, aeternum verbum, &
Spiritus sanctus: quæ non tantum stulta, sed etiam
impia portenta quid attinet pluribus refutare, quū
nulla ne rationis quidem specie nitantur? Absit
enim ut Patribus, quorum testimonii Harchium
nullo cum pudore abuti ostendemus, hæc monstra
unquam in mentem venisse existimemus.

Quòd autem ad Sacramentalem symbolorum &
rerum significatarum, id est, corporis illius natura-
lis pro nobis traditi, & sanguinis pro nobis effusi
præstationem cum significatione coniunctam atti-
net, quod hac de re docemus, cōrtò & expressò Dei
verbo nititur. Quum enim constet Sacra menta de
quibus agimus, esse promissionibus Euangelicis ad-
iuncta, ut tanto magis de illarum præstatione cer-
tiones fiamus, cōsequitur neque ipsis promissionum
verbis, neque Sacramentis aliam coniunctionem
tribui posse, quām efficacis significationis quæ à pro-
mittentis sola vi & fidelitate emanet. Etenim spi-
ritualia sunt quæ tum verbo, tum Sacramentis &
significantur & sub Euangelica, id est, fidei condi-
tione præbentur: merè vero spiritualia ac diuiina
caiusmodi sunt incorporatio in Christū, & in eodē
collatum iustificationis sanctificationis, & tandem
glorificationis seu vitæ aeternæ donum, per alium
ut ullo modo efficientem causam si quis nobis tribui
existimet,

existimet, aut rerum diuinorum prorsus est imperitus, aut plane impius, ut qui, quod unius Dei est incommunicabiliter tam proprium quam ipsa est Deitas, ad panem & vinum, res inanimatas, transferat, aut certe cum illis communicent. Nego igitur, & pernego Deitatem aut vim ullam diuinam in ipsa signa infundi, & impiū esse hoc dogma rursum dico, eo quidem sensu quo loquitur & scritbit Harchius, non quo locuti sunt Patres, quorum sententia penitus deprauat, ut suō loco dicemus. Aio (inquam) impiū esse dogma, existimare quod res communes, ex Dei ordinatione Sacra menta fiant, aliter intelligere, quam quod ad alium usum, id est, ad res diuinās significandas, transferantur, quarum praestatio nullo modo neque à ministro negat à verbis ipsis institutionis, neque à symbolis, sed in solidum ab unius Dei vi, nulli prorsus rei creatae unquam communicata, efficitur. Falsissimum est igitur hoc deliriū ab Harchio tot modis inculcatū, ineffabili modo verbum ipsum in panem & vinū re ipsa illabi, ut Domini caro fiant suvæ piei. Nec enim Sacramentalis mutatio est magis miraculosum aut ineffabile quippiā, quam quum ex cōmunicera sit autenticum publici instrumenti sigillum. Quanuis enim illa quidem sit diuina & diuinorum rerū causa, hæc verò humana & sanciendis rebus humanis instituta ordinatio: tamen res ipsa in genere eadē est, tantum in eo differēs, quod in illis Deus de vita eterna, hic verò homines de negotiis humanis paciscuntur.

E.iiij.

Quod & Transsubstantiatores signorū, & Cōsubstantiatores rerum significatarum, & quidem in primis Harchium, qui ipsum aeternum Dei filium maximum cum impietate pani realiter uniri docet, saltem extoties à nostris citato Augustini loco lib. de Trinit. 3. cap. 10. discere oportuit: ubi Sacra menta dicit ut religiosa honorem habere posse, non autem stuporem ut admiranda. Sed hoc istos omnes fecerit, quod ea quae Dominus verè ineffabiliter agit, dum que corporaliter per symbola significat, in credentium cordibus spiritualiter sua unius virtute exequitur, cum Sacramentali mutatione confundunt: quum illud Dei opus, id est, Ecclesia & Christi spiritualis illa connexio verè magnum sit mysterium, ut loquitur Apostolus: hoc vero, id est, rerum aliquarum à communi vsu ad aliū extra ordinariū significantium translatio à pacientiū voluntate pendeat, & inter homines etiā sit quotidianum. Sed & istud cōmentum, quo aeterna illa aeterni Filij Dei Deitas secundum substantiam pani unitur, quomodo impiū nō est? Quod enim Harchius hypostaticā hāc unionē Deitatis & panis non esse contendit, manifeste, ut in Scholis loquuntur, contradictionē implicat. Quid enim aliud est, hypostaticē verbum illud aeternū Dei carni assumptæ unitum esse, quam $\tau\alpha\sigma\alpha\omega$ id est sua $\tau\alpha\sigma\alpha\omega\tau\epsilon\iota$, non autem sola $\tau\alpha\sigma\alpha\omega\tau\epsilon\iota$ aut $\tau\alpha\sigma\alpha\omega$ illi carni unitum esse? Sed audio quid Harchius respondeat, verbum videlicet illud aeternum sic illi carni unitum esse, ut cum illa unicū $\delta\phi\iota\sigma\omega$

Ηρων constituit, cum pane vero sic uniri, ut eum
 non actu, sed suorum tantum efficiat corpus, non idem
 illud ipsum quod est in celis, sed alius numero, na-
 turam et specie, id est, etiam per inhabitan-
 tem re ipsa in pane Deitatem diuinum, postquam
 illud potentiale corpus ore et fide sumptum, come-
 sumus, et concoctum fuerit. Enim uero quid hoc aliud
 est, quam totidem incarnatos filios Dei statuere,
 quot ad Cenam Domini ritus, et sicuti par est, ac-
 cedunt? Et ineffabilem illam gratiam unius illi car-
 ni ex Maria Virgine assumpta propriam, quamvis
 impari, quod ad energiam attinet, efficacitatem,
 cum credentibus omnibus communem statuere? Ut
 autem apertius etiam intelligatur, quoniam et ridicu-
 lum et impium sit istud commentum, quo ipse met
 Dei Filius cum symbolis re ipsa uniri dicitur, si-
 gamus Harchium non ipsum Deum, non Verbum
 ipsum aeternum, sed quandam duntaxat ipsius vir-
 tutem, quam carnem verbi, et verbum de Deo
 verbo Patrum testimonia non intelliges, vel peruer-
 tens sepius appellat, intellectuisse: et quemadmodum hae sit
 virtus, et cuius efficaciae discipiamus. Deum certe
 ubique ostendens qui esse negat, Dei infinitam essen-
 tiam negat. Vbique autem illum esse, ut rerum
 creatarum partem, et quasi cum illis compositam,
 vetus Manichaeorum delirium est. Et tamen cum,
 ut dicit Apostolus, in ipso, id est ipsius unius vi vi-
 uamus, moucamur et simus: et, ut ipsi prophani
 scriptores cognoverunt, quae vi creata sunt omnia,

eadem etiam illa quandiu sunt fatendum sit conseruari: ex quo efficitur Deum non tantum ²⁸⁰ iudicium
sed etiam ²⁸¹ in omnibus rebus omnibus, quanvis non
eadem nec pari efficacitate adesse. Sed eadem illa
& unica vis diuina non pariter sese in rerum
creatarum conseruatione exerit, ut in prima earum
creatione sese demonstrauit. Sic enim ipsa res ex
nihilo condidit, ut non tantum prima, sed etiam
sola sit rerum omnium existentiae causa, seu mate-
riam seu formam spectes. In rerum autem, quas ex
præiacente materia condidit, conseruatione, sive
specierum propagationem, sive individuorum
perseuerantiam spectemus, causas secundas ordi-
nauit, per quas, quanvis iis minime deuinctus, re-
rum omnium ac singularum naturas conseruat. Sic
a celo & ab agricultura soli libertas: a sole, luna,
stellis, ventis, aeris constitutio: a cibis sua naturae
accommodatis animantium vita dependet. Sed lon-
gè aliud est rem aliquam vi sibi diuinitus insita
fouere, quam res ipsas ex nihilo condidisse. Itaque
illud summa quadam benignitate rebus creatis Deus
certis gradibus concessit, res naturales naturalibus
causis, prout tamen ipsi libuit, conseruans. At illam
creandi, id est, ex nihilo aliquid efficiendi, vim sibi
uni propriam esse ac permanere voluit, ut & ipsius
naturæ ordinis immutationem. Etenim Iehous sit
oportet, qui quidpiam a Non esse ad Esse traducat:
unde etiam & Filius & Spiritus sancti Deitatem ex
eoprobamus, quod ipsis rerum omnium existentium
creatio,

creatio, ut & Patri, in sacris literis, tribuatur. Quod
attinet autem ad ordinis naturae mutationem, quæ
miraculi voce propriè accepta significatur: valde
hallucinantur qui (vno excepto Christo homi-
ne) vim eiusmodi miracula edendi cuiquam un-
quam insitam à Deo fuisse existimant. Itaque mi-
racula propriè appellata, quibus nimirum ordo ipse
naturae immutatur vel etiam aboleatur, nulli nec
Angelo nec homini accepta ferēda sūt, quasi causis
ullo modo efficientibus, sed ut meritis ac nudis in-
strumētis. Nam nec Angeli quidem boni, nec sancti
homines quicquam unquam & quādquād egerunt:
sed illi quidem Dei mandata sunt executi, rerum
natura non ipsis ullo modo, sed Dei unius condito-
ris mandatis obsequente. Sancti autem homines,
itidem Dei mandato, siue expressa, siue tacito
& intrinseco afflatus suggesta, siue precibus impetra-
ta miracula sic ediderunt, ut nulla ipsis insita vis
hoc effecerit, sed unicum eorum externum ministe-
rium interuenierit. Multò magis ergo quæ ab im-
puris siue spiritibus siue hominibus edita leguntur,
vel meritis fuerunt præstigia: vel causarum natu-
ralium nobis quidem occultarū, dæmonibus autem,
quos nullæ res istiusmodi latet, cognitarum effecta,
quæ tamen hominibus miracula videntur: vel ab
ipso Deo per malos etiam Angelos iusta sua iudicia
exequente, edita. Itaque non magis Moses, quam
ipsius virga, tot miracula in AEGypto, & in deserto
edidit: ut merito Marcus 16.20, Deum ipsum dicat

miraculis Apostolicam doctrinam confirmasse,
 Act. 3. 16. & 4. 10. Petrus sanati claudi miracu-
 lum sic ad Christi inuocatum nomen referat, ut
 sibi & Ioanni nihil præter externi ministerij par-
 tes relinquat. Ad Christum autem ipsum quod at-
 tinet, statuendū est, eum esse verum Deum natura
 stue essentia, & qui etiam quatenus homo est, impe-
 rium in res omnes inferiores acceperit: sed tamen
 opera quæ præter naturam edidit: Augustinus uni
 Deitati ab humanitate non quidem separatae, sed
 distinctæ, attribuit his verbis Tract. in Ioan. 9.
 Quia (inquit) Maria non erat mater diuinitatis,
 & per diuinitatem futurum erat miraculum quod
 petebat, respondit ei, quid mihi & tibi mulier?
 Idem eodem loco: Esuriebat Christus, quia homo
 erat: pauit quinque panibus tot millia, quia Deus
 erat: dormiebat, quia homo erat, ventis & fluctibus
 imperauit, quia Deus erat. Et Cyrillus in Ioā. lib. 2.
 cap. 139. Propriū est (inquit) supremæ substantie, ut
 mortuos possit viuiscare, quod æqualiter Patri atq;
 Filio inest, propriū (inquit) & in omnibus. Nā alioquin
 non procederet Cyilli argumētum, Deitatem Filij
 ex mortuos viuiscandi virtute colligentis. Et idem
 Cyrillus lib. de Trinit. 5. Ea quæ diuino modo facta
 sunt à Christo, non sunt humanis conditionibus at-
 tribuenda, sed naturæ ineffabili & omnem mentem
 transscendentि. Idem eodem libro: Posse implere
 omnia, & transire per omnia, & sequi in omnibus
 concedes etiam alteri naturæ à diuina, quàm diui-
 na?

ne? Non equidem. Denique Christus ipse testatur
 se in Spiritu Dei eiicere dæmonia, id est, ut idem
 Cyrillus recte interpretatur, in Spiritu sancto, qui
 est & Patris & Filii virtus coessentialis. Idem Cy-
 rillus libro in Ioan. primo, cap. 72. explicans illa
 Baptiste verba. Non enim ad mensuram ei dat Spi-
 ritum, & Spiritum ipsum essentialiem à donis ab
 eodem per participationem communicatis distin-
 guens, Non ignoramus (inquit) Apostolorum quo-
 que manibus datum Spiritum, sed orabant illi Spi-
 ritum, qui quum veniret, manibus eorum præberi-
 dictus est. Non enim ipse beatus Moses de Spiritu
 qui erat in eo accipere videbatur, & aliis præbere,
 sed soli diuinae hoc seruatū est potestati. Solus enim
 Deus hæc sublimia Deoque digna efficere potest.
 Quorsum autem hæc omnia? nempe ut sic aduersus
 Harchium colligamus. Si per hanc virtutem, cuius
 illapsu reali per benedictionem mysticam, vis pa-
 nem hunc fieri potentia corpus Christi, intelligis
 ipsam aeterni Filii Dei essentiam, plus certè huic
 pani rei inanimatae, quam ipsis etiā Apostolis con-
 censem fuerit, ut qui Spiritus tātūm participationē,
 id est, dona ab ipso in ipsis creata, & quidem ad
 mensuram habuerint. de quibus late Apostolus
 1. Cor. 12: Deitati etiam, ut ostendimus seruata illa
 incomunicabili miraculorum, quibus ordo naturæ
 immunitatur, efficiendorum potestate. Imò etiā in eo
 quod vim nos diuinitus regenerādi dicis essentia-
 liter illi pani infundi, plus huic pani, quam ipsi
 Christi carni naturali, per se. siue in sese confide-

rata tribus: utpote quæ, sicut ex Augustino & Cy-
rillo probauimus, illa vere sublimia & diuina opera
ediderit, & etiamnū edat, non gratia vlla habitua-
ti, ut in scholis loquuntur, sed sola unionis gratia,
id est, non quatenus homo fuit & est omnibus do-
nus, quorum capax esse potest humana natura, per-
fectissimè ornatus, sed solius, solius (inquit) in se se
considerata Deitatis respectu, humanitate, tāquam
instrumento, ad ea quæ merē humana sunt prestan-
da, utentis: quāuis operum Christi dōtore & patre,
toti persona & aduersus Nestoriū sint tribuēda. Quod
si per illam vim non ipsummet Filium Dei essentia-
liter, nec Spiritum ipsum sanctum, sed energiam in
ipsa carne Christi naturali ab illis creatam intelli-
gis, primum meras præstigias profers. Nulla enim
tal is viuifica vis ipsi Christi carni inseri potuit in
se se considerata, ut ex ijs testimoniois, que protuli-
mus, apparet. Quod enim hac caro viuiscat, ideo
fit, quia hic homo est essentialiter Deus, non quod
hac caro sit vita in se: quod si vita in se non est,
ne viuifica quidem est in se. Quomodo igitur ex
illum carne viuifica vis creata sine exparticipatio-
ne in panem re ipsa se insinuarit, que neque
creata unquam est, neque creari potuit, quoniam
quicquid in semetipso viuificum est, Deus ut sit ne-
cessē est, Deus autem esse nihil quod sit creatum po-
test? Et tamen tantum abest, ut quoniam, ne pro-
prietates cum Eutychete confundamus, negamus
Christi carnem in se viuificanti vim habere,
propterea

propterea naturas cum Nestorio separemus. vel
 homini Christo, siue carni Christi vim viuificam,
 contra ipsius verba manifesta adimamus, ut contra
 & δομοτελέσ μη τα toti personae, sicuti dictum est, tri-
 buamus, contra Nestorium, & quum carnem Chri-
 sti dicimus propter personaliter inhabitas verbum
 illud aeternum Dei, nos proinde essentiali vi Deita-
 tis viuificare, multo plus ei tribuamus, quam y; qui
 proprietatibus naturarum cum Eutychete confusis,
 virtute quadam creata & participata, carnem illam
 viuificam factam esse contendunt. Quæ quum ita
 se habeant, iterum dico Harchium somniaſſe, quum
 panem Cœna Domini ea vi, quæ nusquam fuit, ne-
 que est, neque erit, e carne Christi delapsa, non mo-
 do diuinū factum, sed etiam viuificandi vim, ad
 nos videlicet re ipsa & actu Christi corpus effi-
 ciendos, adeptum diceret: quod, si verū esset, quan-
 uis aliquid esse actu plus sit, quam esse tantum du-
 val p̄ei, tamen cum maius quiddam sit, ac præstan-
 tius, vim habere alios viuificandi, quam ab alio vi-
 uificari, & hoc utrumq; tribuat illi pani Harchius,
 (nec enim viuificare nos Christi corpus posset
 hic panis, nisi prius ipse met esset talis effectus) &
 posterius istud tantum nobis relinquat Harchius,
 maiorem certe gratiam Deus in huc panem, quam
 in illos Christianos contulerit. Hunc autem erro-
 rem alij multi consequuntur, distinctè quoque re-
 futandi. Quoniam enim existimat Harchius hanc
 vim huic pani reipsa inseri & vñiri, hinc tria effi-

ciuntur necessario. Vnum, quamdiu manent panis
& vinum, percepta semel benedictione mystica,
sive sumantur, sive non sumantur, id est extra
usum quoque rationem Sacramentorum habere.
Alterum, Quicunque ore Sacraenta sumat, utrum
que sumere, nempe & illa symbola & re illis re ipsa
insitam & unitam. Tertium denique, Si Filius ipse
Dei & Spiritus sanctus re ipsa & substantialiter ipsis
symbolis inheret, Filium Dei, & Spiritum sanctum
in illis adorari debere: quos & absurdissimos &
terrinos errores, Harchio cum Transubstantia-
ribus & Consubstantiatoribus communes, seorsim
refutabimus.

Ad primum quod attinet, questio in eo tota
vertitur, Num benedictione Sacramentali (id est,
ea recitatione & explicatione institutionis Cœnae
Domini, quæ sit in legitima ipsius administratio-
ne) panis & vinum certa qualitate quapiam affi-
ciantur, quæ ipsis re ipsa inhereat, ut etiamsi eo ipso
tempore, quo haec fiunt, non sumantur, ista qualitas
ipsis ut subiectis impressa permaneat: ac proinde,
sive ad absentes eo ipso tempore quo mysteria in
cœtu peraguntur, deferantur, sive seorsim reposi-
ta, prout tulerit ægrotorum necessitas, ipsis prebean-
tur, noua consecratione, id est, institutionis recita-
tione & explicatione denuo facta non sit opus.
Nos quanvis vetustam esse sciamus reliquiarum
Eucharistie in hos & alios usus reseruationem,
tamen, quoniam neque fundamentum habent ista
in Dei

in Dei verbo, neque aliunde quam à superstitione nata sunt, & ut fortassis aliquando tolerabilis iste mos fuerit (quod eò usque nonnulli putarint istud aliquorum infirmitati concedendum) nunc tamen, propter mox sequuntam idolomaniam, morem istum prorsus abolendum censemus, & symbola docemus extra usum, siue extra illorum sumptionem, nullam habere Sacramentorum rationem. Constat enim haec mysteria religiosa meras esse actiones continuas, ad quas idcirco non adhibeantur symbola corporea ut in ijs sistat sese cogitatio, sed contra ut eos quibus praebentur ad aliud cogitandum & agendum commoueant. Itaque sicut panis & vinum ex rebus communibus fiunt relatiuè ad rectum illorum usum Sacra menta, citra ullam realē in ipsis met mutationem: ita mutationem illam Sacramentalem illo fine & usu merito circumscribimus. Afferimus & alias rationes ab exemplo tum veterum Sacramentorum, tum etiam Baptismi sumptas. Quum enim quispiam tintitus sine perfusus aqua fuerit, inuocato Patris, Filij, & Spiritus sancti nomine, cessat Sacramentū, quod idem in circuncisione fuit: & idē nostri aduersarij de suis fictiis Sacramētis Confirmationis, Extremæ unctionis, Pœnitentiæ & cōfiteri coguntur. Quod autē excipiunt aliud statuendum esse in Eucharistia, quoniam in actione sola non consistat, nihil est. Nam Actio genus est, ad quam omnia mysteria referenda sunt, extra quam perabsurdum esset speciem aliquam

F.j.

imaginari: & in Baptismo quoque aqua, & à Pontificis quoque oleum in Confirmatione & Vnctione pluribus & operosioribus ritibus præparata adhibentur, quam panis & vinum in Cœna Domini: quæ tamen ne ipsi quidem Sacra menta vocant, sed ad Sacramentorum administrationem, veluti materiam adhiberi concedunt. Siue ergo satis sit semel recitatam & explicatam fuisse in publico cœtu sacre Cœnae institutionem, ad hoc ut symbola ex rebus communibus Sacra menta euadant, ita ut in præbendis eorum reliquijs adhibeantur, quasi iam præparata, siue repetita benedictione indigeant: non habent tamen Sacramentorum rationem extra actionem his verbis præscriptam: ACCIPITE COMEDITE: ACCIPITE, BIBITE. Nam ne in naturali quidem alimonia panis habet cibi rationem, nisi in eo qui pane vescatur. Sed in eis panis hic cœlestis, id est, ad diuinum usum significandum & præstandū extra ordinem destinatus, (ideoque Sacramentum factus) à naturali differt, quod naturalis vim alimentarem sibi habet à natura sic insitā, ut quandiu panis est, illa non careat, siue quisi piam eo utatur, siue minus: panis autem iste cœlestis, significatione tantum Sacramentum, id est, spiritualis cibus est, idq; usus ipsius respectu, nempe eus & potus: sicut aqua, que in Baptismo adhibetur non est baptismi aqua, nisi quis ea, sicuti par est, tingatur. Et hoc quidem mirum non est Transubstantiatores & Harchium agnoscere noluisse,

noluisse, quum illi quidem panem in verum corpus Christi reipsa trāssubstātiari dicāt: Harchius autem ipsummet aeternū Dei verbum, seu virtutem ex carne Christi reipsa emanantem impanari, id est, ipsi pani inseri & uniri mysticæ benedictionis virtute velit. Sed Consubstantiatores ipsummet corpus Christi non minus realiter in, sub, vel cum pane copulantes mirum videri possit illud quoque Philippi verissimum axioma, quod symbola extra usum non habeant Sacramentorum rationem, non ut quædam alia, falsitatis damnasse: nisi res ipsa satis superque demonstraret nondum istos homines, quid dicant aut scribant satis cogitasse.

Profert autem hoc loco Harchius nonnulla, quiibus respondendum videtur. Nam (inquit pag. 89.) nisi viuifica gratia perpetuo manet etiam in reliquis communionis, quid deferebant Diaconi ad absentes, teste Iustino in Apologet? Respondeo, non aliud dicere Iustinum, quam quo tempore Cœna Domini in publico cœtu celebrabatur, habitā etiam fuisse rationem eorum, qui propter morbus abessent a cœtu, & ad illos fuisse missā per Diaconos Eucharistiā. Una igitur & eadē erat hæc actio, ac proinde nihil pertinet ad asseruatas epuli sacri reliquias. Profert Harchius postea Serapionis cuiusdam exemplum ex Eusebio, lib. 6. cap. 34. Cui animam agenti nocte missum fuerit paululum Eucharistie. Item, quod dicit Hieronymus de Exuperio Episcopo Tolosano, qui corpus Domini portarit in canistra,

„ sanguinem autem in vitro. Item illud de Ter-
 „ tulliani uxore seruante domi suæ Eucharistiam.
 „ Item illud de Satyro fratre Ambroſij, Eucharistiam
 „ quasi viaticum in collo portante. Et de Heremi-
 „ tis, si aberat sacerdos, à ſe ipsis Eucharistiam acci-
 „ pientibus: cuiusmodi alia plura repeti ex antiqua
 historia poſſunt. Quorsum autem hęc? nempe
 ut colligatur nō temerè aſſeruatas olim fuisse iſtas
 reliquias, & nunc etiam non male in templis Chri-
 ſtianorum ſeruari, manente in sacramentis et-
 iam aſſeruatis benedictionis virtute, ut diſer-
 tē ad Colosyrium ſcribit Cyrillus. Nos verò non
 an aſſeruata, ſed an merito aſſeruata fuerint illa
 fragmenta quærimus. Conſtat enim ex Dei verbo
 diſertē inhibitum à Domino fuisse, ne quid ex
 agno Paschæ, expreſſo Eucharistiæ noſtræ typō, in
 poſterum diem ſeruaretur: & in aliis ſacrificiis
 Leuit. 7. idem non temerè precipitur, nempe,
 ut omnis aditus ſuperſtitioni præcluderetur. Et
 certè quum Paulus idolothytam macello vanalia
 exposita, non vult inter res prophanas cen-
 ſeri, extra uſum profanorum ſacrificiorum,
 ſatis etiam oſtendit, quānam viciſſim tum fue-
 rit in Ecclesia de Eucharistiī epuli reliquiis
 ſententia. Tum autem fuit valde diſſicile &
 penè adūbat, quum Christiani cibum ſimul ca-
 perent in ſuis Agapis, (quod ad multa ſecula,
 præſertim in concursu ad martyrum munera vi-
 guit) ita dimetiri panem & vinum que pecu-
 liariter

liariter sacramentali esui destinabantur, quin aliquid plerunque superesset, de quibus varia, immo etiam repugnantia statuta fuisse ex vetustorum scriptis apparet: ac proinde opinionem istam de sanctificationis alicuius in ipsis symbolis inherentia non statim irrepsisse. Iubentur enim ex Clemente Romano Pontifice, de Consecr. Distinct. 2. cap. Tribus gradibus, Clerici reliquias fragmentorum corporis Domini sepositas in sacrarium eo ipso die consumere: & Hesychius Nazianzeni discipulus in Leuit. 8. sui seculi morem fuisse docet, ut quod superfluisse, cremaretur: quod etiamnum hodie in multis, ut loquuntur, casibus apud ipsos Pontificios obseruatur. Apud Nicephorum autem lib. 17. cap. 25. & in Consilio Matisconensi secundo, adhibebantur etiam Scholastici illis edendis reliquias. Quid amplius? Fatetur ipse Harchius aliquando fuisse vetitum, (veluti Concilio Toletano primo cap. 14. Et Cæsarangustano cap. 3. addita etiam perpetui anathematis pena) ne quis domum Eucharistiam deportaret: contra quam fecit Gorgonia Nanzianzeni soror, & (gliscente paulatim superstitione, qua tandem in istam horrendam circumgestationem & idolomaniam deuenit) alijs prudubio non pauci. Quid igitur hic profert Harchius, quo istud suum dogma confirmari possit? Nam, ut cetera omittam, si qua ratio est seruandi Eucharistie panis, eadem etiam in altero symbolo, nempe vino valeat necesse est, nisi discerpendam

esse putet, quæ Dominus coniunxit. Cedò vero cur panem potius isti quam vinum asseruant? nempe (inquit omni amissio pudore Transubstantiatores) quod vinum facilius acescat, quum tamen omnem vini substantiam euauisse velint. Et hac fortassis fuit præcipua ratio azymi usurpandi panis, & orbiculares illas tenues offulas præbendi. Denique quis sanæ mentis non videt, agrotis (nam aliae superstitiones domi reseruandi sacri panis iam pridem apud ipsos obsoleuerunt) etiam si illa valeret sententia, longe melius consuli, si de integro tota Sacramentalis actio apud ipsos renouetur, quam si rancido pane, præterito verbo, quod est symbolorum velut anima quædam, pascantur? Et de hoc quidem hactenus.

Alter error ex illa reali sive corporis ipsius, sive Deitatis Christi in pane & vino inexistentia. hic est, quod quisquis ore sumit symbola, ipsum etiam Christum ore sumat, quod & verbo Dei expresso & Sacramentorum naturæ ex diametro repugnat. Ac de corpore quidem ipso Christi physico nunc non disputo, sed aduersus Harchium dico vix ullum posse magis insanire, quam qui opinetur Deitatem ipsum Filij & Sp. sancti posse corporis sensibus percipi. Ad hoc autem deliriū accedit etiam duplex impietas: una, quod corpus Christi, quod vocat, putat ab infidelibus etiam & hereticis sumi, quasi communio illa esse possit luci cū tenebris: altera, quod ab ipsa percepta Deitate virtutem eius in nonnullis separat: quod est ipsam

ip̄sam Deitatem diuidere. Qua de re mox dicemus.

Tertius error est in adoratione symbolorum, quam modo tollit, modo in venerationem transmutat, modo statuit Harchius: & certè, si verū est eius dogma, de reali & essentiali aeterni verbi & spiritus sancti cum symbolis unitione, adoratio tum internatum externa excludi nec potest nec debet. Nam disputationem in tractationem questionis de Cœna Domini administrandæ ratione placet reijcere.

Nunc igitur agamus de Cœna Domini effectis, quæ duplia statuit Harchius: una videlicet, quæ ipsa symbola respiciunt, utpote quæ Deitatis illapsu reali fiant ipsum Christi corpus suvum: altera quæ ad nos pertineant, qui viuiscorum symbolorum more & viua fide perceptorum virtute fiamus ipsum Christi corpus actu, non tamen illud ipsum idem numero, quod sumpsit ex Virgine, & quod nunc est in cœlis, sed ei specie & natura simile. Et de illis quidem prioribus paulò antè copiosè diximus, quod propriè pertineant ad questionem de symbolorum & rerum significatarum copulatione. Ac proinde supereft, ut de posterioribus agamus, id est, de ijs, quorum in nobis efficiendorum, vel potius sancientorum causa Dominus hæc mysteria instituit: qua tractatio in tribus questionibus posita videtur. Una videlicet, quid ex Cœna Domini consequamur: altera, per quid, ceu efficientem causam, id consequamur: tertia, quo perceptionis modo id con-

sequamur. Nam in his tribus valde ab Harchio dissentimus. Vult enim ipse in summa, quod ad pri-
mum quæstū attinet, nos non ipsum illud naturale
pro nobis traditum corpus, & naturalem illum pro
nobis effusum sanguinem, sed potentiale corpus par-
ticipare, ex Deitate Christi & Spiritus sancti in pa-
nem & vinum illud substantialiter illapsa, & ipsis
panis & vini symbolis creatum: cuius manducatio-
ne, potu, & concoctione transcamus in corpus Chri-
sti, id est, fiamus homines Christo, et si non æquales,
tamen similes. Deinde Deificationem illā nostrā
vult ex ipsis met symbolis, quibus unita & permixta
sit illa transfusa Deitas, in nos emanare: ut, sicut
naturaliter & corporali huius seculi alimonia, cor-
pus hoc nostrum alitur substantia ipsa panis & vini
propter vim nutrientis nostris corporibus à Deo il-
lis insitam: ita etiam spiritualem illam vim, qua
regeneramur in eternam vitam, ex illo ipso pane
propter Deitatem in ipso ex Christi carne substi-
tualiter permixtam, & quasi cum illis symbolis tem-
peratam, & ore & fide sumamus. Postremò spiri-
tualem quidem esse vult istius in Christi corpus
transmissionis modū, sed cū corporali, quod ad panis &
vini substantias ore perceptas attinet, coniunctum.
Nos autem de primo primū agamus.

Primū igitur quero ex quo tandem Scriptura
loco didicerit, plura ipsi Christo corpora tribuere:
unum videlicet naturale, alterum potentiale ex
Deitate

Deitate & pane conflatum: ac tertium denique
actuale ex Deitate verbi & Sp. sancti essentiali &
illis panis ac vini symbolis creatū. Scio responsurum
esse, vel ipsius fautores, si quos habet (quandoqui-
dē hunc hominem Deus ex hoc mundo tempestiuē
sustulit) se non hac duo posteriora corpora, qua & po-
stea in unum constantur ipsi Christo attribuere,
sed potentiale quidem in ipsis symbolis constituere: ^{cc}
actuale vero in singulis Christi membris. Et for-
tassis tam erunt etiam nonnulli impudentes, ut ad
suum istud deliriū probandum verbi Dei testimoniiis
abutātur: quoniam nimirū & panis ille corpus Christi
dicitur, & vīnum illud Christi sanguis: & Ecclesia
quog_z corpus Christi vocatur. Sed si talem corporis
Christi propagationē statuamus, quid superest ni-
si ut Valentini etiam a_gωρας ab inferis reuocemus?
Res autem ita se habet. Quum de Filij Dei incarna-
tione loquimur, corpus intelligimus verē huma-
num, & ante & post depositā infirmitatem circun-
scriptum, visibile, & locale, utpote cui gloria neque
substantiam ipsam humanæ naturæ, neque essentia-
les proprietates ademit: qua in re Harchius quoque
recte nobis assentitur. Quum autem symbola au-
dimus corpus & sanguinem à Christo vocari, nos
iidem, quod ad ipsas in sece voces attinet, nul-
lam ὁμοιοποια statuimus, quum non aliud corpus
nisi verum illud sit pro nobis traditum, nec aliud
sanguis nisi ille verus & naturalis pro nobis effu-
sus: & expressis verbis panis ille dicatur esse illud

ipsum corpus pro nobis traditum, & vinum ille ipse
 sanguis pro nobis effusus, sed Sacramentali uerbo
 nostra dicimus symbolis attribui rerum significata-
 rum nomina, ut Sacramentalis significationis vis
 perspiciatur. Quum autem Ecclesia Christi corpus
 vocatur, tum corporis nomen pro compacta creden-
 tiū multitudine om̄uorū nos accipimus, veluti quā
 corpus alicuius ciuitatis, aut regni, aut collegij no-
 minamus: nec tamen diffitemur Ecclesiam non
 simpliciter corpus, sed cum adiectione Christi cor-
 pus dici: nimirum quoniā huius omnīū mēbrorum
 coniunctionis & deuinctionis vinculum & velut
 anima quedam est ipse Christus, ut copiose declarat
 multis locis Apostolus, ac pr̄sertim Ephes. I. 23, &
 4.16. Sed hoc corpus mysticum, quod nos sumus, à
 corpore pro nobis tradito & sanguine pro nobis ef-
 fuso, de quibus demum in verbis institutionis Cœne
 Domini agitur, usque adeo non distinguere, ut hoc
 etiam ad illud introducēdum extrudatur, non tan-
 tum insanientis, sed etiam impij hominis esse vide-
 tur. Præterea panis ille iam tum quum in manus
 traditur, imo quum verba institutionis Cœne ri-
 tè recitantur & explicantur, certè fit Sacramenta-
 liter Christicorpus, aut inanis est mystica benedi-
 ctio: aut non corpus Christi, sed panem accipiunt
 credētes. Merum igitur delirium est opinari tum
 demum fieri Christi corpus quum per concoctionem
 incorpore credentium factam ipsi transeat in Chri-
 sticorpus. Ac proinde non fuerat dicendum HOC
 EST,

EST, sed HOC ERIT CORPVS MEVM.
 Et rursum, si, ut vult Harchius, istud de corpore
 mystico intelligendum est, aut ipse, aut Christus
 (quod ab sit) mendax comperietur. Et hic operæpre-
 cium est intelligere, quomodo Harchius, quum se
 premi verbo EST præsentis temporis videret, huic
 obiectioni occurrerit. (pagin. 39.) Primum re-
 spondet ex Augustino, sape in Scripturis dici esse
 quod non est, sed quod vel mox erit, vel esse potest:
 Ex quo (inquit) intelligere potes non esse absur-
 dum quod dicimus, nempe panem Eucharistia non
 esse carnem actu, et si sic appelleatur: sed quia man-
 ducatus ab homine fideli, qui est corpus Christi,
 træsit demum in carnem actualem, licet antea vim
 & energiam carnis Christi habuerit. Si hanc phra-
 sin Scripturæ Harchius idcirco protulisset, ut hæc
 verba, QVO D TRADITVR, & QVI EF-
 FVNDITVR, quamvis præsenti tempore enun-
 ciantur, de re tamen mox futura intelligatur, oppo-
 sitè loquuntus esset. (Hoc enim historica ipsa narra-
 tio demonstrat) sed quod interdū in Scripturis occur-
 rit, hic locū habere, ubi manifeste nō quid futurus
 sit hic panis, postquam comes & cōcoctus fuerit, sed
 quid sit ostenditur, id est, ut à communi usu ad Sa-
 cramentalem træferatur, extremæ profectio est im-
 pudentia. Ut demus enim pro EST scriptum esse
 ERIT, an de corpore mystico istud, QVO D
 TRADITVR & QVI EFFUNDITVR, in-
 telligi, poterit? ista igitur ne refutatione quidē in-

digent. Altera autem responso, quam affert Har-
 chius, non minus est impudens. Nec enim (inquit)
 Dominus dixit, Hoc est corpus meum, accipite com-
 medite, sed Accipite, comedite, Hoc est corpus meū,
 quoniam (inquit pag. 80.) etiam si panis Euchari-
 stiæ sit virtute caro Christi, & realiter corpus verbi
 ante manducationem: tamen ut fiat actu vera caro
 debet prius manducari, & nutritionis lege in car-
 nis formā conuerti. Quasi verò res ipsa nō ostēdat
 manifeste, voluisse Christū discipulos prius intelli-
 gere, quale esset quod illis probebat, quām id acci-
 perēt & comedcrēt. Ut autē valeret Harchij figmē-
 tum, prius acceptum & manducatum fuisse pa-
 nem oporteret, quām ex Christō, qualis hic esset
 cibus, intelligerent: quod si verum esset, quomodo
 ex fide panem illum manducassent discipuli, quum
 verbis nondum ex Christō auditis credere non po-
 tuerint? Præterea quomodo stabit illud Harchij:
 panem etiam antē manducationē corpus verbi po-
 tentialiter fieri, si manducationem non præcedunt
 benedictionis verba? Itaque nihil dici potuit iſtis
 ineptiis.

Sed & illud cuiusmodi tandem est, quod singu-
 los fideles vult Christi mysticum corpus fieri, hoc
 (inquam) obsecro quām ridiculum est? Nec enim
 singuli fideles dicuntur Christicorpus, sed Christi
 membra, quæ simul sub Christo capite coniuncta Ec-
 clesiam constitūnt. Nec enim dicit Paulus ἐν σῶμα
 ἔργος ἐστι μόδι, sed ἐν σῶμα ὅι πολλοὶ ἐστι μόδι: & tamen
 Harchius

Harchius (pag. 66.) nescio quo ineptissimo dialogo
 vult infantem baptizatum esse corpus Christi,
 imò etiam Christum iure adoptionis: & quodam e-
 tiam alio loco, nos neotericos Euangelicos Zuin-
 gianos & Caluinianos quos vocat, comminiscitur
 sic loquentes probare. Procul dubio verò nobis im-
 primis hic obiecerit Harchius ex patribus spiritualē
 illam carnem, quam à crucifixā distinguunt. Quasi
 verò duplī respectu, (corporali videlicet & spiri-
 tuali modo, siue corporis sensu & intellectu) carnem
 Christi considerare & percipere, efficiat duas car-
 nes ex una: ut ex illis duabus una demum sit na-
 turalis & qualis est verè humana, altera verò sit
 ipsamet Deitas, idcirco caro vocata, quoniam à car-
 ne Christi naturali in panem ineffabiliter illabatur
 eique permisceatur, ut postea ex potentiali cor-
 pore fiat naturalis caro.

Quid amplius? Harchius suum istud idolū supra
 ipsum quoq; Christū, quatenus mediator est, euehēs
 (pag. libri ipsius secūdō editi. 183.) infinita (inquit) illa beatæ Trinitatis essentia cum omnibus natura-
 libus & essentialibus proprietatibus Christi & cor-
 poris eiusdem, est in hoc pane in terra, nunquam
 absens à Christo in cælo. Atqui ego adhuc credi-
 di, quamvis unica sit essentia diuina & tres perso-
 nae sint evnatos alio, nihilominus tamen solam τὴ λό-
 γου ἵπτοσαν esse incarnatam. Itaque, si verum est
 Harchij dogma, aut tota trinitas (idem enim est
 trinitatis essentia atque ipsa trinitas, siue essentia

absolutè, non autem relatè considerata) carnem nostrā assumpserit: aut panis iste plus in se ē illā psum sibiq; unitum & permixtum habebit, (ut passim loquitur idem Harchius) quām ipsa Christi caro. Itaque iam iste panis non erit appellandus CORPVS VERBI siue SPIRITVS Christi, (sic enim interpretatur ipse met Harchius (pag. eiusdem libri 186.) sed spiritus Trinitatis: & sic tādem dignē hunc panem recipientes non tantū transibunt in Flum sed etiam in Patrem & Spir. sanctum. Et quis tandem erit istorum portentorum finis? Deinde, si naturales & essentiales omnes corporis Christi proprietates cœlitus in hūc panem re ipsa se per mysticā benedictionem in terra infundunt: palpabile autem esse, ac locale, & circumscriptum, naturalis ac essentialis est prorsus corporis Christi quantumlibet glorificati proprietas, an nō manifestissimè subuerit Harchius quicquid contra Transubstantiatores & Consubstantiatores hoc eodē libro recte assertus?

Quero præterea, quum ipse minimè neget oportere nos ex Christi carne petere, quicquid ad vitam æternam necessarium est, imo ipsammet etiam æternam vitam, quero (inquam) quomodo secū ipse consentiat sic scribens pag. prioris libri 61. Non minus inquit) est Christus in baptismo, quām in eu-
charistia, verūm per Diuinitatē non humanitatem:
& tamen non pudet eundem Harchium (pag. eius-
dem lib. secundæ editionis 142.) hæc Origenis ver-
ba proferre: Suscipimus carnem verbi non solum in
Sacra-

Sacramento, sed etiam quum fideliter audimus Dei
verbum: & ista Hieronymi, Quando audimus ver-
bum Dei, tunc caro Christi & sanguis eius in no-
stras aures funditur. Cedò igitur, Harchij discipu-
li, quid amplius in hoc pane & hoc vino, quam in
aqua baptismi & in simplici verbo queritis?

Respondet Harchius (pag. 143.) In his quidem por-
tionem verbi aeterni & Spiritus sancti: in illis vero
totum corpus verbi aeterni in Christo corporaliter
habitantis cum tota plenitudine gratiae apponi, ut
quisque tantum de eo sumat, quantum capit fides
singulorum propria. Atqui hoc non est respondere,
sed illudere. Nec enim nunc querimus, plus an
minus in his vel illis detur, sed an idem detur, id
est, illa ipsa Christi humanitas. Si hoc negatis, ergo
extra Christi humanitatem salutem ponitis, id est,
vultis aliquos seruari, qui vestrum illud potentiale
corpus Christi non perceperint, nisi fortasse absolute
necessaria esse omnibus ad salutem putatis Eucha-
ristie sumptionem: sin vero conceditis, deciperit
sese & vos Harchius, quum humanitatem Christi a
baptismo excluderet, & totum hoc vestrum dogma
de corpore verbi & potentiali & actuali corpore
corruet. Sed quid si rursum ostendero vestrum
Harchium alibi plus tribuere simplici verbo, quam
huic potentiali corpori, cui totam Trinitatis essen-
tiam unitam esse vult? Sic enim ille pagina eius-
dem libri secunda editionis 34. Diligens lectio san-
ctorum Scripturarum est verius corpus Christi, id

„est melius nobis Christum & eius facta, dictaque ob
 „oculos ponit, & viuidius illius nobis memoriam
 „refricat, quam panis Eucharistiae, qui memoria
 „tantum est, & muta Christi figura. Et ne mirum
 cuiquam videatur sic scripsisse Harchium, ecce Aug.
 verba de verbis Domini in orat. 26. ab ipso citata
 pag. prioris libri 107. (Nam in posteriore editione par
 , tē hui⁹ loci cōsultō præteriū) Interrogo vos, fratres,
 „inquit Augustinus, quid vobis plus esse videtur,
 „Verbum Dei, an corpus Christi? Si verum vultis
 „respondere, dicetis quod nō minus sit verbum Dei.
 Intelligit autem Augustinus per Dei verbum, illud
 quod per prædicationem erogatur, ut eodem loco
 subiicit. Quinam igitur Harchium secum concilia-
 bimus? Id certe fieri nō potest, nisi in hac posteriore
 sententia quæ verissima est, abnegata priore prorsus
 phanatica, perseveret. Res enim ita se habet. Me-
 diator noster est unicus Christus secundum utramq;
 naturam, sed ita ut sicut persona non dividitur, sic
 sua cuīque naturæ inconfusè tribuantur, diuina
 nimirum diuinæ, humana humana, sicut Leo Ro-
 manus Episcopus, opera profectio egregia in hoc ar-
 gumento nauata, in illa celebratissima Epistola
 scribit. Totum ergo illum fieri nostrum oportet ut in
 eo cūcta obtineamus ad salutē necessaria: & quum
 secundum carnem ad nos accedit, immò idcirco
 factus sit homo, ut frater noster esset, necesse est ut
 ipsius caro sit medium propinquum nostræ cum ipso
 coniunctionis, quanvis à diuina virtute ipsa
 coniunctio

coniunctio pendeat. Opus enim istud inchoet & perficiat diuina virtus oportet. Sed ut in Christo electi sumus ita in ipso diligimur, non tantum adsciti, sed etiam adsciscendi: & postea vocamur ita ut haec diuina virtus opus illud suum extra carnem Christi non efficiat. Et ne quis excipiat cum Harchio, virtutem tamen seu vim illam diuinam Christi, siue τὸν λόγον extra carne eius sese exeruisse, salte antequam re ipsa in utero virginis crearetur: respondendum est Christi carnem, quod ad Deum attinet, semper fuisse in ipsis oculis presentem, & ut non in ea quasi iam existente, at certe propter eam nascituram, ab origine mundi effusa fuisse in omnes electos dona ad salutem necessaria. Vedit enim Abraham diem Domini, inquit Christus. David autem Psal. 2. & 110. in primis Christum oculis fidei, quasi iam Regem in cruce coronatum, & ad dexteram Patris evectum oculis fidei contemplatur: & patres eandem atque nos escam comedenterunt: & eundem potum biberunt, id est Christum, interprete Apostolo, quod ad solam Deitatem Christicun Harchio restringere, est fundamenta fidei Christianae couellere. Stat enim illud, Christus erat heri, & est hodie: non modo quoniam Deus est Patri consuetus, sed etiam quoniam ab aeterno decretus est secundum utramque naturam Mediator, quamvis in plenitudine temporum Verbum sit factum caro. Denique Deum in ideo transformamus, si citra sanguinis Filii ipsius effusione eum existimamus inquam fuisse cuicunque ho-

mini recōciliatum. Idolum enim est Deus, qui citra
 pœnam condignam in unico mediatore persolutam
 quenquam seruauerit: quam ob causam etiam,
 quod ad propitiationem attinet, dicitur Agnus
 ille ab origine mundi occisus. Sicut autem unicus
 fuit, est, & erit ad nouissimam usque diem me-
 diator Christus secundum utramque naturam,
 id est natura humana pœnas nostris peccatis de-
 bitas persoluente, Deitate vero illi obedientie
 dignitatem, ac efficaciam necessariam concilian-
 te: ita unicum semper fuit in Ecclesia ordina-
 rium instrumentum, quo electi ad Christum sibi ap-
 plicandum idonei redderetur, Fides videlicet, ut u-
 niuersa scriptura testatur: & haec rursus fides, quum
 sit ex auditu (mutua enim est & perpetua inter Deum
 loquentem & electos auditis assentientes, & credi-
 tas sibi applicantes relatio) consequitur Verbum Eu-
 uangelij illud esse unicum instrumentum, quod
 meritò vocat Apostolus, Dei potentiam ad salutem
 cuius credeti. Alioqui mentitus esset Petrus, quum
 diceret suo ac discipulorum nomine, Verba vite
 æterne habes: & rursum quum verbū illud ipsum
 prædicatū præceptoris Christi vestigij insistens, se-
 men incorruptum appellaret. Quid autem est se-
 minē prius in quolibet generato? & quid illi semi-
 ni deesse potest unde profectus fætus gignitur?
 Nam etiam alicubi Harchius vult, Cyrilli testimo-
 nio abutens, Eucharistiæ semen viuificum inesse, eò
 suum illum essentie Trinitatis in huc diuinum pa-
 nem

nem illapsum detorquens. At nos non ambigimus,
& Christum totum, & totum Christi nobis tam in
verbo simplici, quim Sacramentis adhibitis, veluti
nobis evidentiore facto, vere perfidem percipiendu-
m proponi, quod neque Deus electos suos aliter
quam vni Christo suo, vero Deo & vero homini spi-
ritualiter unitos unquam seruarit, aut seruet, aut sit
seruaturus: neque à verbo simplici Sacramēta, signi-
ficatæ & præbitæ rei respectu, sed significationis mo-
do differre arbitramur, quoniā videlicet, ut scitissi-
mè loquitur Augustinus, sunt verba visibilia, id est,
hoc ipsum oculis renūtiant, quod verba auribus au-
dientium significant. In summa igitur tum in ver-
bo simplici Euangeli, tum in sacris mysterijs Chri-
stus totus nobis spiritualiter per fidem applicandus
præbetur: neque existimandus est aut in verbū
vocale, aut in symbola Sacramentalia illabi vel in-
fundī re ipsa, sed quod externis sensibus utraque
illa promittūt, hoc in cordibus credentiū efficere &
obsignare sp. sanctū doctorem illū veritatis, omnes
credentes Christo inserente, ex quo illi postea, quic-
quid ad salutem necessarium est, hauriunt.

Quero & illud ubi didicerit Harchius rem Sa-
cramenti ab ipsius fructu se iungere, id est, à Christi
carne per Diuinitatem in ipsa corporaliter habitan-
te viuiscata & viuifica, viuificationem separare.
Nam audio quidem Euangelium, id est, Euangeli
predicationem, alijs vitam, aliis mortem spirare,
2. Cor. 2. 16. at ipsum et Christum vitam non mor-

tem esse ubique innemo, & Christum quidem agnoscere credentes seruaturum, à quibus nimis fide recipitur, cæ: eros autem morti adiudicaturum, nempe à quibus reicitur: & symbola quidem lego ab alijs dignè ad vitam, ab alijs vero indignè ad iudicium sumi, rem autem ipsam symbolis significatam aliter quam vera fide sumi nusquam lego. Num enim qui vera fide sumit, indignè sumit? Neque his obstat, quod apud Patres & præser-tim Augustinum, corpus Domini interdum sumi etiam ab impijs dicitur. Tum enim hac Corporis voce non res Sacramenti significata, sed signum significans intelligitur: quo sensu etiam hæ locutiones intelligendæ sunt, Corpus Domini intrare in os, cadere in terram, consumi, & eiusmodi plurima: idq; ita esse aperte idem Augustinus docet, quū non de fructu, sed de re Sacramenti, id est, de Christo ipso loquens, Hic cibus (inquit) non est ventris, sed mentis: & alibi corpus Domini, symbolicum videlicet siue symbolo representatum, à corpore Domino, id est, ab ipsa re Sacramenti manifeste distinguit. Et hæc profert quidem etiam Harchius ad eius orationem ipsius carnis Christi manductionem, sed ita, ut magis etiam absurdum errorem inuechat. Virum enim magis absurdum est dictu, carnem Christi naturalem posito re ipsa illa presentem esse, in sub, vel cum ipso pane) à quibusvis panem ore sumentibus ore quoq; simul sumi: an vero dicere cum Har-chio, totam ipsius Trinitatis essentiam, utputa pani re ipsa

re ipsa unitam & permixtam, tum ore tum fide sumi, idque absque fructu? Nam hic quoque est alius ipsius grauissimus error, quod in hoc argumēto nomine Fidelium eos etiā comprehēdit, qui fidem tantum historicam habent: qui qui prædicti sunt, nihil certè amplius, aut fortassis etiam minus habent quām demones. Itaque horrendura est cogitare tales ullo modo existimare Deitatem in sece recipere, quum nulla sit communio Christo cum Be- lial, negat̄ teste Apostolo, possint esse participes mensæ Domini & mensæ demoniorū. Neque h̄c mihi ob- yciat Harchius Diuinitatem ubique esse, ac proinde hoc respectu ab indignis quoque sumi. Nam hac responsione non modo nō stabilitur, sed etiam prorsus euertitur dogmatis ipsius fundamentum. Quin nam enim dixerit id in panem illabi mystica be- nedictionis virtute, quod iam antea, quū sit ubique, in pane etiam erat? At non per inhabitationis gratiā (inquit Harchius.) quod si cōcessero, cōseque tur vera fide destitutos, si sumat rē Sacramenti, non tamen sumere quia Diuinitas sit ubique. Num ve- rò idcirco, quod Diuinitas insit in pane per inhab- itationis gratiam? Demus hoc Harchio (quod ta- men, ut ipse quidem intelligit, falsissimum est, ut mox explicabimus) concludendum erit profecto, i- psius etiam bestias (quandoquidem hanc habitati- nem definit reali & essentiali cum ipsis symbolis u- nitione) si symbola sumpserint, quod ipsis symbolis realiter cohæret, necessariò sumere: quam etiam

consequitionē effugere ullis strophis neque Trans-
substantiatores, neque Consubstantiatores possunt.
Veritas autem hęc est. Solum hypostasin Filij uni &
soli assumptae nostrae nature sua ipsius substantia u-
nitam: hanc carnem esse unicum, reale, & propin-
quum nostrae cum Deo reconciliationis vinculum:
hanc recōciliationem ad eos demum pertinere, qui
sese huic carni per veram fidem adiungunt: hanc fi-
dem esse singulare Dei donum, cuius efficacia à Sp.
sancto promanans Christi carnem id est, vinculum
illud credentibus applicatum illos Christo spiritua-
liter uiat: Spir. sanctum, ut hanc fidem in nobis
creet, & semel creatam foueat, tum verbo simplici-
tum Sacramentis uti, non vim aliquam illis instil-
lando, sed intus sua unius vi efficiendo, quod ver-
bum auribus & Sacraenta oculis renuntiant: so-
los igitur vera fide præditos rem Sacrameti & rem
Verbi participare. Nec inde consequitur, integrum
igitur Sacramentū solis fidelibus præberi: siue prout
credentes vel increduli fuerint, qui ad mensam
Domini accedunt, statuendum esse vera vel falsa
esse Sacraenta. Hoc (inquam) minimè cōsequitur.
Ridicula enim est utraque hęc consequitio, Datur,
ergo accipitur: Non accipitur, ergo nō datur. Sed hoc
verè concluditur, Christus verax est, ergo nūquam
offert sacra symbola, quin etiam verè offerat, quod
per illa significat: ac proinde vera sunt semper &
integra Sacraenta ex Dei verbo. Sed, quoniam
symbola quidem præbentur manui & ori, res au-
tem

tem significatæ, id est, ipse met Christus menti fideli præbetur, idcirco omnes quidem manum & os afférentes symbola percipiunt, mens vero vera fide nō prædicta, rem Sacramenti repudiat: ac proinde reus non sit talis quispiam indignè sumti corporis & sanguinis Domini, (nisi per corpus & sanguinem ipsa illorum symbola metonymia Sacramentali intelligas) sed corporis & sanguinis Domini contempti, & per incredulitatem repudiati, ipsiusque adeo tam sacræ actionis turpiter contaminatæ. Itaque, ut semel hunc locum concludam, usque adeo coniuncta sunt & connexa vita & caro Christi, quoniam caro filij Dei est, ut neque vita particeps esse quisquam extra illius carnis, uniti vinculi nostræ cum vita colligationis, participationem possit, neque quisquam illius esse particeps, siue in verbo, siue in Sacramentis, qui ex ea non viviscetur: & qui contrarium statuunt Christum diuidant, de quibus quid statuendum sit, docet Spiritus Sanctus, i. Io. an. 4. 3. Proinde quantum fallatur Harchius apparet, qui Deitatem nō modo in hypostasi τῦ λόγου relite consideratam, quæ una est incarnata, sed absolute totius Trinitatis illabi vult in panem, ut illo ad Diuinitatem potentialem redacto, postea singuli siamus ipsius Christi actuale corpus. Quasi vero ex carne Christi emanare possit, quod non est incarnatum: aut Christi diuinitas sit nostræ unitonis vinculum, ac non potius per carnem ad nos ipse appropinquarit, ut per eam nostram factam, Deo

adiungamur, quamvis hanc vim caro non sibi qua-
si subiecto inhærentem, sed quatenus in filij Dei hy-
postasi subsistit, obtineat: sine, ut verè quamvis
barbare loquuntur in scholis, nō de gratia vlla ha-
bituali, sed de gratia vniōnis sit istud accipien-
dum: quod qui non intelligunt, multa Cyrilli loca
deprauāt, quasi vt Nestorij scopulum vitaret, Eu-
tychianus euaserit.

Sed iam tēpus est aliquid de ista inhabitationis
gratia dicere. Notus est ille versiculus, Enter præ-
senter Deus est & ubiqꝫ potēter. Et hæc quidem est
vniuersalis, id est, ad res omnes creitatis relata Dei
tum existentia, que, vt inquit Augustinus, nec mo-
le distenditur, nec partitione minuitur: tum etiam
in illis quamdiu & quomodo illi libet, conseruādis
virtus ac potentia. Sed amplius aliquid significatur
Habitādi voce. Nā & habitare in cælis dicitur De
nempe ab effectis, quòd videlicet illuſtriora ibi col-
locarit maiestatis ac gloriae suæ signa. Sic etiam di-
ctus est in medio populi sui habitare, partim propter
visibilia suæ præsentiae cum singulari benignitate
coniunctæ symbola, partim propterea quòd, ceteris
gentibus ad tempus desertis, huic soli populo gratiā
illam suam salutare impertiretur: sicut & hodie in
ijs quorum & animos & corpora sibi sancti sui Spi-
ritus virtute sanctificauit, dicitur Spiritus sanctus
tāquam in templo habitare, 1. Cor. 3.16: itidēmque
pater & filius, Ioan. 14. 23: denique dicitur plen-
tudo Deitatis habitare in Christo. Colos. 2. 9.

Discri-

Discrimen autem inter ista qui non intellexerunt, iam pridem teterimos errores in Ecclesiam inuenierunt, cuiusmodi fuit Manichæorum delirium à Serueto nostra memoria renouatum, quod Dœ essentia rebus omnibus sese vniret, sicut apud Poëtam dicitur Spiritus siue mens totam mundi molem sic agitare, ut se magno in corpore misceat. Contra vero Nestorius aterni verbi unionem hypostaticam cum humana natura non intelligens sola naegosia nati σχέσις, Deum putauit in Christicarne habitare, ut & in reliquis sanctis: relicta tantum Christo ἀξιόση, id est Autoritate & eminentia, ut inter multos fratres primogenito. Hanc impietatem superioribus annis ab inferis reuocarunt Brentius & Iacobus Andraeas, disertè scribentes, Deum, quod ad essentiam attinet, non aliter esse in Christo, quam in rebus omnibus, sed pertendam esse distinctionem ab energia: & his verbis, VERBVM CARO FACTVM EST non aliud significari, quam quod Deus in reliquos quendam, in filiu autem Marie omnia dona, immo omnes Deitatis proprietates effundat: ut sic & secundum Nestorium diuidatur persona, & secundum Euthy- cheten proprietates naturarum confundatur. Har- chius autem contrariam prorsus viam ingressus vult non in Christi tantum carne essentialiter vniri Verbum aeternum, ut illam reddat diuinam, (quod epithetō ambiguū est) sed etiā illud in Cœnæ Domini symbola re ipsa & actu illabi, eisque vniri

& permisceri , ut sint & ipsa diuina per eandem ipsam Deitatem(& quidem non tantum verbi, sed etiam totius Trinitatis) que carnem naturalem Christi diuinam reddit: ut symbola sic fiant potentialiter(id est, ut ego interpretor, habitudine & dispositione quadā) corpus Christi, non quidem idem numero atque illud physicum & naturale quod est in cælis , sed ei tamen virtute simile: ac tandem vera fide prædicti panem illum sumentes fiant singuli actuale corpus Christi, hypostatica tamen unione vni Christo seruata: quod absurdissimum & insanissimum dogma, quamvis à nobis aliquatenus refutatum, priusquam plenius refellamus , dicendum arbitror , quid hac de re sit ex Dei verbo & orthodoxæ Ecclesiæ sententia statuendum.

Primum omnium igitur existentia illa Dei, qua sicut essentia ipsius infinita est & impartibilis , ita etiam ubique est , essentialiter præsens , & omnia sibi habens præsentia , neque tota ex integrantibus partibus constans , neque ut in loco, sed non minus ineffabili & incomprehensibili modo, quam ipsa est in se immensa , tum ab ipsius præsentie vniuersalis energia distinguenda est , tum in primis ab hypostasi Filij Dei incarnatione . Quanuis enim nusquam sit Deitas ociosa , tamen aliud est Adesse , quam aliquid efficere, & huius effectio[n]is non una est species . Nam alia est vniuersalis res omnes ea ipsa virtute , qua conditae sunt , tum visibiles , tum inuisi-

inuisibiles : tum ex naturæ ordine , tum præter aut
contra illum ordinem gubernans : alia est vero ma-
gis etiam mirifica , & ipsis etiam Angelis incompre-
hensibilis , qua videlicet factum est , ut , quanu-
tres personæ sint unica Deitas , non ex tribus aggre-
gata , sed in singulis unica & prorsus eadem , sicut
hae personæ in nosatōi , nihilominus tamen sola
persona , qua Filius Dei est æternus , ita sese arcte
cum nostra carne ex Dauidis filia Virgine secundū
suas promissiones assumpta adiunxit , vt non modo
cunctis , quarum capax esse res creatæ potest , dotibus
illam perfectissime repleuerit , sed etiam , (saluis
semper manentibus & naturis ipsis & essentialibus
earum proprietatibus , quibus nimirum sublati esse
desinenter id quod sunt , & quibus immutatis , tales
amplius non essent , quales sunt , ac proinde Christus
nec verus Deus esset , nec verus homo) illā ad suam
ipsius hypostasin redegerit : nec iam Filius ille homi-
nis sit diuinus duntaxat aut etiam diuinissimus ,
(id est excellentissimis donis Dei supra res omnes
aliæ creatas ornatus) sed etiam ipse met Dei Filius
non ex duobus filiis conflatus , sed à Filio Dei (ut ita
loquar) personatus : & ita in Christo sit quidē Aliud
& Aliud , nempe ὁ λόγος , & individuum humanū
assumptum , non sit autem Alius & Alius : sicut ad-
uersus Samosatenum Πλάτων ἀνδρεπονον statucentem :
aduersus Arium creatam Deitatem inuenientem ,
eamque pro anima in carne assumpta substituen-
tem : aduersus Nestorium σχετικὸν & ἐρεψηνον ,

sicut & hodie nostri ubi quitarij, προσώπων loco hypostaticæ unionis substitutum: aduersus Euthylen denique pro unione confusionem naturarum ponentem, tota vetus Ecclesia ex Dei verbo, ex infinitis difficultatibus & certaminibus eluctata, constituit.

Supereft ea Habitatio quæ sic ὁμοιόμοιας cum superiore significatur, sed quæ quum à Paulo, adiecta particula σωματικῆς, & a Petribus unionis Hypostaticæ voce determinetur, facile ib ea discerneratur. Est enim illa uni Christo propria, & οὐσίωδης in Filio hypostasi: ista vero est omnibus sanctis cōmuni, & merè σχετικὴ ἐπεργνῶν, quod ad Deitatis Christi participationē attinet: humana vero natura nobis cōmunicatæ respectu etiā ἐνομίη, sed citra ullam σωματικὴν realem: ac merè spiritualis, quanvis eius beneficium ad corpus etiam hominis redundet. Habitare igitur Deus in solis suis sanctis dicitur, non essentialis neque universalis, ac multo minus hypostaticæ alicuius unionis respectu, sed quoniam illos in Filio mediatore facit omnium ad vitam aeternam necessariorum donorum participes. Dicitur autem etiam Deus habitare in iis, quibus tum gratia tum etiam iudiciorum suorum instrumentis utitur. Nam & in tabernaculo & in templo passim dicitur habitasse & fuisse in Prophetis, & arce ipse tribuitur Dei nomen, quæ & ipsa habitatio tota est ἐπεργνῶν, sed à superiore in eo diuersa, quod Deus vere agit quicquid spirituale est, instrumenta vero

verò, quæcunque tandem illa sint, siue inanimata
videlicet, ut Sacra menta, siue animata, ut Prophē-
ta, Pastores & alij, externum tantum opus admini-
brant. Sed hæc omnia superest ut ex verbo Dei pro-
bemus. Quod attinet igitur ad illam uniuersalem
tum presentiam, tum etiam potentiam, non vide-
tur probatione indigere, quum non sit à nobis ad-
uersus Epicureos instituta disputatio. Hypostaticam
autem unionem esse ipsarum naturarum, & toto
genere ab ea habitatione quæ in sanctis est, differ-
re, quum innumerabilibus penè testimoniis aduer-
sus omnia illa hærelicorum monstra, omnium pa-
trum & veterum illarum decantatissimarum syno-
dorum perspicuo consensu fuerit demonstratum,
nolui multas chartas istorum certaminum repeti-
tione implere. Tantum dico non esse hodie Chri-
stianum cendum, qui Christum verè & essen-
tialiter Deum & hominem esse inficietur. Sed ha-
bitationem Dei in sanctis merè σχημήν & ἐνεγκά-
την esse, & rursus eam, quæ est in Sacramentis,
aliam esse prorsus ab ea, quam ponit Harchius,
superest ut ex Dei verbo demonstremus. Illud igi-
tur nobis tenendum est, non aliter nos Christum
recipere, quam per ipsius Spiritum, qui est Spiritus
sanctus, & rursum non aliter Spiritum à nobis
accipi, quam ipse Christus acceperit: quæcumq[ue] sint
verbo Dei testatissima, citatis testimonijs non puto
indigere. Sed & illud constat, Christum, quatenus
Dens est, esse natura unum cum Patre & Spiritu

sancto Deum, ac proinde semper fuisse Patri & Sp.
 sancto evnatos uero, ut tam vere dicere potuerit Christus, Spiritus sanctus in me est, & ego in eo, quam
 eadem prorsus ratione, dixit, Ego in Patre, &
 Pater in me est: essentialiter nimirum & ab eterno.
 Secundum humanam autem naturam Spiritum san-
 ctum dicitur accepisse. Ioan.3.34. Sed & Ioan.17.
 19. dicitur seipsum sanctificare. Ex quo intelligi-
 mus duas esse naturas in una Christi persona, Dei-
 tatem videlicet sanctificantem, & humanitatem
 sanctificatam: quod utrumque diuinissime Paulus
 declarauit, Collos.2.9. quum diceret totam plenitu-
 dinem Deitatis habitare in Christo σωματιώς:
 sicut Ioannes Baptista Ioan.3.34. per Spiritum non
 ad mensuram acceptum de Spiritu participato lo-
 quebatur: ut & Spiritus sanctus Psal.44, Vnxite
 Deus Deus tuus oleo letitiae pre participibus tuis:
 in quem locum Cyrus in Ioan. lib.2.cap.3. Memi-
 neris (inquit) secundum formam serui, qua Patre
 minor est, & à Patre & à Spiritu sancto, & à seipso,
 qui Verbum & Filius est, esse sanctificatum, sicut
 ipse dicit, pro eis sanctificabo meipsum. Idque etiam
 apertissime ab Apostolo declaratur, quum dicit effi-
 cacie Dei Christum, secundum carnem videlicet,
 à mortuis fuisse excitatum. Et hoc spectat apposi-
 tissima illa distinctio à Scholasticis usurpata inter
 Gratiam unionis, secundum quam hic homo est
 essentialiter Deus, utpote verbum & Dei Filius
 unige-

unigenitus: & Gratiam, quam habitualē vocant,
 Cyrillus autem σχετικὴν, & Latini ex participa-
 tione appellant, secundum quam hæc assumpta na-
 tura humana non est Deus essentia, sed qualitate
 & efficacitate diuinissimus: nec tamē θεόφορος, ut
 illum vocabat Nestorius personā diuidens, ut puta
 qui hæc diuinitatē carni, ut subiecto, insitam non
 aliunde neque extrinsecus, sed à semetipso, id est,
 à Deitate in ipsomet per gratiam unionis in-
 habitante sibi ipsi donet. Quæ quum ita se ha-
 beant, efficitur necessariò Deum dici in nobis omni-
 bus habitare non essentialiter, (nam aliud esse di-
 ximus Adesse quam Habitare) sed σχετικῶς sine
 εμφύτευσι, ex carnis Christi participatione, ut
 mox ostendemus. Et certè non aliter possunt illa
 Christi verba intelligi, Ioan. 14.23. Ego & Pater
 veniemus, & mansionem apud eam faciemus.
 Nec enim dici possunt venire ubi iam erant
 essentialiter, sed secundum energiam, non il-
 lam uniuersalem, de qua loquens Apostolus
 Actorum decimo septimo, in ipso sumus (inquit)
 mouemur & uiuimus, sed secundum illam san-
 ctis & electis in Christo propriam. Quod ergo
 dicit Paulus, 1. Corinth. 6. 17, Qui adhæret Do-
 mino unus spiritus est: & illud Petri, Diuina na-
 turæ fieri participes, 2. Pet. 1. 4. ad energiam & dona
 Spiritus præsertim illa ἀμελέτη, non autem
 ad ullum essentialēm intra nos illapsum referen-
 da sunt. Datur igitur, est, & habitat in nobis

Spiritus sanctus, siue Deus, siue Pater, siue Filius
 per Spiritum sanctum, quia docet nos omnem veri-
 tatem, Ioan. 16.13, & Esai. 54.13: & renunciat no-
 bis, quæ ex Christo accipit, Ioan. 16.4: & operatur
 omnia in omnibus videlicet sanctis, 1. Cor. 12.6: &
 testimonium reddit spiritui nostro, quod Fili⁹ Dei
 simus, Rom. 8.16: & clamat in cordibus nost. is
 Abba Pater, Gal. 4.6, id est, facit ut clamemus,
 Rom. 8.15: ac per eum actiones corporis mortifica-
 mus, & ab ipso ducimur, Rom. 8.13, 14: & per eum
 cognoscimus nos in Deo habitare, & ipsum in no-
 bis, 1. Ioan. 4.13: & data nobis est mens, ut cognos-
 camus eum, qui verax est: cuiusmodi alia penè in-
 numerabilia ex sacris literis deponi possunt. Ita-
 que constat & Diuinitatis qualitatem, id est dini-
 nissimas illas omnes dotes, quarum capax est caro
 ex Spiritu sancto in utero virginis concepta (di-
 stinguimus enim inter Deitatem, id est Deitatem, ut
 loquitur Paulus, quæ est essentialis: & Deitatem, quæ
 est qualitas creata) in Christi carne tanquam sub-
 iecto inherentes, & dona Dei, quorum respectu in
 sanctis dicitur habitare, ad energiam ut ad com-
 mune genus esse referenda, & secundum plus &
 minus differre: quoniam videlicet ex Christi ple-
 nitudine omnes accipiamus: tum etiam in eo vel
 maximè, quod illæ qualitates non sint in Christo
 extrinsecus aduentitia, sed ipsemet eas Deus siue
 carni, ut sibi propriæ & hypostaticè unitæ perfectissimè suppeditet. Iam autem docendum nobis est ex
 eodem

eadem Dei verbo, unde tandem illæ qualitates prodeant, per quem & quibus instrumentis interuenientibus in nobis efficiantur. Pronenire igitur illas omnes à Dei bonitate, natura ipsa quantumuis corrupta nos docet: & testatur etiam Scriptura Iacob. 1.17, idque in Christo. Loquimur enim de donis sanctorum propriis, Spiritus enim (inquit) de meo accipiet, & annuntiabit vobis, Ioan. 16.14: &, Ego meipsum sanctifico, ut & ipsi sanctificantur, Ioan. 17.19: &, Pater nos in illo dilecto sibi gratis effecit gratios, Eph. 1.6: deniq; ex ipsis plenitudine omnes accipimus, Ioan. 1.16. Cedo vero, num Christum hic considerabimus ut instrumentalem duntaxat causam, quæ non agat, sed agatur? Minime id vero. Habet enim vitam in semetipso, & vere Mediator, ac Seruator est totus, & secundum suum totum, quia, (ut recte scribit Augustinus & alijs): neq; Filij Deitas sine humanitate, neque humanitas sine Deitate Mediatrix est: sed ita, ut cuique naturæ suatum oportea, tum etiam voluntas, tum operatio distincte, diuina diuina, humana humana seruentur, quanvis ðñe & ðñata sint toti personæ communia.

Omnia porro Christi in Ecclesiam suam propriè collata dona, ad quatuor reuocantur ab Apostolo, 1. Cor. 1.30: nempe ad Sapientiam, Iustificationem, Sanctificationem, & Redemptionem: quas inquit, factum esse nobis Christum, id est quarum causa Christus sit in mundum missus à Deo, siue factus

H.j.

homo : quæ omnia unico viuificationis verbo compreñedit Christus, Ioan. 5. 21. 8. & Apostolus, Eph. 2. 1. & 5. Atenim cuius est naturæ viuificare ? diuina certe unius, cuius & creare, Deut. 39. 1, Sam. 2. 6. & alibi infinitis locis. Nam (ut inquit Cyrillus liber de recta fide ad Reginas) posse viuificare id quod vita indigum est, soli Deo conuenit: unde etiam Deitatem suā probat Christus, quum inquit se habere potestatem deponendi animam suam & rursum illam sumendi, Ioan. 10. 18: & ex eo quod Christus sua ipsius virtute resurrexit, Deitatem ipsius demonstrat Apostolus ad Rom. 1. 4: quod si locum habet in huius caducæ vita munere vel tribuendo, vel postquam semel amissum fuit, restituendo, multo certè magis de vita illa eterna istud intelligendum est, quæ est ipse met Deus, quatenus ipse in sese eternum vinit: & proprium ipsius effectum in solidum, quatenus res creatas principium existentiæ habentes vult dissolutionis esse expertes.

Et ut ad illa quatuor accedamus, quæ sunt à nobis ex Apostolo commemorata, cuius est naturæ ad Sapientiam, id est, ad saluificam veri Dei cognitionem homines eò usque sua culpa delapsos, ut ipsorum φένμα sit odium aduersus Deum, Rom. 8. 7, & quæ Dei sunt ne cogitare quidem ex seipsis possint, 2. Corinth. 3. 5. renocare, nisi eius unius, qui, quod nobis ingratissimo iusto suo iudicio eripuit, unus quoque potest restituere? Sic enim

enim Christus Petri confessionem laudans, Caro & sanguis (inquit) haec non retexit tibi, sed Pater meus, qui est in caelis, Matth. 16.17: & Ioannes Deum (inquit) nemo vidit unquam, unigenitus ille Filius, qui est in sinu Patris, nobis eum exposuit, Ioan. 1.18. Vnde & illud Ioan. 3.6. Quod genitum ex carne est, caro est, & quod genitum ex Spiritu est, spiritus est. Nam Gignendi voce principium existentiae declaratur: & quum Sapientia comparetur luci, ignorantia vero tenebris, hoc referendum est, quod dicitur Eph. 1.17. Patrem gloriae dare nobis Spiritum sapientiae & revelationis, illuminatis oculis mentis nostrae, quod dicendi genus passim apud Prophetas, & in scriptis Apostolicis notum est inculcari. Et de sapientia quidem hactenus.

Cuinam autem Iustificationem tribuemus? unicerte Deo, Rom. 5.26, & 4.5, & 8.43, Galat. 3.8: unus siquidem Deus peccata remittit, Luc. 5.21. Posita est autem omnis iustificatio in remissione peccatorum, Rom. 4.7: & ideo iustitia haec in imputatione posita, Rom. 4.6: iustitia Dei vocatur, Rom. 1.17, & 3.21, 2.Cor. 5.21, Phil. 3.9, & Esa. 53.11.

Iam vero quod ad Sanctificationem nostram attinet, quae & regeneratio & purificatio cordis, & noua creatio vocatur, necesse est eam non aliunde oriri, quam ab eo, qui ipsam est sanctitas, quem compellens David, Cor mundum (inquit) crea in me.

H.y.

Deus: nec diceretur nouus homo natus ex spiritu,
nisi Spiritus sanctus esset illius generationis autor,
Ioan.3.6, & 1.Ioan.2.29.

Supereft redēptio, quo nomine Paulus intelligit
noſtrā à peccato & morte liberationis, & in vitam
beatam introductionis cōplementum, ultimo demū
illo die futurum, quomodo etiam loquitur Dominus
Luc.21.28: & Rom.8.23: quod beneficium quis in
nobis perficere potest, nisi unus ille Deus, cuius gra-
tia sumus, quicquid sumus?

Stat igitur illud abundē confirmatum, unius
esse diuinae naturae, hæc omnia & singula in nobis
efficere. Quum autem Trinitatis opera ita sint
trium personarum propria, ut tamen singularum
personarum distinctio in eodem opere efficiendo
seruetur: idcirco dicitur Pater nos in Filio serua-
tor, Filius autem per semetipsum, Spiritus sanctus
denique, quod missus à Patre & Filio mysterium
salutis nobis applicet? Sed Christi sicuti proprium
est corpus, ita proprium est opus, quod in corpore
suo pro nobis peregit: ab eo quidem non separādum
sed distinguendum, quod quatenus Deus est com-
muniter cum Patre & Spiritu sancto est operatus,
& quotidie adhuc operatur. Quæ distinctio, ut per-
spicue intelligatur, age per quatuor illa, de quibus
diximus, generalia Dei in nos beneficia decur-
ramus.

Christus Sapientia noſtra est, primum ut Deus
cū Patre & Spiritu sancto diuina virtute, depulſis
depra-

depravata natura tenebris, lucē in nobis accendēs,
ut veri discipuli fiamus ad intelligenda, quae Dei
sunt. Deinde nobis est Sapientia, ut homo, in quo
quum reconditi sunt omnes thesauri sapientiae &
intelligentiae, Col. 2.3. necesse est ut has quoque ex
ipsius plenitudine hauriamus. Est autē hæc sapiētia
animæ Christi ut subiecto inhærens, non illa sa-
pientia essentialis ipsius carni hypostatice unita, sed
qualitas ab hac ipsa unita Deitate in animam Chri-
sti plenissimè & abundantissimè effusa, ut inde in
omnes electos redundet, quorum nimurum causa
humanam naturam, & omnes ipsi tributas dotes
assumpsit.

Sic nos quoque tuū ut Deus iustificat, nobis non
imputans peccata, & gratis ea nobis remittens, atq.
adeo, loco eorum omnium que mortem eternam
merentur, & iustissimos etiam in se homines ma-
ledictioni reddunt obnoxios, ea omnia nobis impu-
tans, quæ vitam eternam ex pacto diuinæ legis me-
rentur. Iustificat igitur nos etiam ut homo, non
iustitia illa essentiali ipsi unita, ut somnianit impu-
rus ille Osiander, sed habituali siue qualitate crea-
ta, & (sicut de sapientia diximus) ipsius Christi
animæ assumptæ, tanquam subiecto, inhærente: quæ
rursus distinguenda nobis est, ut totum hoc myste-
rium imputata nobis iustitiae Christi penitus per-
spiciatur.

Habitualis ergo siue creata illa iustitia Christi
partim significat illum perfectissimæ integratis &

ad implendā omnem iustitiā aptitudinē habitum, quo ab ipso conceptu perfectissima & integerrima ipsius anima imbuta est, cum perfecta itidem corporis & omnium ipsius sensuum dispositione, ad ultro implendum, quicquid purissima anima per corpus agere voluit: partim autem istius habitus effectio-nes, & acquisitam hoc etiam modo iustitiam decla-rat. Itaque tribus modis iustissimus fuit, & in aeternum erit Christus: uno, essentialiter, quatenus est verus Deus: altero ut omnium virtutum ha-bitu praeditus homo: tertio denique, quatenus omnem iustitiam reipsa implevit perfectissime pre-stita Patris voluntate, propter quam missus fuerat: & cui Patri tu anima tu corpore perfectissime obediens usque ad mortem, mortem autem crucis, merito iu-stissimus hac etiam in parte dicendus est: idque contrario quam hominibus accidat ordine. Pra-cedit enim in hominibus (quales post lapsum nascimur.) sed deo ex sancti Spiritus gratia, que tan-dem frequenti usu euadit εξις, (de qua loquens Ioannes, Iustus est, inquit, qui iustitiā facit, 1. Ioan. 3.7:) hic quidem (ut modo dicemus) inchoata, in altera autem demum vita consummanda. Sed in Christo praesent perfectissima εξις, que realem alteram iustitiam in ipso peperit: qualis etiam erat futura Adami iustitia actualis, nisi habituali per peccatum excidisset.

Ex hac autem iustitia triplici essentialis illa tam propria est Deo & arcivīvōnēs, quam ipsamet

- Deitatis,

Deitas, ac proinde, si deliriū Ostiadri valeret, omnes credentes essentiali Dei iustitia iustificati illud ipsum essent, quod est Deus: sicut homo ille assumptus propterea dicitur Deus, quod essentialis Deitas verbi, ac proinde iustitia sit ipsi unita. Nam recte omnino Cyrillus in Ioan. lib. 2. ca. 51. Nihil (inquit) firmum ac stabile, nihil perpetuum soli Deo attribuetur, si creatura quoque ea substantialiter & per naturam suscipere poterit, quae in Deo substantialiter sunt. Nec tamen propterea censendū est nullas esse essentialis iustitiae in nobis iustificandis partes. Nam illa ipsa est, quae duplē illam alteram iustitiam creatam inenarrabili virtute perfundit, ut Deo Patri infinitè placeat, & propterea iustitia Dei nuncupetur, utpote quae unica coram Dei tribunali sit coronāda. Iam verò, quum, ut ait Esaias, Puer iste natus sit nobis: quod etiam Angeli pastoribus inculcant, Lnc. 2. 11. utraque etiam illa iustitia nostri causa assumpta est: ut videlicet Dei iustitia efficiamur in eo, 2. Cos. 5. 21. id est, utraque nobis, interuentu fidei, imputata, non modo à peccatis absoluamur, sed etiā cohæredes cum ipso facti simul quoque coronemur.

Nunc ad Sanctificationis beneficium veniamus, quod & ipsum duplex est: unū videlicet ex sanctificatione humanæ naturæ Christi ab ipso virginis utero plenissimè sanctificata, Mat. 1. 20, & Luc. 1. 35. nobis imputata. Sanctificat nos ergo Christus ut Deus, naturæ suæ humanæ sanctimoniam gratis

imputans, qua non modo tegatur nostra omnis natu-
ria corruptio, quam propterea in assumpta carne
nostra aboleuit, sed etiam sancti & immaculati
censeamur: & nos sanctificat ut homo, quoniam hec
ipsa sanctificatio qua nobis imputatur, humanae
ipsius naturae, ut subiecto, insidet & inheret, ut pote
qua seipsum sanctificauerit, ut in eo sanctificare-
mur, sicut ipsemet loquitur Ioan.17.19. Alterum
autem sanctificationis beneficium proorsus diuersum
quiddam est. Sic enim vocamus donum illud, quo
vetus quidem homo mortificatur, nouus autem
in illius locum succedit, id est, tum mentis facul-
tates omnes, tum mens ipsa illuminatur in agnitio-
nen veritatis: voluntas autem immutatur, ut in-
cipiamus & velle, & facere, qua Dei sunt. Et hec est
iustitia, id est, noua qualitas in nobis per meram
gratiam creata, & animo nostro quasi subiecto in-
hærens, quam rursum Christus ut Deus cum Patre
& Spiritu sancto in nobis efficit, quamobrē etiā mo-
do Patri, modo Filio, modo Spiritui sancto beneficiū
istud attribuitur. Recte autē Cyrillus in Ioan. li. 11.
, cap. 25. Participatione Spiritus sancti vivificare, su-
perem tantum natura opus est. Sed rursum eandem
Christus, ut homo, non aliter, quam fons riuum, in
nobis gignit, quatenus videlicet ex ipsius humanae
naturae perfecta sanctitate in nos ipsi adiunctos,
qua ipsi libuit mēsura, effunditur, quod utrumque
beneficium diuinissime Paulus sic explicat, Rom. 8.3.
Quum enim (inquit) legis impotentia nihil posset

in

in carne, Deus, suo ipsius Filio misso, conformato car-
 ni peccato obnoxie, id est pro peccato (id est, ad abo-
 lendum in ipso nostrae carnis omnem corruptionem
 & labem) condemnauit peccatum in carne, ut il-
 lud ius Legis compleatur in nobis, qui non secun-
 dum carnem incedimus, sed secundum Spiritum.
 Et recte Cyrillus, Spiritum (inquit) propter nos ut
 homo recepit, ut totam naturam sanctificaret, in
 Ioan. lib. 2. cap. 3. Nec pigebit plura eiusdem Cy-
 rilli verba ex lib. in Ioan. 11. ca. 2. 5. referre, ut to-
 tum hoc sanctificationis tum in ipsa Christi carne
 creatae, tum in nos ex illa emanantis mysterium pla-
 nissime explicetur. Sanctificari (inquit) secundum
 legalem consuetudinem dicitur, quod, ut sacrum,
 Deo tribuitur: participatione vero Spir. sancti
 sanctificare, suprematantum naturae opus est: Et
 mox, Arbitramur autem carnem Domini per Spi-
 rum fuisse sanctificatam similitudine aliarum
 creaturarum, proprio templo à Filio Dei peruncto,
 sicut Psalmista quoque unigeniti personam cum
 humanitate considerans, clamat, Propterea unxit te
 Deus Deus tuus oleum latitiae præ confortib. tuis: & pro-
 pter nos seipsum sanctificat, ut ab eo ad nos redun-
 dante sanctificatione, ipsi sanctificemur in veritate,
 id est, in Spir. sancto. Item: Nulla res ex nihilo pro-
 ducta, sanctificationis fructum per naturam habet,
 id est, à seipsa, sed eam gratiam ab eo acquirit, qui
 natura sanctus est. Quoniam ergo caro Christi non
 natura sancta, sanctificata in Christo est à verbo

" Dei, quod habitat in ea, quodque templum suum
 " sanctificauit: Item, sed quomodo sanctificatur, qui
 " naturaliter sanctus est? nempe naturam nostram
 " absolutissime absque peccato ineffabiliter sponte
 " sibi coniungens, ut eam in se primo & per seipsum
 " ad pristinam pulchritudinem restitueret: utque cœ-
 " lestis ipse homo & Adam secundus, primus omnium
 " in noua vita, iustitia, & sanctificatione spirituali co-
 " stitutus, cuncta perse bona generi nostro immittat.
 " Quum igitur sanctus natura sit Deus, quumque
 " ipse sanctificationē spiritus creaturis immittat, ef-
 " ficiatque vt creatura & sit & duret in sancto Spi-
 " ritu, propter nos sanctificatur, non ab alio id acqui-
 " rens, sed ipse sua carni sanctificationem immittens.
 " Ita spiritum sibi ipsi vt Deus præbet, & vt homo,
 " accipit, quod non propter seipsum, sed propter nos
 " fecit, vt ex ipso & in ipso primo recepta sanctificatio-
 " nis gratia ad totū gen' trāsiret. Hactenus Cyrillus.

Cum hac sanctitate & iustitia tum imputata
 tum inhærente usque adeo cohæret vita eterna per-
 petuo nexu, scribente Habacuc Propheta Iustum ex
 fide vivere, vt vivificationis nomine omnia su-
 periora intelligantur, quoniam videlicet vt omnis
 maledictio à peccato est, quod nos à Dei benignitate
 scilicet, scilicet autem à Deo mors: ita bene-
 dictio cum sanctitate & iustitia cohæret, qui-
 bus Deo adiungimur. Coniunctio vero cum Deo
 vita est. Sed in eo quarto Christi beneficio, quod
 nobis nunc explicandum superest, vite nomine in-
 telli-

telligimus perennem illum felicissimum statum, in quo cum Christo capite nostro in cœlis regnabimus, & cuis arrhabonem in mentibus nostris iam nunc obtainemus, fidei ωληροφοτα innisibilia cernētes, & spei firmitate quasi iam in cœlis consistentes, & charitate suis fructibus nostram adoptionem in nobis testificante, alacriter huius vitæ curriculum emetientes, donec non morte, sed suauissimo somno superueniente, anima quidem ad Christum emigret plenius felicissimam illam vitam cū illo degustatura, corpus autem terræ mandatum ad apostolav paulatim formetur ad ultimum usque illum diem, in quo beatissima vita toti perfruemur. Hanc igitur vitam Christus, quatenus Deus est, nobis cum Patre & Spi. sancto largitur, quum sit Deus unicus fons existētia & cōseruationis rerū omniū, ac præsertim huius æternæ felicitatis. Huic autem opponitur mors tum prima tum secunda, que & æterna vocatur: utraque et si iusto Dei iudicio ordinata & decreta, minime tamen à Deo, sed à Sathanā & peccato exorta. Deinde hanc ipsam vitam Christus, ut Deus, nobis non aliunde, quām in sua ipsius carne largitur: qua de re sic pulcherrimè Cyrius in illud Christi Ioan. 6. Nisi manducaueritis carnē filij hominis, &c. lib. in Ioan. 10. cap. 13. Caro vita facta unigeniti caro ad virtutem vitæ traduta est: non potest igitur morte superari, propterea in nobis facta interitum à nobis expellit. Non enim abest ab ea unigeniti Dei filius, id est, natura

humana quum assumeretur ab unigenito, facta est
 eterna vita viuens per Deitatem, in qua subsistit:
 unde duo consequuntur, nempe non posse illam a
 morte superari, & quoniam assumpta est nostri vi-
 uificandi causa, omnes qui fiunt eius participes, in
 illa quoque viuiscari. Et ne quis putaret hanc vi-
 uificandi vim ab ipsa carne, ut causa efficiente,
 promanare, addit prudenter Cyrus, viuiscam
 esse, non in se, sed in Verbo ipsi hypostaticè unito.
 Quemadmodum ergo de sapientia, iustitia, & san-
 titate diximus, ita duplex est in unica Christi per-
 sona vita, ut & duplex natura: una autem, nem-
 pe Deitas ipsa: altera, istius effectum, vita videlicet
 creata & assumpta naturæ, ut qualitas, insita: eaque
 rursus duplex, nempe tum animalis, qua videli-
 cet substantem in se assumptam naturam totam
 viuiscavit ὁ λόγος ad tempus, id est, tantisper dum
 pro nobis in infirmitate illius satisficeret: tum spiri-
 tualis & eterna, qua post peractum suum opus cœ-
 lum ascendens frui cœpit, & cuius veluti semen ad-
 iunctis sibi membris iam nunc instillat, donec ple-
 nissime toti in eo & cum eo sempiterna felicitate
 perfruamur.

Horum autem omnium, quæ de Christi in nos be-
 neficijs diximus, haec summa est, Unicam Deitatem
 Patris in Filio per Spiritum sanctum haec omnia Ec-
 clesiæ σχεννωσ̄ non essentialiter largiri: deponi
 verò ex Christi humanitate, tanquam abundan-
 tissimo nec unquam exhaustiō, & in hunc ipsum
 finem

finem constructo diuinitus, & summè locupletato
thesauro, ut inde in omnes credentes exuberet. Et
hic quæstio duplex agitatur. Sunt. n. qui nobis, quos
falso & inuidioso nomine Zwingianos & Calui-
nianos appellant, hoc dogma tribuant, quod in Cœ-
na Domini pro re Sacramenti non corpus ipsum pro
nobis traditum, neque sanguinem ipsum pro nobis
effusum, sed Christi tantum merita statuamus.
Saltem vero pro Meritorum voce dona & ener-
giam Christi statuerent. Qui verò nobis hoc obij-
ciunt, quia & symbola & rem significatam (id est,
ipsum corpus & ipsum sanguinē) reipsa cū pane &
vino eodem loco sisti volunt: utraque eodem oris
instrumento sumi à quibusvis contendunt: ac proin-
de, sicuti nos accusant falso quasi energiam Chri-
sti absque participatione corporis & sanguinis ponam-
mus, ita hoc in illis, & verè quidem reprehēdimus,
quod pro fidei spirituali organo os corporeū substi-
tuant, & in indignè accendentibus corpus Christi
energia viuifica spolient. Nos autem sic de istis
sentimus ac docemus.

Quum Christi beneficia, tum quæ per solam im-
putationem, tum quæ per realem efficacitatem no-
bis conferūtur, sint qualitates Christi carni, ut sub-
iecto, inhærentes, à quo in credentes per Spir. sanctū
redundant, non minus absurdum est existimare,
quempiam fieri bonorum illorum compotem absque
carnis ipsius, id est, subiecti, cui propriè inhærent, &
& quo emanant, participatione, quam si quis dice-

ret, corpus posse ex ea anima vitam haurire, que
ipſi non inſit, aut posſe quempiam cibo, quē non com-
edat, aut potu quem non bibat nutriri. Itaque
tantum abeſt ut ſola illa Chriſti dona ſue ener-
giā, ſue merita, ſi quis volet, pro re Sacramenti in
Cœna Domini ſtatua muſus, ſeclusa ipſius Chriſti car-
ne & ſanguine, ut etiā & in ſimpliſis verbi p̄ra-
dicatione, & in baptiſmo Chriſtum ſemper i-
pſum in carne nobis per fidem ſemper ſumendum
proponi aſferamus, quoniam, (ut recte inquit Cy-
rillus) Spiritus in Chriſto ſumme cum carne coiun-
ctus eſt, & caro etiam cum Spiritu: ita ut neque
carnem eius abſque energia, neque energiam abſ-
que carne sumere vel in ſimpli verbo, vel in Sa-
cramentis poſſimus. Sed hoc adiicimus, ſicut in ſim-
pli verbo verbum quidem p̄diciatum Chriſtum
nobis voce annuntians aurium ſenu percipitur,
Chriſtus autem ipſe verbo p̄dicate ſignificatus
non niſi intellectu credente recipitur: ita etiam in
Baptiſmo quidem corpus aqua illa tingi, mentem
vero credentis ſanguine per aquā ſignificato ablui:
in Cœna vero pane illo & vino illo corpus pa-
ſci, carne autē & ſanguine Domini animam cre-
dentiſ (ut loquitur Tertullianus) ſaginari. Sa-
ginatio autem iſta non eſt in reali contactu carniſ
ipſius poſta (quod neg carnis Chriſti veritas, neg
analogia inter Chriſti carnem perceptam, & men-
tem noſtram, qua velut instrumento percipitur) pa-
ti poſteſt, ſed tota ſpiritualis eſt, & huc tendens, ut
quem

q[ue]nemadmodum naturali vinculo anima cum corpore coniuncta sensum & motum naturalem corpori insinuat: ita spirituali & ineffabili mysterio (ut loquitur Paulus Ephes. 5.30. & 32.) cum ea Christi natura qua frater noster est, per fidem apprehensa coniuncti, ab ipsa non ipsam corporis aut sanguinis substantiam cum nostro corpore & sanguine realiter adiungendam, nec ipsius animam cum anima nostra reipsa agglutinandam ad nos atrahamus: (quae omnia neque virtuti, neque nostræ salutis mysterio consentanea sunt, sed Cyclopica & Capernaitica.) verum ut qualitates in illa, sicuti diximus, humana Christi natura, nostra causa Divinitus ab ipso verbo assumente creatæ, sicut etiam nostræ causa fuit à verbo assumpta, nobis sancti Spiritus virtute verè communicentur: aliae quidem per imputationem, aliæ vero se nobis reipsa insinuantes, & ex illius ceu capit is plentiudine, sicut lumen ex lumine accensum, & sicut calor ex calore prodiens, in nos spiritualiter ipsi adherentia membra desfluentes: cuiusmodi sunt illa Spir. sancti καίσματα & ἐπιφύματα, quæ commemorat Apostolus, 1. Cor. 12. tum omnibus sanctis communia, ut cognitionis veri Dei, fidei, spei, charitatis, viuis & denique virtutis corpora etiā nostra suo tempore viuiscatur & donū: tum pro diuersa particulariū in Ecclesia vocationum ratione, spiritualiter huic & illi attributa. Verissimum est igitur, quod ait Cyrius illam vitis parabolam ex cap. Ioan. 15. luculenter aduersus Arianos disputans scribit: Vitis

„ nimirum appellatione non ipsam per se Christi
 „ Deitatem, sed Deificatam carnem intelligi, cui nos
 „ inseri spiritualiter oporteat, ut eius succo viuiscat,
 „ ceu palmites fructum feramus, ac proinde non ha-
 „ bitudine solum, qua per charitatem intelligitur,
 „ Christus sit in nobis: verum etiam participatione
 „ naturali. Nam quemadmodum, si quis igne lique-
 „ factam ceram alijs ceræ similiter liquefactæ ita mi-
 „ scuerit, ut unum quiddam ex utrisque factum
 „ videatur: sic communicatione corporis & sanguini-
 „ nis Christi ipse in nobis est, & nos in ipso. Non po-
 „ terat enim aliter corruptibilis hæc natura corporis
 „ ad incorruptibilitatem & vitam traduci, nisi na-
 „ turalis virtus corpus ei coniungeretur. Hec Cyrillus.

Quem locum quoniam & Transsubstantiatores &
 Consubstantiatores in suas partes trahunt, & Har-
 chius quoque, pro ipsa carne essentiam verbi
 substituens depravat, sciendum est non ipsius natu-
 ralis participationis modū, sed quid participemus,
 sic declarari, quo etiā pertinet ceræ liquefactæ per-
 mixtio. Hoc igitur dictum voluit Cyrillus: ipsum
 met Christum oportere nostrum fieri, ut, que ipsi
 insunt, ab eo postea accipiamus: & huic nostræ cum
 ipso coniunctionis vinculum esse naturam, cuius
 assumptione frater noster primogenitus factus est.
 At si quis iam querat, quis sit eius participationis
 naturalis modus, audiat respondentem Cyrillum,
 & ex eo dicat, non ore fieri, sed mente, & unica
 spir. sancti virtute: ut merè spiritualis sit hic modus
 sine

sine Diuinam virtutem veram illius efficientem causam, sine spiritum nostrum fidei quasi manum & instrumentum recipiendo Christo adhibentem, sine huius coniunctionis effectum, spiritualem videlicet vitam spectes: Agnoscite (inquit lib. in Lexit. 7.) figur as esse in Diuinis voluminibus, & ideo tanquam spiritales, & non tamquam carnales examine, & intelligite quae dicuntur. Si enim quascum carnales ista suscipitis, ledunt vos non alunt. Est in Euangeliu litera, quae occidit eum qui non spiritualiter ea quae dicuntur aduerterit. Si enim secundum literam sequaris hoc ipsum quod dictum est, Nisi manducaueritis carnem meam, & biberitis sanguinem meum, occidit haec litera. Et Bernardus in Cantica: Quasi vero Christus, quem iam ascenderit in celum, tangi aut velit aut posse: & utique poterit, sed affectu non manu, voto non oculo, sive non sensibus. Sed de his satis, quum haec minime neget Harchius, aduersus quem propriè nunc disputamus.

Supereft, ut quibus instrumentalibus causis ista cum Christo consociatio nostra fiat, & quae sit illarum vis paulò plenius quam antea dispiciamus. Quod ad Deum igitur attinet, ordinaria sunt eius instrumenta, pastores ac doctores, & verbum externū, interdum simplex & nudum, interdum additis symbolis veluti uestitum. Ad nos autem quod attinet percipiendis externis illis instrumentis, organa corporis adhibemus, aures nimirum ad au-

diendum ex Pastoribus verbum, oculos præterea,
os, & manus, totum denique corpus ad visibilia Sa-
cramenti symbola nobis applicanda: rebus autem
ipsis, tum per simplex verbū, tum per adiecta sym-
bola à Deo significatis simul & oblatis percipiendis
mente & intelligentia utimur, quæ si fidei lumine
illustrata est, tum sane res illas & intelligit, & sibi
applicat, sin minus, aspernatur, & interdum etiam
irritet, aut etiam illis offenditur. Et hac omnia esse
vera, ex uniuerso Dei verbo constat, ut Eph. 4.11,
Rom. 10.8, & 17, Ioan. 6.63, 1. Pet. 3.21, 1. Cor. 1.32,
& 2.16, Rom. 9.30. & alibi passim. Iam vero, quæ
sit illorum instrumentorum efficacia si queratur:
facile hoc fuerit diiudicare, si qua de re hic agatur:
quæ sit instrumentorum externorum, quibus Deus
utitur, natura: ac denique, quæ sit nostra tum exte-
rior tum interior vis, consideremus. Agimus hic
ergo de re penitus & mere diuina, nempe de nostra
cum Deo per Christi carnem spiritualiter nobis
communicatam reconciliatione: de noui hominis
noua creatione, & veteris abolitione: de imputata
iustificatione: de totius hominis ad incorruptibili-
tatem & cœlestem perpetuam vitam traductione:
quarum rerum, si vel unicam dicamus, ab ulla re
creata, tanquam efficiente causa in nobis effici, ido-
lolatrae fuerimus. Nam naturalibus quidem effi-
ctis Deus naturales causas efficientes indidit, ut
qui non tantum crearit animantia, sed etiam addi-
derit, Crescite & multiplicamini: nec tantum plan-
tas

tas crearit, sed etiam unamquam secundum
 speciem suam seminificare iussit. Sed in hominis
 lapsi instauratione, quæ altera est creatio, gloriam
 suam non magis alteri dederit, quam quum omnia
 ex nihilo crearet, & quum sibi, uno videlicet or-
 dinis rerum creatarum Domino, seruaret integrum
 eius prout ipsi libuit immutandi potestatem. Facit
 enim mirabilia solus. Hoc igitur opus omnium & qu-
 oniam excellentissimum, & omnium miraculorum mi-
 raculosissimum, nisi unica unius ipsius virtute
 ac potentia inchoari, gubernari, ac tandem perfici
 fateamur, planè idololatram sumus. Et quum iam
 ante ostenderimus ipsum Christum, quanvis non
 abs carne, tamen non sua carne, nisi ut sibi proprio
 instrumento, sed propriè duntaxat sua Deitate mi-
 racula in corporibus agrotantium, & mortuorum
 edidisse, quis seruorum manus fuerit sibi plus tribue-
 re, quam ipse magister habuerit? Sed ne rationibus
 & consecutionibus ex ratiocatione humana peti-
 tis agere in re tanta videamur, age, ex uno Dei
 verbo sapiamus, quanquam illæ sane rationes non
 aliunde sunt petite. Nullum esse arbitror nobilius
 Dei instrumentum iis in quibus posuit reconcilia-
 tionis sermonem: & tamen, neque is qui plantat
 (inquit Paulus) neque is qui rigat, est aliquid,
 sed qui incrementum dat Deus, 1. Cor. 3. 7. & alibi,
 quum se dixisset laborasse, non ego tamen (inquit)
 sed gratia Dei, quæ mecum est. Itaque in admini-
 stratione verbi ne tantillum quidem interioris

illius virtutis ministris loquentibus relinquitur:
neque hanc questionem decidunt qui virtutis
illius præcipuas partes Deo, secudas hominibus tri-
buant, perinde ac si scripsisset Apostolus, Gratia
Dei mecum, ut vulgo Sophistæ in suis scholis hunc
locum d. prauarunt: ut & illum priorem, EST
ALI QVID corruptunt, addita glossa, SO-
LVS, VEL ABS QUE GRATIA. Ne-
que tamen propterea nego fideles Pastores & Do-
cetores esse Dei ouepryous, ut loquitur Paulus, I. Cor.
3.9. adeo quidem, ut suo Timotheo scribens, I. Tim. 4.
16. in hac verba erumpat, Attende tibi ipse & do-
ctrina: id enim si feceris & te ipsum seruabis, & eos
quite audierint. Quæ ut intelligatur quomodo ac-
cipienda sint, obseruandum est, in uno & eodem
opere nostræ vocationis duplex esse spectandū opus
ad illum unum finem conspirans: unum quidem
exterius, quod per externa instrumenta Deus sic
exequitur, ut ipsa quoque agant, quoniam agun-
tur, quum homines stipites & trunci non sint in
Dei manu: alterum interius, à quo tota in solidum
prioris actionis externe efficacitas dependet, &
quod sic est Deitatis proprium, Patris videlicet in
Filio per Spiritum sanctum, ut istius ne mini-
mam quidem particulam, vel Angelus vel homo
sibi possit sine sacrilegio vindicare. Sunt igitur a-
liquid pastores loquentes per eum & eius nomine
qui ipsos misit, sed in externo dant taxat opere. Nec
enim aliud possunt, quam surdis loqui, nisi Deus
ipse

ipse sua unius vi aures det ad audiēdum: quæ quidem aurium cordis apertio unius Dei opus est. Act. 16.14. Fides ergo ex auditu quidem est, id est, interueniente externo opere prædicationis, & auditionis verbi aures ferientis: & hoc est externum opus, quod Deus per misericordiam per seruos suos missos efficaciter exequitur, sed quod intelligitur & fide recipitur hoc verbum, hoc est interius opus in quo nullum habet Deus συμπόν. Sunt enim omnes (inquit Esaias, citante etiā Ioanne, Ef. 54. 13, & Ioan. 6. 45.) Deo simili. Neque existimandum est, Paulum sic vocare sese & suos collegas, Cooperatores Dei, ut Phil. 2. 25. Epaphroditum vocat suum συμπόν nūi οὐεργάτην. Erant enim in eodem opere externo eandem operam nauantes sub eodem domino, opere ipsorum viente. At in eo, quod interius efficit Dominus, & quod est exterioris operis unicus finis, neg, sibi Paulus, neg, collegis quicquā tribuit. Quod enim ministerium ipsius nō fuerit inutile, in solidum ex Deo esse fatetur, non quod Deus hanc ipsi gratiam fecerit, ut corda potuerit immutare, sine vivificare, (quod nulli unquam rei creatæ cōmunicatum fuit, neque cōmunicabitur) sed quoniam per Spiritum suum Deus disposuerit audientium mentes ad intelligenda, & vera fide sibi applicanda, quæ aures corporis ex ore Pauli audiabant. 2. Cor. 3. 6. quomodo etiam loquitur: 1. Cor. 2. 4. Gal. 2. 8. Thes. 3. 5.

Quod si in ipsis hominibus Verbum administrā-

I.ij.

tibus nulla vis interior inest, sed eam totam sibi Deus integrum seruarit, satis ex ea intelligitur, quid sit ipsi verbo pronuntiato tribuendum: nempe verissime quidem id esse quod dicitur, Verbum vita aeterna, Ioan.6.63. & 68: & potentia Dei ad salutem, Rom.1.16: & quoniam gladio penetrantius, Heb.4.12: & semē incorruptibile, Luc.8.11: at non quatenus vox est aures feriēs, sed quatenus Deus, id est, sermo ille Dei viui interior mēti id insculpit, quod auribus per externum verbum significatur, ut ostendit Petrus, 1. Pet.1.23. Neque quum hac dico, externum opus, quod Deus per homines administrat, ab interiore, quod unius Dei est in solidum, separo cum Enthusiastis & phanaticis, sed tantum distinguo: ut in eo commendetur singularis Dei misericordia, quod hominum ministerium adhibere in hominum salute dignetur, quod qui spernant illa clementia seipso priuent: & tamen sua Deitati gloria tota, sicuti par est, seruetur.

Supersunt sacramentales actiones, in quibus quā praecipue partes sint verbalis promissionis, cui symbola visibilia, veluti sigilla quadam, adiiciuntur, ex ijs quā modo diximus de exterioris verbi prædicatione satis intelligi potest, non esse aliter de eo statuendum propter symbolorum adiunctionem. Ipsiis vero symbolis aliquid Diuinae virtutis tribuere absurdius est quam si verbo tribueretur, quum illa ab isto habeat, quod ex rebus communibus sacramenta euaserint. Nota enim est regula

in scholis trita, Propter quod aliquid tale est, id ipsum magis tale. Totum igitur istud commentum Magis & Incantatoribus relinquamus, & de his mysterijs idem quod de simplici verbo statuamus: in una videlicet eademque actione Baptismi & Cœna Domini, Deum aliquid agere per homines, (id videlicet, quod in mysteriorū institutione fieri externo ministerio mādauit) & aliquid solū & per se interius, quāuis nō absque illo: id nimirum quod verbi sono & symbolis verbo adiunctis, totoque sacramentali ritu fuit significatum. Sic enim loquitur nos docet Moses cordis circuncisionem uni Deo tribuens, Deut. 30.6: ut & Paulus Rom. 2.29. Sit ergo Baptismus lauacrum purgationis per verbum, Ephes. 5.6. & lauacrum regenerationis & renouationis Spir. sancti, Tit. 3. & Act. 22.16. Sed ita, ut externus aquæ Baptismus non quidem separetur, sed authore Ioanne Baptista, (sicut apud quatuor Euangelistas inculcatur & repetitur: Act. 1.5.) ab interiore Baptismo Spiritus sancti, distinguatur, quo se quoque baptizari oportere confessus est Math. 3.14. Et ne quis sophista quippiā hic garrisat de Baptismi Ioannis & Baptismi Christi utriusque exterioris discriminē, audiatur Petrus salutem tribuens Baptismo, non quo carnis sordes abiciuntur, sed quo fit, ut bona conscientia Deum interroget, siue, ut alijs vertunt, Deo respondeat per resurrectionem Christi: 1. Pet. 3. 21. id quod Paulus copiosè explicat. Rom. 6.3. & 4. & Col. 2.12. Sed &

pulchrè Tertullianus de resurrectione carnis, Anima (inquit) non lauatione, sed responsione sanctitur: alludens procul dubio ad publicam fidei professionem, quæ ab adultis baptizandis requirebatur, ut diserte scribit Lucas Act. 8. 37. quod ridiculè postea & imperitè à baptizandis infantib. requiri cœpit. Nec aliter esse nobis de Cœna Domini sentiendum, partim communis Sacramentorum ratio demonstrat, partim etiam illud ostendit, quod non omnes eandem escam sumentes, nempe exteriorem ab hominibus administratam, & hactenus spiritualem (Sacramentum enim est, non res communis) nolit tamen Apostolus ad vitam sumere, sed quosdam etiam ad damnationem: 1. Cor. 10. 3. & 5. & 11. 27.

Et de his quidem hactenus, ex quibus fore spero ut omnibus veræ pietatis sine præiudicio studiosis pateat, quam vana ista sint Harchij commenta de substantia Trinitatis re ipsa in panem illapsa, & alijs inde consequentibus portentis, ac proinde quam falsæ sint calumniae, quibus homo iste nos onerat, quasi inter Sacra menta & res communes nullum discrimen constituamus, mutationem Sacramentalem ignoremus, aut tradere in catechisis nostris negligamus: adeò quidem impudenter, ut Oecolampadij & Martyrem, beatæ memorie fideles Deis eruos, in partes suas audeat per trahe-re: Zwinglium autem illum verè hominem Dei, partim inscitiae, partim etiam per ludibrium dissimula-

mulationis accuset, quasi discipulorum habuerit rationem, qui non fuerint solidæ Theologiae adhuc satis capaces: *Quinimo me quoque Bezzam, postquam est mihi assentatus multò honoriscentiore, quām merear, eruditio nis testimonio, sibi penè & alijs persuadet à potentiali & actuali cōmentitio Christi corpore non valde dissentire.*
Quibus calumnijs omnibus hoc sit semel responsum, datam esse hanc gratiam magnis illis seruis Dei, quorum opera pro Papismo verus Christianismus in Helueticis primū, Rheticis, & Sabaudicis Ecclesiis obtinuerit, ac sit deinceps longè & late in orbe terrarū propagatus: ut neque de Cœna Domini, neq; de ullo fidei Christianæ articulo aliud fuerit prædicatum, quām quod & priore & posteriore Heluetica confessione continetur: quorum vestigij sic institisse, & deinceps perrecturos illorum successores cōfido, in quibus & ipse Deo sic volente, nomē meū profiteor, ut à Dei veritate, quām illi ad extremum usque halitum & voce & scriptis perspicue, & sine ulla dissimulatione testati sunt, ne latum quidem unguem discedamus.

Ad hæc autem errorum monstra de quibus diximus, libet etiam alia duo adiungere, ut si quos ille in errorem abduxit, tempestiuè in viam reddeant. Harchius igitur postquam de essentiæ diuinæ in panem percolatione, & alijs eiusmodi nugis, veluti potentiali Christi corpore, & nostra in Christum transitione, quasi supra cœlos omnes transue-

et us disputauit, tandem audiamus, quem tandem
fructum nos velit ex hoc mysterio elicere, ubi
Christum ipsum loquentem inducit, (pagina poste-
rioris libri sui 271.) HO C FACITE, inquit
„Christus, id est, offerte Deo Patri: & deinceps, CO-
„MEDITE, id est, donum, quod est in hoc visibili
„pane, (symbolo huius mei corporis cras pro vobis
„crucifigendi) cum dilectione & fide suscipite, ut
„hinc meo exemplo discatis offerre vestra corpora, &
„exponere vitam ad Dei gloriam & proximi defen-
„sionem, si opus est, tum & bona omnia, quae accipitis
„a Deo, pari assuescatis liberalitate alijs e gentibus
„distribuere, & simili charitate in alios effundere.

Hæc vero, si sic se habent, quid aliud fuerit Cœna
Domini, quam quedam, quantacunque illa sit, ad
solendam fraternalm charitatem incitatio? Neque
vero nos inficiamur longè præstantissimum hoc esse
diuina in nos miserrimos peccatores charitatis pi-
gnus, quo mutua nostræ dilectionis admoneamur:
sed absit, ut vel præcipuum hunc finem Cœna es-
se existimemus, vel hæc sacra mysteria pro imita-
tionis exemplo & mystica tantum quadam commo-
nefactione habeamus. Sunt enim lögè alia beneficia
nouifæderis, quod istis tesseris nobiscum sancitur.
Primus igitur & primarius huius sacrae actionis
finis est, nostræ cum Christo consociationis, per
ipsius carnem spiritualiter, adhibitis illis symbolis,
interueniente fide, nobis verè communicatam, &
animi nostri quasi intimis visceribus insculptam
diuinam

diuina solennis confirmatio : alter vero, omnium
donorum, que in ipsius carne insunt, nobiscum par-
ticipanda, tum per imputationem, tum per realem
intra nos efficacitatem magis ac magis sancta
adeptio. Sunt enim haec mysteria, ut ex Institutionis
& Apostoli verbis appareat, noui Testamenti tesse-
ra in remissionem peccatorum : praecipuum videli-
cet nostra cum Christo reconciliationis beneficium,
& quod ceteris praere oporteat.

Sed illud quoque mirari subit, quinam tandem
Harchius, postquam nulla vini facta mentione, us-
que adeo panem illum Deificauit, in vino tamen
illo nescio quid amplius, quam in pane, id est, in
sanguine Christi amplius aliquid quam in eius
corpore constituat : adeo quidem, ut, si tempore
excluderis (inquit pagina editionis prioris 116.)
bibendum sit de calice, & non comedendum de
pane, sicut si quis in animi deliquium inciderit,
quod manducatio longius exquirat tempus quam
potatio, in os potius iniecerit vinum, quam carnes,
quoniam illud citius repente delapsas instaurat vi-
res. Enim uero, an non haec potius ebriosum quam
Christianum hominem decent? Quasi vero non
manifeste Christus duplex signum in Cœna Domini
instituens, unum cibi, alterum potus, sic demon-
strarit totam nostram alimoniam spiritualem in
uno Christo sitam esse, & quidem mortuo pro nobis:
quod etiam eo adumbratum est, quod seorsim vi-
num, seorsim panis distribuitur, ut sanguis à corpore

nostri causa separatus fuisse, sic quoque significetur.
 Citat tamē profe Harchius duos testes, Ambrosium
 videlicet, & Originem, sed quorum neutri in
 mentem venit, ut calicem absque pane ritè sumi
 posse doceret, quum longè certè sit absurdius sobrijs
 omnibus iejunis bibere abique cibo, quād cī-
 bum sumere absque potu. Sed quid ait Ambrosius?
 „1. Cor. 11. Caro Seruatoris, p salutē corporis sanguis,
 „pro anima effusus est. Hac verba, fateor, in Com-
 mentarijs Ambrosio adscriptis leguntur, eo quoque
 hæc verba Mosis detorquenti, Leuit 17. 17. Anima
 carnis est in sanguine, & ego dedi eum vobis super
 altare, ad expiandum animas vestras, quia sanguis
 ipse animam expiabit. Sed quis Ambrosio concedet,
 quod inde colligit? nempe pro solo corpore oblatam
 fuisse victimæ carnem, ut hoc postea ad Christi cor-
 pus pertrahatur. Non excludit ergo Moses ab ex-
 piatione animæ, carnes oblatæ victimæ sed pro-
 pterea quod animalis vita in sanguine est, voluit
 offerentes non ipsam materiam carnis victimæ, sed
 victimæ mortem in effusione sanguinis spectare:
 quemadmodum Christi carnem, ut sit nobis serua-
 trix, non debemus simpliciter in se se, sicut ea predi-
 tus fuit Christus, sed ut crucifixam & mortuam
 pro nobis considerare & participare: quamobrem
 etiam sepissimè, ubi de nostra per Christum recon-
 ciliatione agitur, peculiaris fit eius sanguinis men-
 tio: sed ita ut corpus minimè excludatur. Nam de
 toto Christo dixit Iōannes, Ecce Agnus Dei, qui tollit
 peccata

peccata mundi, & Apostolus Col. 1. 23, de totis nobis
credentibus loquens, Reconciliauit nos (inquit) in
corpore carnis sue per mortem: & Heb. 10. 10, qua
voluntate sanctificati sumus per oblationem corpo-
ris Iesu Christi semel factam: & Petrus 1. Pet. 2. 24,
Qui peccata nostra pertulit in corpore suo super li-
gnum, &c. Absit igitur, ut in redemptionis nostrae
mysterio allegoriam illam Ambrosianam, aut cuius-
quam alterius sequamur, quod tamē tanti viri pace
sit dictum. Quid autem Origenes ille allegoriarum
magister tum certè somnians, quum attentissime
videtur vigilare? Cur (inquit Homilia 35. in
Matth.) nō dixit Dominus, HIC EST PANIS
NOVI TESTAMENTI, sicut dixit, HIC
EST CALIX NOVI TESTAMENTI?
quia panis est verbū iustitiae, qua māducātes anima
nutriuntur, potus autem siue calix, est verbū agni-
tionis Christi secundum mysterium nativitatis &
passionis, &c. Pudet enim me istiusmodi delirijs
chartas implere. Quorsum enim nobis alle-
goricam sacramentorum transformationem, & qui-
dem usque adeò insulfam? Si quis tamen illius
questionis explicationem desideret, sic potius rem
accipiat. Sancitū quidem fuit fædus nouum totius
Christi oblatione, sed quia mors interuenerat, cui-
denter fuit in effuso sanguine, quam in ipsa carnis
materia. Propterea sub vetere fædere Moses dixit,
Ecce sanguis fæderis, quod pepigit Dominus vobis-
cum: ac proinde Christum quoque ut veritatis ad

typum relatio fieret expressior, noni fæderis appellationem sanguini suo potius, quam corpori applicasse, sic tamen ut corpus cuius sanguis fuit effusus, nequaquam excluderit ab animæ in primis redempzione. Addo & aliam rationem, quod quum Christus bibendi vini, quod sanguinem suum appellat, mentionem fecisset, necesse fuit illum noui fæderis meminisse, quoniam sub vetere sanguinis usus diserte prohibebatur, quod in altero panis symbolo exprimere necessarium non fuit.

Expectabit autem fortasse lector hoc loco, ut singulis Patrum testimoniis respondeam, quorum multitudine putauit Harchius suum illud commentum aperte confirmari, illis certè non dissimilis, quibus si specillis viridibus utantur, viridia omnia apparent. Et mihi quidem propositum hoc erat, quum hanc scriptiōnē aggredierer, singulos videlicet Patrum locos ab Harchio citatos, ostendere partim mala fide descriptos, partim perperam applicatos & male ab ipso explicatos esse, partim etiam ipsius sententiam manifeste refellere. Sed tardius posteriorem ipsius libri editionem nactus, in qua ordine paulò meliore suum dogma proponit, & temporis spacio exclusus, quanto mihi ad priora retexenda fuisset opus: cogor accuratiorem hac in parte refutationem aliquantulum differre. Tantum interim hoc dico, quemadmodum Transsubstantiatores & Consubstantiatores videmus ignoratione, vel dissimulatione Sacramentalis tropi, quo sit, utrei signi-

Significatæ nomen ad signa transferatur, detor-
tis Patrum testimonijs, sc̄e magis ac magis demen-
tare: sic etiam Harchium, quæcunque Patres de vi
& efficacitate spirituali sacrorum mysteriorum
diferentes proferunt, ad suum illud commentum
substantia diuina re ipsa in panem illa p̄ se per-
trahere: quod tamen, haud sc̄io an cuiquam
unquam, pr̄ter hunc unum Harchium, in
mentem venerit, ut vel somniando cogitaret,
nendum ut fuerit unquam hoc absurdissimum &
falsissimum dogma in Ecclesia Christiana rece-
ptum. Nec illud etiam hominibus in veterum tum
Græcorum tum Latinorum lectione versatis i-
gnotum esse potest, illos nonnunquam suis allego-
riis fuisse plus & quo delectatos, & hyperbolice cum
de sacramentali trāsmutatione, tum de sacramēto-
rū fructu (rebus illo seculocuius ex Ecclesia notis ac
perspectis) nonnunquam fuisse loquitos: quibus ta-
men hyperbolis Transsubstantiationis & Consub-
stantiationis somnium in Ecclesiam inscitia vel ne-
gligentia Pastorum inuectum debemus. Sed alias
hac de re plura, si Dominus dederit.

Nunc verò superest, ut, quid in Cœnæ Domini
administratione idem Harchius requirat, dispi-
ciamus. Primum omnium igitur eum cultum, quem
modo adorationem, modo venerationem vocat, in
Eucharistie celebratione vult usurpari, quæ tamen
non ad ipsa symbola, (quod in Papistis merito repre-
hendit: qui tamen sc̄e non panem neque vinum,

sed ipsammet Christum Deum & hominem rei-
psa adorare respondent) sed ad totius Trinita-
tis essentiam in panem delapsam, & à carnis na-
turalis Christi in cælo nunc sitæ minime separatam
referatur. Ego vero primum quero de qua ado-
ratione, seu veneratione loquatur, interiore vide-
licet, an exteriore, an de utraque coniunctim. Nam
quod ad interiore attinet, quis unquam ita fuit
impudens, qui mentalem adorationem, atque adeo
totius cordis ad Deum conuersionem, in illa tam so-
lēni Christi mortis célébratione necessario adhibe-
dam negaret? Absit igitur, ut illa sit in mysteriorū
célébratione in nostris Ecclesiis sublatā, quam
potius, quum esset insinuitis modis in papatu conta-
minata, ad veram puritatem reuocauimus. Quod
ad exteriorem autem corporis gestum attinet, fate-
mur quidem à nobis sublatas tum histrionicas illas
gesticulationes ridiculas potius, quam religiosas,
tum illa, quamvis per se non damnanda, tamen hy-
pocritis in publico quidem cœtu, quam veris Chri-
stianis in simplicitate Deum inuocatiibus conue-
nientiora, veluti totius corporis prostrationem,
terre deosculationem, alta suspiria, pectoris per-
cussiones, & similia nimirū multa: quæ fortas-
se domi & priuatim, solo Deo teste & conscio, pos-
sint ut veræ resipiscientia signa usurpari. Honestā
autem illa, & communi populorum consensu apud
Europæos adhiberi consueta, ut capitis apertioñem
ac demissionem, genu flexionem, & si quid est eius-
modi

modi non modo in mysteriorum celebratione, sed etiam in quotidiana verbi prædicatione, & sacrorum psalmorum cantione, concionem sic & inchoantes & finientes, studiosè, & quanta cum reverentia fieri potest, obseruamus. Sed hoc nimis Harchium & alios nonnullos male habet, quod in nostris Ecclesiis stantes, nec positis ad terram genibus, alicubi etiam sedentes, & rursum alicubi, ut in Anglia, ad mensam discubentes symbola ex pastorum & diaconorum manu accipiamus. Imò etiā non desunt qui pastores vellent in illis, si non origine, at certè usu, verè Baaliticis vestibus apparere. Scilicet quum ipse adstantes ad mensam Dominus verè adorandus quâ Deus, & quâ Deus & homo simul, cœnam instituebat, surrexerunt singuli discipuli ut in genua procumbentes panem illum & vinum illud ex ipsis manu acciperent: & ignorabant scilicet ipsi Apostoli quo ritu deinceps celebranda mysteria Ecclesiis traderent. Agapas quidem certè constat vix ac ne vix quidem genuflexionem admisisse. Iustinus in Apologetico nullā facit istarum rerum mentionem. In libello de aggr. Clementi adscripto, cuius liturgiæ ritum fateatur Harchius proximè ad Caluinianorum, quos isti vocant, formulam accedere, nulla ορθοιων in ipsa sumptione, ne tenuissima quidem mentio, sed accedere post Episcopum, presbyteros, diaconos, & populus reliquias iubetur μετα αιδης ησαεβιας άρετοπύλης, id est, cum pudibunda

K.J.

quadam reverentia, sine tumultu accedere. Postea nullus fuit externis ritibus adhibitus modus, honorandorum misteriorum obtenuit. Eucharistia, dominum deportari, seruari, collo pro viatico appendi cœpit: contrâ vero tandem piaculum fuit illam vel manu laicis, quos vocant, attingere. Quid plura? tandem nostræ, cum Deo consociationis pignus Satan in βδελυγμα, quo nunquam ullum execrabilius neque extiit, nec posthac poterit excogitari, aperte tataque cum erroris efficacia conuertit, ut symbolorum illorum (si modo symbola esse possint, in quorum præparatione Institutio Domini tam horrendis modis contaminatnr) adoratio pro summa totius Christianæ religionis habeatur. Hac causa est cur non modo ἀπολατειν ipsam, sed eius quoque initia radicitus euellere studuimus: seruata religiosa tum animi tum corporis adoratione, quæ vni Deo tota debetur: tum etiam grauitate & reverentia quæ in publico cætu sanctorum requiritur, diligenter custodita. Quod si qui vel infirmitate suorum coacti, vel alias ob causas aliquid amplius ex vetustis illis ritibus sibi retinendum putent, sua cuique maneat libertas. Sed quis ferat Hirchium eos reprehendentem, qui panem aliquo modo putet adorabilem, quod Iesus Dei filius vere & realiter ibi adsit cum mera sua carne, & mero suo sanguine: quum tamen ipse longè firmius statuat adorationis fundamentum, realem videlicet & ineffabilem ipsiusmet essentialis Deitatis cum pane

pane uentionē ac permixtionē? Ex quo dogmate
apparet, illum non multo aliter certe nunc in pane
Christū adorādū cēsere, quām quum olim in præ-
senti carne in terris versaretur. Id autē si ita esset,
immemor profectō corum reperietur, quae ipsem
pag. 189. ex Nicāno consilio primo citauit, ista vi-,,
delicet, Ne h̄ereamus humiliter intenti ad panē & ,
vinum, quae posita sunt super altare, sed ut fide sur-,,
sum eleuemos corda. Nam, obsecro, si deorsum, id est
in terris & in ipso pane realiter & essentialiter
uita & permixta est Deitas quae una proprie a-
doranda est, cur non ego mentis oculos ad ipsum
panem conuerterim, ut in præsentem ipsius car-
nem, si adhuc in terris versaretur? num quia caro
in cœlis nunc est, non in terris? Atqui hæc ratio
nullius est momenti. Nec enim propter carnem i-
psius Christi adoratur ipsius Deitas, sed Deitas
non absque ipsius carne adoratur, ne dissoluatur
personæ uitas. Et de adoratione quidem hac-
nus, quam certe sic ponit, ut tollat Harchius.

Superest nunc alia grauissima tum nostri tum
Lutheranorum, quos vocat, accusatio, quod nimi-
rum visibile Christi sacrificium in imagine, sive
iugem oblationem sanctæ Eucharistie in Ecclesiis
nostris aboleuerimus, id est, scelus omnium maxi-
mum admittamus. Triplices autem esse vult Har-
chius hoc sacrificium, quantum quidem ex capiti-
bus ipsius libri 21. 22. 23. & 24. coniicere potui, li-
cet tam obscurè & tam perplexè scriptis, ut fortasse

ne nunc quidem ipsius sententiam satis capiam: sed
in summa hoc mihi videtur sentire, triplicem obla-
tionem in mysteriorum celebratione semper fuisse
a Deo requisitam & in Ecclesia Christiana obser-
uatam: unam mere spiritualem, qua se se unusquis-
que corde contrito & fide praedito coram Deo sistit,
quam oblationem unicam a nobis obseruari dicit
Harchius: alteram visibilem, afferente unoquoque
quidpiam ne coram Deo appareret vacuus: ter-
tiam ipsius corporis & sanguinis Domini, quam
utramque concludit Harchius a nobis quidem
sublatam, a papistis vero penitus adulteratam.
Ego Papistas minimè defendero, sicut etiam meum
patrocinium minimè desiderant. Quod ad nos autē
attinet, neutram si recte intelligatur, a nobis ab-
rogatam, sed potius utramque ad verum usum
reuocatam esse affirmo. Nam ut de priuatorum
oblationibus priore loco dicam: liquet, tum ex A-
ctis, tum ex Epistolis Apostolicis, itemque Iustini
& Tertalliani apologetico, & varijs antiquorum
Synodorum canonibus quos hoc loco repetere nolui,
collatas fuisse eleemosynas, ex quibus, tum com-
munes epula, quas Agapas vocabant, instrueban-
tur, tum ministris verbi, tum paperibus, & alijs
Ecclesia necessariis usibus subueniebatur. Hac
autem sic collecta in communicetu, commoda ra-
tione, puta vel in mesa, vel abaco ad id constructo,
qui duorūshēcō in Canonibus, quos Apostolicos
vocant, Canone 2. vocatur, primum imponi con-
sueuerant,

sueuerant & solenni prece adhibita Deo, id est,
piis usibus consecrari, sepositis in primis pane
& vino, quibus seorsim ad sacramentalem usum
benedicebatur, recitata & explicata Domini insti-
tutione, qua de re distincte mox agemus. Illas
igitur oblationes distinctum aliquid fuisse a sacris
mysterijs constat: quod etiamnum hodie liquet ex
Romanae Missæ particula, quam Offertorium vo-
cant: item ex illis precibus, quibus haec dona &
munera (magno quidem cum Ecclesia Christianæ
ludibrio) adhuc hodie sacrificuli Romani petunt a
Deo benedici. Sublatis autem iampridem Agapis,
& ita paulatim constitutis in Ecclesia Christiana
rebus, ut non de querendis nouis facultatibus la-
borandum videatur quibus Ecclesiastici alantur,
sed potius curandum, ut opes, quibus redundant,
pijs usibus impendantur: quorsum, obsecro, obla-
tiones istiusmodi in nostris Ecclesiis retinuisse-
mus? Itaque plerisque locis, ubi nimirum Chri-
stiani magistratus imperant, cautum est, qua ra-
tione tum ministris verbi iusta stipendia persol-
uantur, tum cuiusque loci pauperibus consulatur:
tum scholis instituendis & pauperibus alendis
scholasticis & tuendis Ecclesiarum edificiis prossi-
ciatur. Nec propterea priuatarum eleemosynarum
collectio, siue quū dimititur publicus cætus, siue
domatim collecta stipe, negligitur. In ijs autem lo-
cis, in quibus Romani quidem ventres suis adhuc
sacrilegiis sese ingurgitant, pauperculi vero ple-

rique greges cum suis pastoribus esuriunt, ibi quoque, qua ratione fieri potest, institutis diaconis, eleemosynæ conferuntur. Rem igitur ipsam retinuimus aut instaurauimus potius: formam autem illam veterem oblationum operosam, molestam, nulla certè lege in verbo Dei præscriptam, tam variè apud veteres, ut ex synodorum canonibus & Patrum scriptis apparat administratam, denique ut ambitiosam potius, quam religiosam abrogavimus. Quid autem Harchius? Vult omnino fuisse mysticoniuū, quod Sacrificium appellat, alteram partem: & veluti priorum omnium oblitus, ac in primis eius quod toties repetit, non de istis oblationibus, sed de eo pane & vino, quod per solos, ut loquitur, sacerdotes offertur: eum videlicet primum quidem per sacram benedictionem fieri potentiale, ac deiuceps comesum actuale Christi corpus mysticum, ijs nimirum, à quibus sumptus, comesus, ac tandem concoctus est, in unum Christi corpus transeuntibus: eius (iuquam) rei oblitus, vult visibiles etiam istas priuatorum oblationes fide viuis cuiusque offerentis duplicem habuisse siue figuræ, siue sacramentationem. Primum enim fuisse symbolum eorum bonorum vel temporalium vel spiritualium, quæ sibi quisque aut alijs dari vel conseruari vel etiam augeri postulabant, vel de quib. sibi cōcessis gratias agebat. Deinde vult etiā Harchius transmutatas eas fuisse in Christi corpus mysticum. Nam hæc sunt eius verba,

pag. 257. Offerebat populus (& certè ad talem oblationis usum reuocari debet) visibile quidpiam ad altare, denotans inuisibile, quod vel manducabat, vel pro quo gratias agebat : quin & eadem hostia, & idem simplex panis oblatus sanctificabatur ab iuris ab illorum fide & Spiritu Dei, qui in illis habebat, & in Sacramentum sive antitypon & Eu- charistiam corporis Domini transmutabatur ab ipsis. Et altera pagina, Panis quem offert populus fidelis, existens sanctificatus à propria fide & Spiritu Dei, quæ quisque possidet proportione fidei & charitatis sua, à figura carnis communis, trasibat in figuram sive antitypon corporis Christi, sed mystici. Hæc ille, quæ si quis roget, quo fundamento niantur, ceterè vel nouam aliquam nobis Cænae institutionem proferat à Domino traditam oportet : aut illam, quam tres Evangelista traduut, & ex Evangelistis Paulus repetit, huc quoque pertinere nobis demonstret : aut denique demissum se cælitus ostendat, qui noua nobis mysteria cuderet. Ista igitur ne refutatione quidem indigent, nec sunt etiam in alium finem à me prolata, quam ut hinc saltem, cuius spiritus iste magister fuerit, omnes intelligant, nam quum ne Patrum quidem testimonium ullum Harchius ad hoc delirium probandum protulerit. Fuerint sanè tamen oblationes istæ rerum visibilium sacrificij species : sed quales sunt nominis Dei inuocatio, & eleemosynæ iuuandis fratribus collatae: quam sacrificandi rationem tan-

tum abest, ut in sacrorum mysteriorum celebratio-
ne sustulerimus, ut in quotidianis etiam cœtibus
hoc in primis urgeamus.

Restat precipuum istius accusationis caput, su-
blatum videlicet à nobis iuge illud sacrificium in
Melchisedeco adumbratum, à Malachia prophe-
ta prædictum, & quo sublato nulla in terris
superfit Ecclesia. Saltem verò iste tam rancidas no-
bis accusationes reponens, refutationes nostras re-
felleret. Nobis verò semper ne ad rauim usque
inculcandum erit, quod & ipse textus demonstrat,
nullam in Melchisedeci historia fieri sacrificij men-
tionem, quantumuis sibi veteres in istis Panis &
Vini nominibus placuerint? Et quoties nobis illud
iteradum erit, Malachiam de numinis cultu in
spiritu & veritate noui fæderis, abrogato vetere
& ad gentes translato, formulis dicendi, ex vete-
re cultu, ceu Prophetæ solent, desumptis differen-
tem, non Sacramenta nomine suffitum & oblationis
mundæ, sed sacrificium illud declarare, quod A-
postolus copiosè Rom. 12.1. declarat? Nec enim Sa-
cramenta populi sunt offerentis, sed à Deo data re-
cipientis: adeò quidem, ut nihil esse possit ijs ho-
minibus inceptiis, qui Sacramentum cum sacrificio
confundunt. Neque tamen inferior Cœnam Do-
mini aliquam etiam habere nostri respectu sacri-
ficij rationem, & propterea iam olim Eucharistiā
appellatam. Verum id fieri nego propter præcipiu-
m ipsius finem, nempe ut nostra cum Christo con-
corpa-

corporatio sanciatur, quum uniuersam nostram vitam oporteat veluti perpetuum esse Eucharisticum sacrificium, & in quotidianis in Ecclesia cætibus, solennis gratiarum actio de omnibus in Christo collatis nobis beneficiis, etiam extra Cœna Domini celebrationem, à nobis requiratur. Nihilominus tamē quia peculiaris quedā mortis Domini annūtiatio in Cœna Domini præcipitur, sit sanè ac dicitur quod ad nos attinet; Eucharisticū sacrificium. Id verò an nos sustulerimus, ac non potius, merito sublati ex veteri Canone quamplurimis, instaurauerimus, age ex nostrarum liturgiarum formulis (& si non per omnia in ipsis verbis, at certè in doctrinæ substantia penitus consentientibus) iudicetur. Audiamus tamen, quid hīc amplius à nobis ex patribus requirat. Inquit nos (inquit) Christus facere quod fecit. Concedo: quamobrem etiam humanos omnes illos ritus in nostra liturgia aboleuimus. Sed Facere (inquit) eo loco idem est atque Sacrificare. Imò idem est atque panem accipere, benedicere, frangere, comedendum præbere, itidēmque poculum, præeunte benedictione, bibendum tradere, quod ad ministros attinet: sumentium autem respectu, accipere, comedere, bibere, mortem Domini annuntiare. Itaque etiamsi Harcho concederem Facere idem esse eo loco atque Sacrificare, tamen quum totidem illa constet à nobis diligenter fieri, calumniator in eo deprehendetur, quod sacrificium à nobis sublatum esse dicat,

Quum autem negari non possit, sacrificium esse
 vni Deo offerendum, quinam obsecro dicentur mi-
 nistri sacrificare, quum panem & vinum non Deo
 sed populo accipiendum prebent? Et rursum popu-
 lis ipse panem & vinum accipiens, comedens, &
 bibens, id est, non offerens, sed oblatum sibi acci-
 piens, quomodo sacrificare dicetur? Et tamen fa-
 tendum est, quum hæc fiunt, vel fieri quæ Christus
 fecit & facienda præcepit, vel (quod absit) non esse
 hæc facienda, sed omittenda, quum id demum in
 Cœna faciendum sit quod Christus fecit. Ex quo
 efficitur Facere non rectè explicari per Sacrificare,
 quum Totum non rectè per ipsius Partem definia-
 tur. Res autem ita se habet. Patres Cœnam Domini
 sacrificium vocarunt triplici respectu: uno, propter
 symbolorum benedictionem: altero, propter sacrifi-
 cij, quod semel à Christo in cruce peractum est, co-
 memorationem, & quandam sub imagine Sacra-
 mentorum representationem: tertio, propter solen-
 nem fidei professionem, preces, ac praesertim gra-
 tiarum actionem peculiarem: quæ omnia recorda-
 tionis nomine à Christo, & annuntiationis mortis
 Domini ab Apostolo significantur. Nam verum
 etiam sacrificium est, ut rectè scribit Augustinus,
 "de Ciuit. lib. 10. cap. 6. Omne opus quod agitur, ut
 "sancta societas inhæreamus Deo. Totam vero sub
 temporis liturgiam sic describit idem Augustinus
 "Epist. 59. quest. 5. Precationes accipimus dictas,
 "quas facimus in celebratione Sacramentorum, an-
 tequam

tequam illud, quod est in Domini mensa, incipiat,,
benedici: Orationes, quum benedicitur & sanctifi-,,
catur, & ad distribuendm comminuitur, quam to-,,
tam petitionem ferè omnis Ecclesia Dominica ora-,,
tione concludit: ad quem intellectum verbi Græci,,
origo nempe ποστεύης nos adiuuat. Sic enim pro-,,
priè intelligenda est oratio, quam facimus ad vo-,,
tum, id est, περιεργήv. Vouentur autem omnia,,
qua offeruntar Deo, maximè sancti altaris oblatio,,
quo sacramento prædicatur votum illud maximū,,
quo nos vouimus in Christo esse mansuros, utique,,
in compage corporis Christi: cuius rei Sacramentū,,
est, quod unus panis unum corpus multi sumus.,,
Interpellationes autem, sive postulationes funt,,
quum populus benedicitur. Tunc enim antistites,,
velut aduocati susceptos suos per manus impositio-,,
nem misericordissimæ offerunt potestati: quibus,,
peractis, & participato tanto Sacramento, gratiarū,,
actio cuncta concludit. Hac ille. Ex quibus quo
sensu veteres Cænam Domini sacrificium voca-
rint, apertissimè liquet. Ostendat autem Harchius,
e quid tandem istorum in nostris Ecclesiis præter-
mittatur: & tunc à nobis visibile sacrificium abo-
litum esse clamitet. Nempe hoc illum male habet,
quod εὐδειξίv, id est, abominandæ illius ἀπόλο-
γησας causam unam ex præcipuis sustulerimus:
cuius tamen neque Clemens ille, quisquis est, in
Constitutionibus Apostolicis quas vocat, neque
Iustinus, neque Tertullianus meminerunt: & que

Christum autorem habere certè non potest. Sit igitur vetustus hic ritus, cuius etiam meminit Basilius ad Amphilochium, si modo illa omnia Basili sunt: fuerit etiam hoc non inutiliter illis temporibus usurpatum, siue quum ex priuatorum oblationibus panem & vinum se posuerant in peculiarem Sacramentorum usum, siue quum per actum benedictione populum ad participationem preparabant.

Quā tamen neque hic ritus sit nobis à Deo, neque ab Apostolis prescriptus, neque in illa vetustissima purissimaque Ecclesia, ut appareat, obseruatus, & ei iam pridem idolomanic occasionem præbuerit, quæ, permanente illa è vñ dñs vix ac ne vix quidem tolli ex hominum animis possit, non modo nos, quum illam abrogaremus rectissime fecisse, verū etiam eos à quibus retinetur, neque sibi neque suis gregibus bene consulere arbitramur: quē admodum etiam in eo, quod sublata panis fractio ne (quæ nunquam in Oriente fuit abrogata, & ut ex præcedentibus appareret, Augustini tempore apud Afros obseruabatur, Sacramentalis nimirum ritus à Christo ipso institutus) offulas integras & quidem ori non manibus contrà totius veteris purioris Ecclesie morem, inserunt, adhuc Papissare sese & horrendæ superstitionis somitem fouere, nescio qua tandem ratione inficiari possint. Quid igitur? nempe etiam absque è vñ dñs salua manet oblationis sacrificij incruenti, id est, sacrametaliter perfecti, siue benedictionem ipsam symbolorum, id est,

Insti-

Institutionis Domini recitationem & explicacionem cum praeuntibus & subsequentibus à tota Ecclesia conceptis, pastore praeunte precibus coniunctā spectes, quibus ipsa quodammodo filij passio, ut loquitur Cyprianus, Deo Patri offertur, & tota Ecclesia Christi mortem annuntians, sese quodammodo Deo sacrificat: siue fidei Christianæ solennem professionem: siue denique gratiarum actionem & eleemosynarū collationem Oblationis & Sacrificij nomine accipias.

Neque de alia oblatione loquutos esse Patres, ex ipsis ab Harchio prolati testimonius omnibus apparent: qui tamen, quoties scribunt Christum sese Patri, quum sacram Cœnam institueret, obtulisse, impropterè loqui sunt: quum Christus sese pro peccatis nostris non bis, uno videlicet modo incruente, altero vero cruentè, sed semel duntaxat, & quidem in ara crucis in remissionem peccatorum nostrorum obtulerit: nihil etiam nobis oblatione illa incruenta ad id profutura, quum teste Apostolo, absque sanguine non sit peccatorum remissio. Ex quo efficitur Christum sese non obtulisse Patri in Cœna, nisi uniuersam eius vitam per oblationem intelligas, sed oblationis mox sequutur & Sacramentalem commemorationem, & nostræ cum ipso Spiritualis coadunationis mysterium Sacramentaliter representandum ac Spiritualiter per fidem sancti eorum instituisse.

Quod autem postremo loco Harchius addit, er-

rare nimirum grauiter tum Lutheranos tum Cal-
uinistas, quos appellat, qui Christum dicant certū
ordinem sacerdotij non ordinasse à populari distin-
ctum, & ullam peculiarem dari potestatem per
manuum impositionem eis ad Eucharistiam Deo
Patri offerendam negent. Hoc (inquam) putidissi-
mum impudentissimi hominis est mēdaciū. Quis
enim hominum hoc ignorare potest tantum nos
ab eo abesse ut pastores, doctores, presbyteros, dia-
conos cum magistratu vel cum plebe confunda-
mus, & cuius aut Euangeliū in cætu prædicandi
aut preces publicas concipiendi, aut Baptismum,
Cœnāmve Domini administrandi, aut eleemosy-
nas reeipiendi & distribuendi, aut Ecclesiastica
iudicia exercendi potestatē faciamus, ut contra &
Ecclesiasticas omnes tum electiones, tū ordinatio-
nes ad Apostolicam normam & regulam Dei bene-
ficio reuocauerimus, & quam seuerissime (nisi sicu-
bi priuatim peccatur) obseruemus? Etenim ne-
que vita neque morum exactum examen: neque
doctrinae & donorum ad functiones Ecclesiasticas
obeundas necessariorum diligens exploratio: ne-
que magistratus, ubi Christianus est, authoritas:
neque plebis voluntarius consensus, neque accura-
ta cautio negligitur, ne quis ambitioni vel gratia
vel negotio lñia vel dñegōnia locus relinqua-
tur. Quod ad ordinationem autem attinet, huma-
nos quidem illos omnes ritus tam operosos, quam
inutiles, & maxima iam ex parte in superstitionē
mani-

manifestam versos, imò etiam aliquatenus impie-
tate contaminatos sustulimus: sed Apostolica ve-
ræ ordinationis substantiam restituimus. Etsi enim
non nullis locis ceremonia impositionis manuum
non obseruatur, tamen res ipsa diligenter custodi-
tur, pastoribus legitimè electis & tandem ordinan-
dis coram populo detecto capite astantibus, & cum
graui commonefactione solennibus precibus Deo
Opt. Max. cuius operarij futuri sint, commedatis.
Quod autem Harchius impositionem manū my-
sticæ benedictionis nomine dignatur, tum illi in eo
assentiemur, quum vel tale aliquod Sacramentum
a Deo constitutum fuisse, vel hominibus licere
Sacramenta cedere nobis fuerit ex Dei verbode-
monstratum: quanuis maximū esse pondus precū
Ecclesiæ pro pastore suo ministerium ineunte Deū
Opt. Max. interpellantis, minimè inficiemur, ut
qui verum id esse re ipsa quotidie experiamur. Sed
perlepidus est in primis Harchius iste noster, qui po-
stquam Pontificios ut omnis ordinis Apostolici &
veteribus etiam Canonibus constituti, manifestos
violatores atq; adeò hereticos appellavit, nihilomi-
nus successionem Apostolicā in eis agnoscit, tanquā
saltēm successionem Apostolicā redolentibus, &
secessum à Romana, id est, Antichristiana & Chri-
stifundamētum tollente Pseudoecclesia sine exceptio-
ne non probat. Quasi verò ex omnibus veterib.
etiam canonibus non aperte statuatnr eius ordina-
tio irrita & quidem graui cum anathemate, ut

L192x A 680197

ipsem Harchius citat, eorum omnium, qui contra Apostolicam regulam fuerint electi, aut se se utro ad obeundam Ecclesiasticam functionem obtruserint. Eat igitur Harchius cum suis a seculis omnibus. & habeat pro Ecclesia ceterum à quo expulsus est verus Christus totius veræ Ecclesiae caput, & in quo nullum ab ipso Papa ad ultimum clericum inuenire possis, qui Christum habeat suæ vel doctrinae vel functionis auctorem. Nos autem in verae Christi confessione & vera eiusdem Ecclesia, aduersus quam inferorum porte nunquam præualebunt, Deo faveente, pergemus, cui gloria sit in æternum. Amen.

FINIS.

Errata sic corrigito.

Pagina. 5. lege industria. p. 66. dicamus. ibid. post. Qui corpus Christi realiter, lege absq[ue] pane. p. 70. l. 4. dele caro. p. 71. l. 11. dele existimare. p. 76. ancoraviles. p. 85. discerpenda.

